

**Liber Nicolai Massæ de peste contractus. Unà cum observationibus e  
Diomede Amico, et celeberrimo viro Doctore Mead collectis [by N. Smith] /  
[Niccolò Massa].**

### **Contributors**

Massa, Niccolò, 1489-1569.  
Amici, Diomede.  
Mead, Richard, 1673-1754.  
Smith, N.

### **Publication/Creation**

Londini : Impensis Gul. Mears ..., 1721.

### **Persistent URL**

<https://wellcomecollection.org/works/wjap4fy6>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.




Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>



35799/3

2/b



Christopher Tower, Esq.  
Weald Hall.

Taller copy  
Sig A-B earlier  
typesetting than  
35800/3  
(see errata list.  
C5 for pp ix, xii,  
uncorrected)


141  
15


11/11/11



Digitized by the Internet Archive  
in 2019 with funding from  
Wellcome Library

<https://archive.org/details/b30540513>





Liber NICOLAI MASSÆ

De PESTE

Contractus.

Unà cum Observationibus

E

DIOMEDÆ AMICO,

ET

Celeberrimo Viro

Doctore M E A D

Collectis.



---

LONDINI:

Impensis GUL. MEARS, ad Insigne Agni extra  
Templi Pomæria. MDCCXXI.

30258





*Honoratissimo PRÆSIDI,*

**T H E S A U R A R I O,**

**Cæterisq; GUBERNATORIBUS**

*Sti. Bartholomæi Nosocomij,*

**Hunc Libellum,**

**Humillimè**

Dat, Dicat, Dedicatque,

**N. SMITH.**

О ВЛАСТИВИИ

ДИПЛОМАТИЧЕСКОГО

СТАВКИ ИМПЕРИИ

САНКТ-ПЕТЕРБУРГА

САНКТ-ПЕТЕРБУРГ

Дипломатическая

САНКТ-ПЕТЕРБУРГ



## Lectori Benevolo.

**P**ERMULTI varijq; sunt Scriptores de Peste. (a) Lipenius in Bibliothecâ suâ ducentos circiterq; nonaginta enumeravit. Hoc opusculum è Nicolao Massa, (b) & Diomede Amico præcipue excerptum in lucem protuli; tabulasq; Causarum, Symptomatum, & præservandi methodorum annexui. Si quid boni exinde proveniat Authori non Editori referatur gloria.

### PRO AEMIU M.

*Pestis non Homini solum sed plerisq; Animibus exitium datur. Plures habet Formas quam Proteus olim induisse fertur: nonnunquam Homines, nonnunquam (c) Pecudes magis infestat: (d) Aliquando Senes, aliquando Juvenes certæque ætatis, & in utero existentes invadit: Quandoq; Mares, quandoq; Feminæ cecidere Victimæ. (e)*

A 3

Nec

(a) Vide Lipenium, p. 336.

(b) Vid. lib. ejus Venetijs impressum, Anno 1556.

(c) Hom. Il. I. v. 50.

(d) Multi ætate graves, ætatis constantioris plurimi, juniores ad vivendum firmi, sexus autem fæminei longè etiam plures succubuerunt, infantum perpauci evaserunt. Hodges, p. 23.

(e) Ità Diom. Amicus de Peste, p. 28.

*Nec ignotum est Agricolis, quod frequentè Plantæ cujuscunq; generis fuerint, Syderationem vocatam, subière Pestem.*

*Ex quâ Regione, vel è quibus Principijs hoc malum exoriatur, Authores in diversis seculis copiosè differuere. Quod ad me attinet, unamquamque Pestem ex unâ vel alterâ differenti Causâ Originem deduxisse, & unamquamq; Regionem secundum sitûs Climatisq; differentiam plus minus hujusce mali sensisse opinor.*

(b) *Nos Britanni hac fælicitate præ ceteris potiri existimamur, quod hujus Insulæ Pestis Indigena non judicatur.*

(c) *Nam quid Britannum Cælum differre putamus. Et quod in Ægypto 'st? &c.*

*Haud ulli dubium est, quin Pestis, a naturalibus Causis exoriens, in Pecudes Hominesq; sœviat: ex alterâ in alteram transmittatur Regionem; sed quam latè (permissu Irâve Dei) diffundatur malum, Quis enarrare potest?*

*Pestis enim (quâ non aliud velocius ullum) Mobilitate viget, viresq; acquirit eundo.*

*Terribilis est Atheniensum Pestis descriptio, teste Thucydide, & a Thucydide depicta. Si quis ab eo enarrationem postulat, e Græco conversam, sequentem perlegat.*

Vale, Lector, & fruere.

(b) Vide D. Mead in lib. de Peste pag. 5. p. 1ma pag. 20. p. 2da.

(c) Vid. Lucret. lib. 6. v. 1104, 5.



## *Pestis Atheniensis Descriptio a Thucydide desumpta.*

STATE statim incunte, Peloponnesij, eorumq; socii cum duabus (*copiarum*) partibus in Atticam irruerunt, (Archidamus verò, Zeuxidami *Filius*, Lacedæmoniorum rex, illis præerat) castisq; in cā positis agrum vastabant. Cumq; nondum multos dies in agro Attico mansissent, morbus Athenienses primùm aggredi cœpit, quanquam & ante cum in multas regiones invassisse ferebatur, tum etiam in Lemnum, & alia loca. Veruntamen neq; tanta pestilentia, neq; tot hominum interitus uspiam accidisse memorabatur. Nec enim medici propter morbi ignorantiam initio *ægrotis* mederi (*eosq; sanare*) poterant: sed ipsi potissimum eò magis interibant, quò magis *ad ægrotos* accedebant, nec ulla alia hominum ars (*illis opem ac salutem ferre poterat.*) Omnes etiam supplicationes ad *Deorum* templ

factæ, & omnis opera, quâ aut in oraculis sciscitandis, aut in alijs hujusmodi rebus usi fuerant,  
*(Hæc)* omnia nullius erant usus, tandemq; victi magnitudine mali hæc missa fecerunt. Primùm autem (*hic morbus*) ut fertur, initium duxit ex Æthiopiâ, quæ est supra Ægyptum, deinde verò & in Ægyptum, & Africam descendit, & in magnam partem regionis regis *Persarum*, Athenas verò repente invasit, ac primùm quidèm in Piræo homines tentavit, ita ut ab his etiam rumor disseminatus fuerit, venena a Peloponnesijs in puteos dejecta fuisse, nondum enim fontes illic erant: Deinde verò & in superiorem urbem processit; & longè plures tunc moriebantur. Pronunciet autem de eo (*morbo*) ut quisq; sentit, tam artis medicæ peritus, quam imperitus, unde verisimile videtur, cum extitisse, & quas causas fuisse putet, quæ tantæ mutationis faciendæ vim habuerint. Ego verò, & cujusmodi fuerit, dicam, & quæ sibi quisq; proponens, si quando rursus etiam (*hic morbus*) ingruat, jam prædictus aliquid habeat, ex quo præcipue eum cognoscat, hæc declarabo, tum quia ego ipse hoc morbo laboravi, tum etiam quia aliós hoc laborantes ipse vidi. Nam annus ille (ut vel omnium confessione constabat) omnium superiorum saluberrimus, & aliorum morborum maximè immunis erat: qnod si quis & ante aliquo alio morbo laborabat, omnes (*hi morbi*) in istum convertebantur. Alios verò, qui corpore sano erant, nullâ certâ manifestâq; causâ apparente; sed ex improviso primùm quidèm, acres capitatis fervores, & oculorum rubores, & inflammatio

matio corripiebat. Et intestina, & fauces, & lingua, continuo cruenta erant, & halitum temeratum & grave-olentum emittebant. Deinde vero ex his sternutatio & raucitas sequebatur: nec multò post hic dolor cum vehementi tussi in pectus descendebat. Ubi vero in corde haeserat, cum ipsum subvertebat, tum etiam omnes bilis ejecções, quae a medicis nominantur, cum ingenti & ipsæ cruciatu, sequebantur. Et inanis singultus plerisq; invadebat, vehementem afferens convulsionem, qui in nonnullis quidem statim, in nonnullis vero, vel multo post sedebatur. Et corpus quidem externum tangenti, not erat admodum calidum, neq; pallidum, sed subruberum, lividum, parvis pustulis & ulceribus efflorescens. Internæ vero corporis partes adeo flagrabant, ut ne subtilissima quidem stragula vel lintea *injecta*, nec aliud quippiam nisi nuditatem ferre possent, & libentissime in aquas gelidas se conjicere cuperent. Et multi eorum, quibus nullus erat custos, hoc ipsum etiam fecerunt, & in puteos se dejecerunt, siti insedabili obsessi. Et largior potus perinde erat ac parcior. Et corporis vexatio, quæ quiescendi facultatem adimebat, & perpetuae vigiliae eos urgebant. Corpus etiam ipsum, quamdiu morbus vigebat, non languebat: sed præter (*omnem hominum*) opinionem cruciatui resistebat. Itaque plerique, intra nonum aut etiam septimum diem, propter internum ardorem interibant, aliquid virium adhuc retinentes, aut (*si hoc temporis spatio præterito*) mortem vitassent, tamen quia morbus in ventrem inferiorem descendebat,

&amp;

& exulceratio vehemens in ipso nascebatur, simul etiam quia immoderatum alvi profluvium *ægrotos* invadebat, pleriq; posteà propter debilitatem interibant. Morbus enim, qui primas in capite sedes collocarat, per totum corpus, initio a summis partibus ducto, pervadebat. Et si quis ex maximis illis *periculis* evasisset, extremæ tamen corporis partes, quæ captæ, læsæq; remanebant, cum hoc morbo laborasie testabantur. Nam (*morbus iste*) in ipsa quoq; pudenda, & in summâ manus, summosq; pedes prorumpebat. Multiq; his membris capti (*mortem*) vitarunt. Nonnulli etiam oculis (*amissis*) evaserunt. Nonnullos etiam simul ac ex morbo convaluerunt, statim omnium rerum oblivio pariter cepit, ita ut neq; seipso, neq; necessarios agnoscerent. Cum enim hoc morbi genus multò fuerit atrocius, quam quod oratione posset exprimi, cum alijs in rebus gravius, quam ut humana natura ferre possit, singulos invasit, (*ac pressit*) tum etiam hoc *indicio* maximè declaravit se aliquid aliud esse, quam aliquod familiarium, (*& consuetorum morborum genus.*) Nam alites & quadrupedes quotquot humanis cadaveribus vesci solent, cum multa jacerent \* insepulta tamen aut

\* Male qua-  
drupes.

*adhæc* non accedebant, aut si gustas- sent, interibant. Hujus autem rei est argumen- tum, nam hujusmodi avium manifestus fuit de- fectus, nec uspiam alibi, nec circum ulla hu- jusmodi (*cadavera*) visabantur. Canes verò propter consuetudinem, quam cum hominibus habebant, majorem eventus significationem da- bant.

bant. Hic igitur morbus, (ut omittam multa alia inusitatæ atrocitatis *genera* prout unicuiq; a-liquid accidebat diversum ab eo, quod alteri contingebat,) omnino specie talis fuit. Et tunc temporis nullus aliis *morbus* ex consuetis (*Atheniensis*) infestabat. Quod si quis exoreretur, in hunc desinebat. Peribant autem alij quidem penuriâ eorum a quibus curarentur, alij verò vel diligenter curati : nec ullum prorsus remedium, ut ita loquar, repertum est, quod adhibitum proficeret ; quod enim alteri profuerat, hoc ipsum alteri nocebat : nullumq; corpus sive firmæ, sive infirmæ valetudinis esset, tanti mali violentiæ resistere potuit. Sed omnia pariter, vel ea, quæ omni victus ratione curabantur, corripiebat, (*ac absumentebat.*) Illud verò in toto hoc malo gravissimum erat, tum quod simul ac quis se morbo corruptum sensisset, animo consternaretur, (statim enim animo ad salutis desperationem conversi multo magis seipso projiciebant (*ac deserent*) neq; *morbo* resistebant ; (tum etiam quod propter mali contagionem, quam alter ex alterius curatione hauriebat, adeò ut ex eâ oppliceretur) tanquam pecudes morerentur. Atq; hæc fuit præcipua maximæ stragis causa. Sive enim noluisserint metu deterriti mutuò se invisere, deserti interibant : multæq; familiæ propter inopiam hominum, qui ægrotos curarent, exhaustæ sunt : Sive (*alteri ad alteros*) adissent, interibant.. Præcipue verò, qui aliquam virtutis partem sibi vindicabant (*quiq; virtutis aliquo studio tenebantur.*) Nam præ pudore sibi ipsis non parcebant, dum

in amicorum ædes ingrediebantur, ut eos inviserent, siquidem vel ipsi domestici tandem lamentationibus eorum, qui moriebantur, defatigati, non amplius commovebantur, mali violentia superati. Illi tamen, qui (*ex morbi violentia Mortisq; periculo,*) evaserant, & cum, qui moriebatur, & cum, qui laborabat, magis miserebantur, tum quòd hoc malum prius experti cognoscerent, tum etiam quod ipsi in tuto jam essent. Hic enim Morbus eundem bis non corripiebat, ita ut cum etiam interimeret. Et ab alijs beati censabantur, ipsiq; propter præsentim Salutis insperatae Lætitiam exultantes, quandam etiam levem spem habebant, se ne alio quidem ullo morbo in posterum amplius unquam absumptum iri. Ipsos autem, præter laborem, quo jam vexabantur, ipsa quoq; (*rerum*) ex agris (*in Urbem*) comportatio, præcipue vero (*rusticos*), qui (*in eam*) confluxerant, gravius pressit. Cum enim non essent Ædes, (*quæ omnes recipere possent;*) sed in tuguriolis æstuosis ob anni tempus habitarent, strages edebatur, nullo ordine: quinetiam alij super alios morientes, mortui jacebant, & in vijs, & circa fontes omnes, aquæ desiderio, semimortui volutabantur. Et Templa in quibus tabernacula habitandi Causa fecerant, cadaveribus Hominum qui ibi in ipsis moriebantur, erant referta. Malo enim supra modum urgente, homines non habentes quid agerent, aut quo se verterent, sacra, ac profana æquè negligere cæperunt, omnesq; leges (*ac ritus*) quibus ante in sepultura (*& funeribus*) utebantur, pariter sunt conturbati. Nam unus-

unusquisq; suum Cadaver sepeliebat, ut poterat. Multiq; propter crebram domesticorum jam defunctorum stragem, rerum (*ad funus & sepulturam*) necessariarum penuria, ad impudentia sepulchra se converterunt, (*& suorum Cadavera in alienis sepulchris impudenter sepelire non dubitabant*) nam alij quidem in alienos rogos ante-vertentes illos, qui eos extruxerant, suum cadaver imponebant, igneq; subiecto, eos accendebant: alij vero, dum alterius cadaver arderet, suo cadavere, quod ipsi ferebant, superjecto, discedebant. Hic autem Morbus (*non solum in hac re: sed*) alijs etiam in rebus civitati majoris improbitatis fuit initium. Facilius enim quilibet audebat (*palam*) facere, quæ prius (*pudore impeditus*) occultabat: ita ut ex animi libidine non patraret, quod repentinam rerum mutationem fieri viderint, & homines quidem fortunatos repente mori: illos vero qui nihil ante possidebant, statim illorum bona possidere (*animadverterent.*) Itaq; bonis illis celeriter perfruendum, operamq; voluptatibus dandam censebant, quod pariter & corpora, & bona, (*non diurna: sed unius tantum diei &*) caduca esse ducerent. Nemoq; promptus erat ad labores tolerandos rei causa quæ honesta videtur, incertum existimans an esset periturus, priusquam ad illum perveniret. Quod autem unusquisq; jucundum, & undiq; sibi quæstuosum fore noverat, hoc etiam honestum, & utile censebatur. (*Catq; adeo ut honestum & utile in modum ab omnibus \* reciperetur.*) Nec ullus deorum metus, aut hominum Lex (*eos*

\* Male recipiebatur.

a Vo-

*a Voluptatibus & quæstibus nefarijs) arcebat,*  
*partim quidem quia (Deos) colere périnde esse*  
*judicabant ac non colere, quòd omnes pariter*  
*mori viderent: partim vero, quia nullus sc tam-*  
*diu superstitem futurum sperabat, dum institu-*  
*to judicio pænas suorum delictorum daret. Mul-*  
*toq; majorem (pænam, fatorum judicio) jam de-*  
*cretam sibi impendere (existimabant,) ante cujus*  
*adventum, aliquibus vitæ voluptatibus sibi per-*  
*fruendum esse censebant.*

NICOLAUS MASSA natus est Venetijs:  
*coætaneus Victoris Trincavellij, qui ambo artem*  
*Medendi præ alijs clarissimâ in luce collocârunt.*  
*Claruit circa A. C. 1560. vel secundum Wolfgang.*  
*Justum in Chronol. Med. A. C. 1522. vid.*  
*Merclin. in Vander Linden. p. 838.*

*Quod ad DIOMEDEM AMICUM attinet*  
*vid. Merclin. in Joan. Vander Linden. p. 246.*



Signa Febris Pestilentialis e NICOLA  
MASSA collecta, p. 4. p. 19.

- A** Nhelitus frequens.  
**A** Calor exterior, non vehemens,  
 Interior ardentissimus pectoris & Cordis.  
 Sitis infedabilis.  
 Vestium omnium rejectio.  
 Pulsus debilis principio, aliquando fortis, velox,  
 & frequens.  
 Lipothymia.  
 Oris fætor teterimus.  
 Inquietudo.  
 Nausea.  
 Dejectiones appetitūs.  
 Vomitus. Tensio Hypochondriorum.  
 Faciei color mutatus.  
 Rubor ustivus.  
 Fissuræ ex nimio calore.  
 Lingua nigra.  
 Pustulæ parvæ diversicolores.  
 Apostemata.  
 Tuffes siccæ.  
 Alienationes mentis, Stupores, laßitudo. Memo-  
 ria defectus, Surditas.  
**U**rina mala, qualis p. 20.  
 Sæpe bona. p. 20.  
 Fæces fætidæ.  
 Omnes evacuationes fætidæ.  
 Variolæ, morbilli, papulæ, petichiaæ.  
 Phlegmones, Bubones, Carbunculi.

Signa

Signa Pestis Pathognomica e D I O M E D E  
A M I C O. Cap. 22.

**S**Ubitus virium vitalium casus.  
 Papulæ, stigmata livida, nigra.  
 Fluxus colliquatus.  
 Dejectiones nigræ.  
 Bubones, Carbunculi.  
 Sitis insedabiliſ.  
 Lingua arida, aspera, sanguinea.  
 Respiratio, difficilis, magna, frequens.  
 Cordis incendium.  
 Fætor anhelitūs & excrementorum horribilis.  
 Inappetentia.  
 Nausea vehemens.  
 Deliria.  
 Bilis Vomitiones.  
 Sudores multi.  
 Extremarum algor partium.  
 Alvi profluvia flatulenta.  
 Urinæ nigræ, biliosæ, tenues.  
 Sanguis destillatus ex Naribus.  
 Pectoris æſtus.  
 Vigiliæ.  
 Convulsiones violentæ.  
 Capitis acres fervores.  
 Color faciei Erysipelatosus.  
 Oculorum rubor.  
 Phrenœſis.  
 Oblivio rerum omnium.  
 Tensio Hypochondriorum.  
 Cardiaca Syncope.  
 Partium extremarum amissio.


Signa

Signa Feb. Pest. e LUCRETIO Lib. 6,  
sub finem.

**A** CRES fervores.  
 Oculorum rubor.  
 Sudor crocej coloris.  
 Vox ulceribus impedita.  
 Lingua gravis motu, tactu aspera.  
 Cor male affectum.  
 Spiritus teter.  
 Animus languidus, corpusq; languidum.  
 Anxietas astidua, Gemitus & querelæ, singultus  
 frequens corripit nervos.  
 Nullum ardoris signum, sed potius tepiditas.  
 Corporis totius rubor.  
 Interna fornacis instar flamma.  
 Vestimenta nulla induta.  
 Sitis infedabilis.  
 Vigiliae.  
 Perturbationes animi.  
 Vultus tristis, furiosus, plenæ sonoribus aures.  
 Creber Spiritus, aut ingens & rarus.  
 Sudor per collum splendidus.  
 Spasmi, & tremor artuum.  
 Compressæ nares, & acumen.  
 Cavi oculi.  
 Frigida pellis.  
 Membrorum extremonrum usus in recuperati  
 amissus.  
 Oblivio universalis

Signa E Doctore M E A D, p. 7, 8.

**L** Anguor.  
**L** Inquietudo.  
Ardor internus.  
Capitis Dolor vehemens.  
Delirium.  
Sudores.  
Diarrhæa, Vomitus.  
Bubones, Carbunculi.



De Causis Febrium Pestilentialium  
NICOLAO MASSA, p. 13.

**C**AUSÆ ALIÆ SUNT PRIMITIVÆ SEU EXTERIORES,  
non corporales.

Alterationes aeris, aquæ, & terræ.

Frigiditas, humiditas, & siccitas.

Diversæ alterationes, diversis animantibus, &  
plantis, sunt mortiferæ.

Putredo aquæ fit ex humiditate, & calore debili,

Nimia pluvia, & rabida Solis Caliditas.

Vaporatio paludum putridarum,  
Inundatio.

Cloacæ putridæ.

Sterquilinia.

Acervi rerum putridarum.

Corpora animalium mortuorum, & non tumula-  
torum.

Communitas Vaporum delatorum a longissima  
Regione sc. ex Æthiopiâ a Ventis potest aerem  
inficere, ex quâ Febres pestilentiales per Regio-  
nem illam gigni possunt.

Elementorum a propriâ Naturâ Mutationes.

Inæqualis aeris proportio a nimiâ solis caliditate,  
aut quoniam non sunt Venti, vel est privatio  
pluviae.

Nimia ventorum Septentrionalium frigiditas.

Prohibita transpiratio putredinis causa est, & ali-  
quando pestiferæ febris.

Humiditas mater Putredinis.

Siccitas in Elementis fit lima Caloris, tabescunt  
enim nimia Siccitate Corpora.


Improprio qualitatum, reddit corpus putredini  
paratum.

Infectio a Corporibus infectis vel Mercibus.

Odores mali.

Apertio locorum subterrancorum.

Terræ Motus.



Causæ Seminariorum Pestis Ex DIOMEDÆ  
AMICO, Cap. 5. p. 30.

**C**AUSA superior, Dei Ira.

**C**ECLIPSES luminarium.

Constellationes.

Causa inferior, p. 32.

Vapor ex inferioribus terræ partibus ad aerem ele-  
vatus.

TERRÆ Motus

Exhalationes.

Vapor a Lacubus, paludibus, aquis stagnantibus  
latrinis, sentinis.

Cadaverum multitudo insepultorum.

Locustæ innumerabiles, mari immersæ, & ad littus  
ejectæ.

Pessimorum alimentorum comedio.

Vapor Pestilens a pannis laneis, vel pelliccis.

Merces infectæ, præcipue Gossipium.

Causa media.

AERIS Constitutio & Ventorum.

Tempestas calida & humida, a Ventis in totum  
filens.

Corpora ad Pestem parata.

Præternaturalis calor corrumpit succos, naturalis  
conservat.

Intensissima Caliditas & siccitas.

Variæ & repentinæ Aeris Mutationes.

Humiditas Aeris intensior.

Venti a loco pestilenti perflantes.

Austri præcipue.

Causæ

Causæ Pestis e Doctore M E A D, p. 2.

**A** Eris temperies humida, & calida.  
Personæ infectæ.  
Meres ab infectis locis transvectæ.



Remedia

Remedia febris pestilentialis præservativa.

E NICOLAIO MASSA. p. 23.

**R**egimen exsiccans, ac superfluam humiditatem removens, & oppilationes aperiens.

Reddere Corpus mundum, ac bene spirabile.

A malorum cibariorum comeditione abstinentia.

Moderata Exercitatio.

Dimissio frequentis Multitudinis, & maxime plebis.

Commisso cum infectis fugienda.

Provisores senes, prudentes, misericordes.

Domos & personas Magistratui indicare.

Viatorum abactio.

Cymbarum examinatio.

Infectos intra navigia continere per quadraginta dies, vulgo Quarentine.

Navium Merces per plures dies aeri ventisq; exponi & lavari.

Suffumigatio ex odoratis Herbis.

Lanæ & Vellera omnia, Cotonum.

Linum, Cannabis vitanda, panniq; ex eis confecti.

Præparatio aeris exsiccando per ignes ex linguis Odoriferis.

Civitatem ab omni sorditie purgari.

Malæ aquæ, & vina corrupta vitanda.

Duo Hospitalia distincta, in locis boni aeris condenda.

Domus

## ( xxiv )

- Domus aceto frequenter aspergenda, & aquâ  
rosaccâ.
- Mali odores vitandi.
- Aeris infrigeratio.
- Mansio salubris, & Ventis patula.
- Cibus & Potus temperatus.
- Cibi omnigeni sint in se optimi.
- Farcimina omnia fugere, herbas malas, & aro-  
mata calida, nec non olera & pulmenta.
- Vinum mediocre.
- Superfluitatum Evacuatio.
- Pilularum Ruffi usus laudatus.
- Corporis frictio & lavatio.
- Levis deambulatio ante Prandium.
- Somnus secundum debitum tempus, & horis  
congruis.
- Omnes animi perturbationes vehementiores  
fugere.
- Venæ Apertio, vel cucurbitularum appositio cum  
scarificatione.
- Odores nimis calidi fugiendi.
- Theriaca Usus.
- Præstantissimum Remedium est optimum aerem  
quærere in loco ab infectis remotissimo.
- Sanos ab infectis separare & morbos penitus per  
Symptomata inspicere.

Remc-

Remedia è DIOMEDE AMICO præ-  
servativa. p. 72.

**M**Ansiones frigidæ, & siccæ, & mundæ.  
Cibi ejusdem Complexionis.  
Corpus purum & perspirabile, obstructionibus  
liberum.  
Mutatio, & præparatio aeris, Frigus immodera-  
tum devitare  
Vestimenta suffitibus purgare.  
Homines suspectos purificare.  
Domus ab omni immundicie liberatas servare.  
Odores boni, præcipue Storacis.  
Aquæ aceto mixtæ usus, præsertim rosaceæ.  
Ignes in Vijs publicis ex lignis bene olentibus.  
Paludosus aer fugiendus.  
Cadavera sepelienda.  
Magna hominum Multitudo vitanda.  
Peste capti in cænobium longè a Civitate amo-  
vendi,  
Aqua corrigenda.  
Panni lanei & pellicei fugiendi.  
Exercitium temperatum.  
Libido vitanda, & animi Perturbationes.  
Cibus & Potus temperatus.  
Varietates Ciborum vitandæ, & cibi crassí, succi  
dulces & humidi.  
Cibi a loçis infectis reprobandi.

Remedia a D. M E A D præservativa. p. 17.

**L**A NA, plumæ, Cotonum, Linum fugienda.

Per quadraginta Dies navigiorum Purgatio.

Hospitalia in locis convenientibus.

Sani ab infectis per quadraginta Dies amovendi.

Vestes ægrorum perdendæ.

Provisores parandi.

Perturbationes animi vitandæ.

Supellectilia in domibus infectis comburenda.

Viae mundandæ.

Ignis Usus non adhibendus.

Nec Bombardarum Usus.

Rosarum aquæ & aceti usus laudatus.

Mundities omnigena.

Vigiliæ, jejunia, vitanda.

Acidorum fructuum usus laudabilis.

Accessus ad infectos vitandus, & hominum Multitudo

Infepulta Corpora fugienda.

Loci infecti fugiendi.



Nicolai



*Nicolai Massæ Veneti*  
Artium & Medicinæ Doctoris,  
Liber de FEBRE PESTILENTIALI.

---

Proœmium hujus primi tractatus, in quo  
quid nomine Febris Pestilentialis de-  
claratur.



FEBRIS \* Pestilentialis de quâ in hoc  
libello tractare decrevi, est morbus  
ut plurimum popularis, & inter ægri-  
tudines universalis, universalitate in-  
hærentiæ, primò in corde, deinde toti corpori per  
vasa communicatus, sèpissime perdens, & † con-  
tagiosus,

---

\* Diomedis Amici p. 24. col. 2. Pestis nihil aliud est, nisi Epi-  
demia perniciosa, sive morbus Epidemialis, qui plurimos perimit.

† Ibid. p. 25. Contagio est vapor aerius, ab uno ad alterum me-  
diante aere pertransiens; effectus autem pestis est putrefacere, cor-  
rodere, ardereq.

tagiosus, videlicet transiens de homine in hominem. quo cum mala affociantur accidentia, \* quemadmodum conturbatio intrinseca, cardiaca passio, mutatio faciei ad diversas mutationes, quoniam quandoque mutatur facies ad pallorem naturali suæ figuræ dissimilem & horrendum, quandoq; verò ad ruborem non solum oculorum, verùm etiam & totius faciei, fiuntq; furiosi, vel nescientes stare loco, vigiles propter vim veneni cordi propinquam, aut veluti stupidi ex multorum vaporum ad caput ascendentium crassitudine. Sunt etiam alienationes, nigredo linguae, pustulæ in gutture, tensio hypochondriorum, spissitudo urinæ sine hypostasi, aut cum hypostasi divulsâ, lividâ ac malâ, & ventris excrementa lenia, natantia, cum foetore horribili, & pulsus vehemens & frequens † ac inconstans, & saepe debilis; nunc autem calor exterior non multus est, nunc autem vehementissimus, nunc secundum quasdam partes corporis, nunc secundum totum cùm siti clamorâ & alijs accidentibus acutarum febrium calent ||. Sed præter ista saepe apparent per viam bonæ crises, aut symptomaticæ a prima die vel in processu, variolæ, morbilli, & aliæ pustulæ colore & substantiâ diversæ, aliæq; maculæ cutaneæ, sine eminentiâ colore diverso, & vulgo Venetijs petichias corrupto vocabulo appellant. Ego vero pestichias rectius nominaverim, cum febrem pestilentialem  
confe-

---

\* Catalogum symptomatum vide, & compara.

† Vide D. Am. p. 57. Febris pestilentis pulsus ut plurimum parvus, & frequens, nocte autem vehemens, &c.

|| Nempe partes corporis.

consequantur, ut a peste, pestichiæ dicantur, ita ut sint papulæ, sive maculæ pestilentiales, aut sit nomen diminutivum, a peste quoniam vulgares apostema magnum in tali febre pestem vocant. tamen reverâ non differunt a morbillis nisi diversitate admixtionis, & subtilitate materiæ, ut suo dicam loco. Sequuntur etiam ad istam febrem apostemata mala inguinum, alarum, & post aures tubercula præterea cæteris corporis partibus diversa accidere solent, ut sunt carbunculi & alia hujusmodi, quandoq; & sine hujusmodi signis, & accidentibus febris haec adeat, immo dicebat Avicenna, & ego sæpius vidi ægros in quibus pulsus erat bonus & urina, & tamen cum bonitate dictorum mortui sunt. Et quando signa prædicta ferè in omnibus, aut in multis accidunt, est signum potissimum ducens in cognitionem febris pestilentialis, quæ aliquando à principio est levis in se & suis accidentibus, & in fine vehemens, & contrà aliquando à principio est vehemens & in fine levis, & aliquando semper levis, aliquando semper vehemens, causas autem omnium istorum dicam postea.



## C A P. I.

Ostendit modum generationis febris pestilentialis, & quòd ipsa potest esse in omnibus generibus, videlicet ephemerae, putridæ ac hecicæ.

**H**Umores nostri corporis alterari non solum manifestis qualitatibus, caliditate, sc. frigiditate, humiditate, & siccitate, & istas consequentibus, verum etiam occultis, ut experientia docet, credere oportet. Unde ab utrâque alteratione fiunt ægritudines malæ & contagiosæ, ut est Lepra, Scabies, Febres pestilentiales, Variolæ, & aliæ, materiae vero, quæ dictas qualitates suscipiunt, sunt humores quatuor & aliæ humiditates, spiritus, vapores, & membra. Ad quam susceptionem duo requiruntur, videlicet causa agens, & materia disposita, ut scripsit Galenus primo de differentiis febrium cap. iii. & ideo operet in toto sermone memoriâ repetere nullam causarum sine patientis aptitudine agere posse, & subdit rationem, quia si hoc non esset, sequeletur omnia corpora pati ab unâ causâ, quod est contra experientiam, non enim omnes qui commorantur in sole à febre corripiuntur, & sic de alijs, sed illi patiuntur, qui parati \* sunt ad suscipiendam

---

\* Turcae, qui mortuorum febre pestilentiali induunt vestes, nullam tamen contagionem sibi ipsis contrahunt; alij quoque variolis, &c. laborantes sine damno contrectant, quia corpora eorum ad suscipiendam infectionem sunt inepta.

endam hujusmodi solis caliditatem. Dico  
igitur agens requisitum esse id quod calefacit cor-  
pus qualitate venenosâ, sive pestilentiali, aut id  
quod agendo introducere potest venenosam qua-  
litatem, sive causa fuerit primitiva, ut aer pesti-  
lentialis, \* qui ut plurimum est, sive antecedens  
ut quidam humores mali putrescentes, sive con-  
juncta, ut putrida fuligo, sive vapor, aut spiritus  
in corde, nihil enim obstat quo minus pars ali-  
qua in seipsâ alteretur. Notare etiam oportet,  
quod etsi Avicenna prima quarti potissimum  
causam putredinis humorum prohibitam transpi-  
rationem assignavit, nihilominus aliquando pu-  
tredo fit sine prohibitâ transpiratione, & hoc du-  
obus modis videlicet extrinsecus, & intrinsecus:  
Extrinsecus fit, verbi gratia ab aere putrido cor-  
pus inficiente, cum ipse intus per meatus & ali-  
as vias suscepimus contactu alias partes putrefacit,  
nam quod putridum tangit, putrescit, & ita dif-  
fert febris pestilentialis ab alijs febribus, quod  
putridum aerem, vel alios exteiiores vapores, aut  
spiritus, aut humores absque prohibitâ transpira-  
tione corrumpentes suscipiat, immo in illis, qui  
habent meatus strictos † non imprimatur tam  
cito mala qualitas ab aere pestifero. Intrinse-  
cus vero fit vel a corporis dispositione, vide-  
licet totius, cum tali præparatione, vel ex hu-  
morum

\* Vid. Doctiss. Mead in suo de peste libro. P. 2.

† Meatus pororum stricti minus parati ad suscipiendum aerem pe-  
stilentialem.

morum dispositione, verbi gratia, quod sit ex se facta ebullitio vel alia alteratio propter aliquam eorum qualitatem superantem quæ dicit ipsos ad malam qualitatem extraneam; cum autem dico humorem, intelligo omnes humiditates corporis aptas ad suscipiendam putredinem, ut est cibus intus, & chilus & aliæ omnes humiditates, cum ex alteratione in ipsis factâ, quando dispositæ sunt hoc fieri sine controversiâ possit; & reverâ in febre pestilentiali sit, præsertim in illis quæ fiunt a comeditione rerum \* malæ substantiæ, quæq; ita affecta sunt, ut facile suscipiant pestiferam qualitatem. Unde inquit Mirabilis Avengoar tertio theisir, cap. primo tertij tractatus, ex corruptione cibariorum fiunt febres pestilentiales, & subdit in fine, carnes comesæ maxime corrumpunt & nocent, & sicut corpora mortuorum aerem corrumpunt, ita sit intrinseca ex carnibus quæ comeduntur corruptio. Quare vides febrem pestilentialem sive malignam vel acutam ab alteratione intrinsecâ posse fieri, ita ut sine exterioris aeris contagione generentur dictæ febres contagiosæ, quas si pestilentiales nominare nolueris, cum non pendeant ab aeris malitia, non refert, tamen cum possit ille primus patiens alios inficere, & illi alios, usque ad maximum

\* *Di. Am.* P. 34. Vapor pestilens, cum homines vesci alimentis pessimis coguntur.

† *V. Mead*, de insepultis p. 3. *V. Dio. Am.* p. 34. pestilentem excitat vaporem cadaverum multitudo in sepulchorum. Vide *Dio. Am.* caput 6, de causis pest. inferioribus fusius differentibus p. 32. &c.

imum numerum, nisi separantur, & hoc faciat per medium aeris infecti, hac postea ratione, pestifera potest dici febris..

---

## C A P. II.

De modo contagionis & diversitate loci mineræ febrium pestilentialium cum declaracione multorum problematum.

**M**irabile dictu, quod ægritudines quam plurimæ ex homine in hominem transfeant, nullo quandoq; sensibili contactu præcedente. istæ vero ægritudines enumerantur, ab Avicenna. Quare ut in re ardua causas naturales afferam, duo intelligere oportet, primum est ex parte agentis, posterius vero ex parte corporis suscipientis. Quod autem requiritur ex parte agentis, est quod ægritudo sit ex humore putrido, aut ex aliquo alio, a quo de facto vapores putridi aut mala qualitate affecti, sive sit pestifera, sive non, excitentur, vel excitari possint, perque aërem \*deferrī, ipsumque imprimis aërem inficiant, qui postea deveniens ad corpus aliquod, illud inficiat tali ægritudine, qualem patiebatur corpus illud, a quo vapor excitatus est. Quod si ægritudo,

C

tudo,

---

\* Aer infectus *Mead.* p. 14.

tudo, aut id, a quo tales vaporess excitantur, fuerit  
 intrinsecum, hi vaporess per poros & alios mea-  
 tus exibunt, ut appareat in mulieribus menstruatis,  
 quæ inficiunt specula, si in ea intueantur, &  
 hoc per vaporess, qui per poros oculorum excunt.  
 Sed non solum inficiunt specula, verum etiam  
 res alias quamplurimas animatas & inanimatas  
 contactas ab earum corporibus, dum menstruan-  
 tur. Hoc autem fit, quoniam mali vaporess per  
 poros totius corporis eo tempore excitantur,  
 eaq; de causa medici vulnerarij dicti, qui rationa-  
 les sunt, in curatione vulnerum & ulcerum, reji-  
 ciunt pannos lineos mulierum, puta indusium,  
 aut alios id genus pannos, quos mulierum cor-  
 porae tetigerint, quoniam hujusmodi panni sæpe  
 malam vulneribus qualitatem inducunt, cæque  
 reddit vulnus sanatu difficile: Sed redeo ad se-  
 cundam partem, quæ est ex parte corporis susci-  
 pientis, quemadmodum est, corpus esse præpara-  
 tum ad illos vaporess suscipiendos, & ab ipso  
 corpore abesse qualitates contrarias superantes  
 virtutem agentis. Etenim virtus fortis fortiter  
 resistit, virtuti namque forti nihil resistit, sed sus-  
 cipiens est corpus debile, vel latorum pororum,  
 aut cacochymum sive mali succidixeris, & reple-  
 tum putridis humoribus, & sic de alijs, ut dicam  
 in loco, ubi de corporibus præparatis ad suscipi-  
 endam febrem pestilentialem tractabitur. quo-  
 niam dicebat Aristoteles tertio Physicorum agen-  
 tia & patientia debent communicare in materia.  
 Quæ vero dicta sunt hic, non obstant ijs, quæ  
 di-

dicuntur in libello de morbo Gallico a me edito,  
 quoniam ægritudines contagiosæ sunt diversæ,  
 nam quædam pendent a materia subtili, quæ-  
 dam a materia grossa, & quædam a qualitate vene-  
 nosa occulta, & ideo dixi ibi materiam morbi  
 Gallici habere duo quæ ad contagionem requi-  
 runt, viscositatem videlicet adhærentem, & fix-  
 ionem, quoniam cum a materia grossa vaporess  
 non facile excitentur, si non esset fixio in ipsa  
 vaporess non excitarentur uniti, eaq; ratione non  
 imprimenterent, tum propter debilitatem actionis  
 cum pendeant a materia pro majori parte frigi-  
 da, tum quoniam virtus dispersa debilior est vir-  
 tute unita, neq; etiam inficerent vel essent apti  
 nati ad inficiendum, & hoc apparet in scabie,  
 ulceribus putridis, & alijs. Sed in ophthalmia  
 & febre pestilentiali, ac hujusmodi alijs, cum pen-  
 deant a materia subtili, vel caliditate febrili subti-  
 liata, a qua multi vaporess & magis activi excitantur,  
 non requiritur illa fixio, sed satis est excitari va-  
 poress putridos a minera materiae, sive ab alia  
 parte ubi minera suam communicat qualitatem.  
 Ex his solvuntur multa problemata in materia  
 contagionis quæsita, primumque, unde est quod  
 homines si cum ijs, qui hujusmodi febre, ac  
 contagiosis ægritudinibus laborant, & præcipue  
 in arctis domibus commorantur in easdem ægri-  
 tudines incidunt, jam dictum est causas esse va-  
 poress putridos vel pestiferos a corpore infecto  
 excitatos, & per aerem ad ejusdem speciei præ-

paratum \* corpus elatos, dictum est autem hoc quoniam pestilentiale uni speciei non est omnibus pestilentiale, tamen si aliquando animalia diversarum specierum diversas per contactum suscipiant ægritudines, & præter hoc corpora ad suscipiendum imparata, minime suscipere. Sed forte quæres unde est quod corpora mortuorum, quæ febri pestentiali obierunt, eos non inficiunt, a quibus contrectantur; dico hoc esse quoniam etsi materia venenosa adhuc in illo corpore existat, cum in mortuo calor evanuerit, illa materia non vaporat, cum jam cessaverit ebullitio. Verum si talia cadavera incipient a caliditate putredinali corrumpi, facile homines inficiunt febre pestentiali. Idem evenit in ophthalmia, quod, qui in oculos ita affectos intueantur, in candem incident ægritudinem, & hoc propter dispositionem membra ad suscipiendum apti, & vapores alterantes aerem in oculis mox surripientibus receptum, neq; enim omnes inficiuntur, sed tantum, qui sunt dispositi. Dic etiam ex dictis consanguineos facilius inter se eadem ægritudine in malignitate affici. ita quod si ejus, qui prior infectus est, ægritudo pestentialis fuerit mortalis, omnes ferè eadem contagione moriuntur

\* *Di. Am.* p 52. Senes minus peste corripi solent, quia eorum corpus frigidum & siccum est, omnium minimè *Temperati*, quoniam ob compositionis robur, & Temperaturem salubritatem fortissimè a putredine se defendunt.

Pestis vero *Sanguineos* magis afficit, quia sanguis facile, putreficit, ut & *bilioſos*, *Thlegmaticos*, *melancholicos*.

untur, & hoc est quoniam ex jam dicta dispositione, & ex similitudine corporum, & complexionum contracta a principio generationis, cum corpora consanguineorum ex eodem fere semine concepta sint. Sed quid dicendum sit de illis qui corripiuntur febre pestilentiali ex solo intuitu alicujus febre pestilentiali laborantis, vel omnino mortui, vel ex auditu tantum, res profecto mira est. Sed cum anima (ut dixit) ex forti imaginatione possit agere mediante aliquo, puta similitudine accepta a re corporea, quæ non ex toto expoliata est a natura particularium, illum inficit hominem, in quo fuit facta talis impressio, cum jam ex timore corpus sit paratum; nam ex timore, qui debilitat corpus, fit præparatio ad suscipiendam malam qualitatem pestiferam, tametsi agens sit debile, nihilominus is qui patitur nullo fere modo resistit. Sicque subiectum ex debilitate est paratum ad eam impressionem suscipiendam, vel si agens omnino sit debile. Humores ex mala dietâ \* sunt apti ad putredinem. principium fiunt febris pestilentialis unde videtur humores etiam per totum corpus cum sint mali, a quibus vapores excitantur, esse ministeriam & principium febris pestilentialis. Quibus accidunt signa omnia hoc ipsum attestantia,

C 3

ut

\* V. Di. Am. De morbis communibus. cap. 6. malorum ciborum usus non solum utentibus nocet, sed noxa ad filios transit, unde elephantiasis apud *Ægyptios*, podagra & lippitudo apud Athenienses familiaris.

ut est lassitudo spontanea, muscularum & membrorum dolor, cum amplitudine venarum propter ebullitionem in toto. Quod si materia in membris principalibus fuerit, erit in eorum operationibus impedimentum, quod ex signis cognoscitur, ut idem Galenus attestatur in libello de cholera nigra, cap. iv. ubi scribit fuisse quosdam, qui cum cuidam magnæ & diuturnæ pestilentiæ superfuissent, eorum non paucis excretionem per inferiorem ventrem factam esse vocatarum epaticarum in novem diebus, quare vides mineram talium ægrotantium fuisse in epate vel in meseraicis venis jecinori propinquis. Quod si materia fuerit, ut dictum est, in jecinore & mesenterij venis epati propinquis, appareat dolor & Tensio major in hypochondrio lateris dexteri, dico major tensio in isto, quoniam in pestilentiali febre ex signis communibus est tensio hypochondriorum, & etiam caliditas major in ipso latere appareat, fit etiam ex eadem causa tensio & inflammatio in renibus cum obstructiones sunt in epate, & alia signa quæ epatis nocumentum ostendunt. Quod si in stomacho fuerint humores mali putridi cum mala qualitate pestifera, tunc a principio ante manifestam febris apparitionem accidunt \* gravitates & anxietates † stomachi, aut dolor vel nausea sive vomitus materierum malorum. Sed cum in pectore & membris propinquis

\* *Di. Am.* p. 62. Gravitas totius corporis, emortua facultate sustentatrice.

† V id.eundem ib.

quis cordi fuerit minera, fiunt tusses, difficultas anhelitus, caliditas circa partes pectoris, rubor faciei, ariditas & nigredo linguæ alcola, \* & sitis inextinguibilis. Et si in corde, vel propinquissima cordi fuerit materia, accidentunt angustiæ pulsus, cordis inquietudines sine intermissione, tametsi inquietudo sit commune signum, mutatur etiam facies, & oculi cavi fiunt, sequnturq; lipothy-  
miæ, syncope sive animi defectus cum sudore frigido, ac extremorum frigiditate, quæ mortem propinquam ostendunt, fiuntq; alia ultima & mala accidentia, ut pulsus debilitas, ac ipsius annihilatio. Si vero materia fuerit in capite videbis a prima die, ut ego sæpe vidi, alienationes continuas, & vigilias, † fiunt etiam aliquando somnolenti & fere stupidi ac debilitantur in omnibus sensibus, & motibus, & alijs animæ operationibus intrinsecis, tametsi etiam per consensum ab alijs membris sæpiissime in capite, dicta accidentia fiant, quæ tamen sunt continua omnino, & inter cætera, isti a prima die non possunt aut surgere, nec ambulare, aut per lectulum se mouere. Et hæc, (ut brevis sit pars ista) sunt signa diversitatis mineræ ratione sumpta ab operationibus læsis membrorum, dicebat namq; Galenus in libello de locis affectis membra principalia communicare universo corpori, hoc modo vide-  
licet cor per arterias, Jecur per venas, cerebrum per nervos. Vide modo & considera pulsum &

C 4

anhelitum

\* P. 3.      † V. Lucret. Non requies erat ulla mali, &amp;c.

anhelitum, urinas, || & egestiones, dico egestiones propter vesicam fellis ab hepate mittentem ramum ad intestina, idem de operationibus cerebri animadverte, videlicet considerando motuum & sensuum operationes, virtutum, ut est apprehensio & discursus & aliæ hujusmodi, & ista sunt primum consideranda, quoniam dicuntur membra principalia a quibus omnes virtutes primò procedunt. Nisi medicus cognoverit partes corporis per anatomiam impossibile est consequi curam. Quod clarius manifestans Galenus secundo ad Glauconem dixit, Passiones quæ in intrinsecis & occultis fiunt locis, quæ non possunt visu apprehendi, non facile intelliguntur. quoniam nec oculorum acie, nec tactu eas cognoscere possumus, & quoniam occultæ sunt & febres afferunt, ideo hujusmodi cognitio perspicaciori videtur egere mente, præcipue vero peritia naturæ membrorum, quam ex sectione, & ex exquisita scientia operationum & ex usu comparamus. vides igitur quam sit necessaria scientia membrorum, quæ per sectionem acquiritur, cum in tali scientia omnia secreta & occulta naturæ manifestentur. Nolo tamen te iterum ex dictis credere me negare hanc febrem esse propriam cordis passionem cum febris sit \* calor accensus in corde. † Sed cum ab extra sœpiissime hæc febris a contactu aeris fiat, qui contactus quandoq; fit etiam per vesti-

V. *Di. Am.* cap 26. p. 58. de Urinis.

\* *D.A.* p. 26. Calor præternaturalis putrefacit, innatus conservat succos.

† V. *Mead*, P. 2. De mercibus infectis

vestimenta aut per aliud indumentum, manifestum est hujusmodi qualitatem fuisse impressam per poros corporis, a qua, cum esset pestifera, secuta est ebullitio in massa humorali, atq; ex ebullitione febris pestilentialis ortum habuit, cuius minera fuit, non ex quantitate, sed ex malitia primo in venis & meatibus exterioribus, & postea malignitas communicata cordi febrem causavit pestilentialem. Ex dictis jam clara est causa diverorum accidentium in tam mala ægritudine, ut est syncope, nigredo in urinis, alienationes, & multa alia. Sed quam mirabile est id quod sæpe vidi, & in dies ægri, & medici solliciti & anxij timent. Quod videlicet est in causa, quoniam prima die multi in tali febre reperiuntur sine pulsu, vel cum ultima ejus resolutione, multi etiam in declinatione ægritudinis & accidentium, cum omnibus signis bonis, videlicet cum remissione febris, sublevatione virtutis, & melioratione omnium operationum, tam naturalium quam animalium, mortui sunt, ut inter alios contigit charissimo fratri meo *Antonio Massa* numulario Illustrissimi Dominij; qui in vigesima obiit cum manifestissimis signis declinationis, & bonitate omnium operationum naturalium, qui tamen obiter devenit ad casum virtutis cum extremorum frigiditate, & reddidit animam. Quod non semper putredo sive minera putredinis febris pestilentialis est circa partes propinquas cordis & ventriculorum ipsius. Sed est in alijs membris longinquieribus, ut ostensum est supra, tametsi accendatur calor per putridam fuliginem

ginem in corde, ad cuius confirmationem quædam exempla adducam. Et primo vidi inter alios quendam cui stomachi fundum summope-  
re doleret, cum febricula non multæ caliditatis,  
urina vero cum laudabili erat sedimine, neque  
alienationes aut capitis gravedo erat, qui tamen  
devenit ad syncopen & morbillorum seu pesti-  
chiarum apparitionem post septimum, sicque  
ante quartum decimum diem mortuus est, cum  
casu virtutis & extremorum frigiditate, ac fluxu  
ventris fætido, fætore horribili, diverso colore  
& leni. Et hoc fuit manifestissimum signum  
quod materia mala putrida pestifera, quæ basis  
istius febris fuit, putrescebat in fundo stomachi,  
postea a natura movente ex se, vel malignitate  
materiæ stimulante, pars aliqua transmissa fuerit  
ad cutem, & apparuerunt pustulæ illæ sive ma-  
culæ, & in illo motu communicabat etiam ve-  
hementius ex vaporibus aut etiam ex materia  
suam qualitatem cordi & inde sequebatur syncopis;  
sed procedente ebullitione & calefactione,  
spirituum, cum malignitate, & virtute insurgente,  
materia mala stimulante, contra morbum &  
causam morbi, secutus est fluxus ille malus, &  
alia dicta accidentia, & ultimo facta impropor-  
tione, & resolutione etiam mors secuta est. Vides  
igitur, cum tamen a principio non appareret  
notabile nocumentum cordis, sed in processu  
facta impressione, a materia in fundo stomachi  
existente communicanti qualitatem venenosam  
spiritibus cordis, ipsos spiritus fuisse & mutatos  
a propria complexione, atque adeo attenuatos,

ut

ut non potuerint conservare vitam in tali subiecto. Et multos alios vidi, & alij etiam medici viderunt, qui a principio cum pauca febre erant, sed tantummodo apparebat turbulentia urinæ ac tensio in latere dextero, inter quos Bartholomeus Guiotus Brixiensis non sine maximo discrimine evasit. Et quendam vidi conquerentem a principio tantummodo de dolore \* dorsi, in alijs vero operationibus & membris mediocriter se habebat, cui tamen in decima apparuerunt papulæ, sive maculæ mali coloris, & cardiaca passio, & alienatio, qui tandem cum modico regimine, & ex applicatione multarum cucurbitularum cum scarificatione evasit. Quare ut respondeam quæsitis, dico, quod si casus virtutis a prima die apparet, proculdubio minera & mala qualitas pestifera primo & principaliter est in locis propinquis cordi, vel eorum ventriculis, aut si est in loco longinquo, dico materiam multam fuisse, quæ invenit virtutem debilem, ut contigit sæpe in ijs, qui frequenter coeunt, qui si a tali febre corripiantur, pauci evadunt. Adde etiam quod etsi materia non multa est, tamen sua ultima malignitate, quæ penitus est contraria vitæ, potest brevi tempore spiritus vitales in corde inficere qualitate illa contraria vitæ, siccq; apparet subita pulsus debilitas, sed quomodo moriantur multi in declinatione dictæ febris,

---

\* Di. Am. C. 72. p. 140. Si dolor dorsi adfuerit, ex magna putredine oritur, sicut ex ebulliente sanguine in vena cava quod per dorsum extenditur.

bris, & accidentium, causam reddam. Cum in declinatione non ex toto dicatur esse evacuata causa morbi, quæ causa est materia putrida cum qualitate pestifera, & ideo virtus, tametsi aliquatenus prævaluerit, debilis est, ex labore contingente in ipsa febre, & ex malignitate materiæ, cui malignitati proprium est dissolvere virtutem. Quare cum ita sit, contigit quandoq; virtuti quærenti ultimam humorum malorum evacuationem, in die aliquando critica, & aliquando non critica, ut moveat. Sed cum sit debilis malo movet motu, & ad partes non convenientes, scilicet ad membrum principale, & quamvis sit pauca cum sit pestifera venenosa inficiendo spiritus extenuatos debiles sequitur inopinata & cita mors. Et ideo semper in istis convalescentibus ante omnia virtus instauranda est, non neglecto regimine regulari in alijs necessarijs. Talis vero mors est illa, de qua princeps Avicenna prima quarti cap. tertio dixit, In declinatione non moritur æger nisi ex causis dictis post, scilicet fer secunda quæsti, Ubi inquit quandoq; ex variolis contigit in declinatione mori. Expone igitur eo modoquo supra dixi, videlicet debilitata virtute pars aliqua materiæ mota, non extra pulsæ petit membrum principale, & quoniam venenosa est, & resistentia etiam est debilis, ex venenositate corrumpt ejus complexionem, sive spiritus, unde sequitur mors. Nonnullis in verâ declinatione contingit mori, nisi ex aliqua re nova resolvente virtutem, aut mutante complexionem cordis. Igitur male sentiunt, qui credunt & dicunt

cunt aliquos a peste interemptos fuisse sine febre,  
 \* ipsi namq; non animadvententes alterationem  
 pestiferam venenosam fieri etiam in vaporibus,  
 crediderunt sine febre interimi a peste, unde o-  
 portuisset eos notare quod in ephemera spiritus  
 accenditur, & cum vapores sint venenosí ante-  
 quam febrilis calor per universum corpus effun-  
 datur, moriuntur; sed facta fuit cordis calefactio  
 ex vaporibus pestiferis antequam humores putre-  
 scerent. Potest tamen fieri ut aliquando sit  
 putrida cum qualitate pestifera, & sit procul a  
 partibus cordis aut hepatis, vel quæ ab aliquo im-  
 pediat, itaque non faciat alterationem in  
 spiritibus cordis, quæ sit notabilis, neque est tan-  
 ta caliditatis, ut possit massam sanguineam sive  
 humores ita conturbare, ut urina possit ostende-  
 re ebullitionem humorum. Quare, cum adhuc  
 non sit multa inflammatio, non apparebit cali-  
 ditas laedens notabiliter infirmum, neque manus  
 tangens ipsam, sentiet caliditatem intensam.  
 Et nihilominus æger tendit ad mortem, & ratio  
 est, quoniam cum materia venenosa est in locis  
 remotis a corde, amoto impedimento, occupat  
 cor, si vero in loco a corde longinquo sit, im-  
 primit malam qualitatem, corruptitq; spiritus  
 & suam complexionem, qua corrupta sequitur  
 mors, cum ijs dictis signis ipsam non indican-  
 tibus. Neque debet quis dubitare dictam mor-  
 tem

\* V. *Di. Ami.* C. 14. p. 44. Qui afferit pestilentes morbos esse  
 posse cum febre, & sine febre, probatq;.

tem non posse sequi ab acre pestifero, cum semper inspirationem, ad cordis refrigerationem, aerem animal recipiat, qui si pestiferus fuerit, corrumpet complexionem spirituum (ut dictum est) & sequetur inopinata mors, ut accidit in maximis pestilentiis a corruptione aeris evenientibus, at tamen semper ante mortem cor accenditur a caliditate extranea, sed notare oportet quod quando materia jam suam communicavit qualitatem malam cordi, pulsus non est amplius bonus, immo est diversus, ut saepe expertus sum in morientibus.

---

### C A P. III.

De materia faciente febrem pestilentialem,  
& aliis, quæ basis morbi dicuntur.

**Q**UANDO fit aer secundum hunc modum, videlicet putridus pestilentiali putredine, venit ad cor, quare corrumpit complexionem spiritus, qui est in ipso, & putrefit quod circundat ipsum de humiditate, & accidit caliditas egressa a natura. \* Clare patet igitur febrem pe-

---

\* D. Am. p. 45. Febris pestilentialis tres sunt species, Diaria in spiritibus accensa, (quæ intra 24 horas enecat) Humoralis, quæ Humores corrumpit, Hectica, quæ in substantia cordis permanens & fixa est.

Di Am. p. 46. Pestilenti febre citius afficiuntur, quibus ad putredinem sunt humores parati.

pestilentiale fieri ex putredine humorum. Quod confirmat, idem Avicenna, cap. quarto, docens, curare, Inquit, si materia fuerit sanguinea incipe a sanguinis missione, si autem alij humores fuerint, evacuentur. Quare ex humoribus omnibus istam febrem fieri patet. Sed quoniam humiditates subtiliores facilius recipiunt caliditatem putrescibilem, & pestiferam qualitatem, quæ humiditates cum sint evaporabiles, alijs corporibus ipsam communicant, hinc est quod febris pestilentialis ut plurimum est sanguinea, aut cholerica. Sicque dicere oportet basim, in qua est hoc accidens pestilentiale, esse ut in pluribus aut humorum sanguineum, aut cholericum, raro phlegmaticum, & melancholicum, ut plurimum intraneum: quoniam saepe vidi febrem pestilentialem cholericam cum apparitione morbillorum alternantem, videlicet incipientem cum frigore & terminantem cum sudore & hujusmodi febris non est tanti discriminis, quoniam pro parte materia expellitur extra venas. Sed quæ sit causa quod ista febris raro sit diuturna, videlicet quartana, aut quotidiana, vel tertiana diuturna a crassitudine materiae nemo fere ignorat. Cum ratione venenositatis haec febris sit turgida, stimulans naturam ad expulsionem saepe symptomaticam, raro criticam, materiae vero expelluntur, aut per vomitum, vel per secessum, aut per permutationem ad inguina cum apostematibus malis, vel etiam ad alia loca non emunctoria, per tubercula & genera papularum & macularum malarum. Sed notabis quod apostema-

ta,

ta, quæ ex frigidis a prædominio fiunt humoribus,  
 ut plurimum sunt mala, tametsi in quacunque  
 febre pestilentiali sint mala, quoniam cum ma-  
 teria melancholica, & maxime cum malignitate,  
 expellitur, & fit apostema, non suppuratur, quam-  
 vis etiam alijs sint admixti humores, ut puta,  
 sanguis & cholera, sed tendit ad corruptionem,  
 propter inobedientiam humoris, & malignitatem  
 pestiferam. Et hoc magis si virtus fuerit imbe-  
 cillis. idem dico de phlegmatico, quamvis non sit  
 ita inobediens nec malum, exijs, quæ superius  
 dicta sunt facile doctis persuadetur in scientia me-  
 dicinæ quancunque febrem putridam posse esse pe-  
 stilentiale, neque id aliqua ex parte obstat, cum  
 quæcunque materia putrida sit parata ad suscipi-  
 endam ulteriore putredinem & malignitatem.  
 nam si corpora sana ab ipso aere alterantur altera-  
 tione pestifera, quanto magis, corpora imbecillia  
 plena putridis humoribus, quamvis sint melandro-  
 lici aut phlegmatici, cum ab ipsa exteriori & etiam  
 interiori alteratione oppressa virtute, & ad talem  
 dispositionem deveniunt. Et sic aliquando vidimus  
 temporibus pestilentialibus febres incipientes ex  
 putredine humorum crassorum phlegmaticorum  
 & melandolicorum & transcendere temporis diu-  
 turnarum febrium cum accidentibus pestilentia-  
 libus, videlicet cordis pulsu sive tremore, animi  
 defectu, extremorum frigiditate, & alijs malis ac-  
 cidentibus, cum quibus recedunt ab hac vita.  
 Corpora magis materialia & sicca sunt apta ad  
 suscipiendam istam pestilentiale qualitatem, ut  
 sunt plantæ, quæ pereunt ex mala aeris pestiferi  
 qualitate.

qualitate. \* Nec solum plantæ pereunt, sed comedentes eorum fructus sive folia, † sed in argumentis hoc saepe accidit, tametsi sit ægritudo humoralis, attamen si comparare volueris, facilius est imprimere in secundis humiditatibus in homine aliquam qualitatcm, quam in primis humiditatibus brutorum, cum corpora hominum sint magis abnoxia alterationibus interioribus & exterioribus, quam corpora brutorum, ut docet quotidiana experientia, & quamvis febres habituales sint immateriales, tamen quia calor jam in dictis secundis humiditatibus est, possunt ab ipsis excitari vapores & ad alios homines transfire, eosq; infectos perdere suâ qualitate pestiferâ; Quæ febris hectica cognoscitur, quoniam sunt accidentia mala, ut est syncope, passio cardiaca, & alia solita evenire in febribus pestiferis humoralibus, tametsi non sint ita fortia. Sic etiam dicere oportet, de febre putridâ phlegmaticâ, & quartanâ quæ non habent accidentia fortia sicut cholerica, & sanguinea. Ex dictis credo satis probatum esse dari ephemera pestilentiale, & maxime ex verbis Avicenne dicentis, ab aere corrupti spiritum, aut ejus complexionem, quod clarum est, præsertim tempore aestivo, cum primo ab aere ascendantur vapores, deinde spiritus cum sint substantia magis inflamabilis, cum vero caliditas accessa est in spiritibus, illa febris est, quæ ephemera dicitur.

---

\* Vid. D. A. p. 28. Plantæ pesti subjectæ, & animalia, vaccae boves, canes, &c.      † Corpora hominum magis obnoxia alterationibus interioribus & exterioribus quam corpora brutorum.

## C A P. IV.

## De definitione seu descriptione febris pestilentialis.

**P**rotinus inter initia, febris definitionem, quoniam febris est, dicere hic oportuisset ex principiis sententiâ, unde omnia colliguntur, esse scilicet calorem extraneum in corde accensum. Sed cùm hic pestilentiale genus tantùm declaretur, universali ratione febrium prætermis-sâ, eam tantummodo febrem pestilentialem declarabo, ut legentes in cognitionem ipsius facilius devenire possint; quæ declaratio ut facilior sit, multa, quæ superius scripta sunt, repetere non inutile fore judicavi. \* Febris igitur pestilentialis est morbus complexionalis, aliquando acutissimus contagiosus, & universalis cum qualitate pessimâ venenosâ conturbans intus, & ut plurimum perdens. quoniam suâ pessimâ qualitate pestiferâ corrumpit spiritus cordis, cāq; de re est longè acutior alijs morbis, ac deterior longinquierq; à salute, ita ut aliquando tanti sit acuminis ac malitiæ, ut sex aut duodecim horarum spatio patientes è vitâ rapiantur, sine ullâ alteratione præcedente, quo sit ut *sæpe in publicis vijs cum ad consueta munia † proficiscuntur*, moriantur, serpitq; hic morbus citissimè, ac subitò populatur. Et pendet ex ebullitione unius interdum,

&

---

\* V. p. 4. Col. 1.      † Vid. Virg. Pestem. L. 3. v. 515.  
Ecce autem duro fumans sub vomere taurus Concidit, &c.

& interdum plurium quatuor humorum, & aliarum humiditatum, spirituumq; & superfluitatum, quamvis raro ab in secundis humiditatibus inflammatione fiat, saepissime ab alteratione sive causa extrinseca factus & aliquando ab intrinsecâ. Et quando non statim interimit hic morbus saepissime accidentia multa & severissima apparent, quemadmodum inquietudo, \* lassitudo corporis, nausea, & casus appetitus, cui nisi succurratur cum comedione violentâ, dicebat, Avicenna ægrum interfici. Dolor stomachi, & ipsius anxietas, tensio hypochondriorum, atq; dolor dorsi, tussis sicca, anhelitus malus, & vehementis, frequensq;, ariditas linguae, sitis mala & inextinguibilis, alienationes, stupores, inania insomnia, oculorum rubor, ac faciei mutatio diversa, cordis passio, lipothymia, syncope, sive animi defectus, sudores frigidi diaphoretici, id est resolutivi, pulsus debilitas, ac ipsius annihilation, & hoc quando materia est propinqua cordi, & cum ultimâ malignitate. Attamen non semper sunt omnia dicta accidentia, sed quandoq; plura, & aliquando pauciora, ita ut ex paucitate accidentium saepē difficilis sit cognitu. Nam secundū naturam, & multitudinem humorum & aliarum materierum, & earum malignitatem, ac etiam locum, & fortitudinem, vel imbecillitatem virtutis, fiunt plura & minora accidentia. Urinæ sunt subjugales, aquosæ, diversæ, sine ullo aut certè cum malo sedimento, fiunt etiam saepē fluxus

D 2

mali

---

\* Symptomata febris pestilentialis. V. D. Med. p. 7. & Diop. Am. p. 53. &c.

mali diversi, cum quibus recedunt è vitâ; apparet sâpe apostemata emunctoriorum & etiam botores, sive tubercula diversa, ut sunt carbunculi, variolæ, morbilli, effaræ & maculæ aliæ diversæ, in colore, quas pestichias superius vocavî, quæ sunt etiam sine eminentiâ, secundum diversitatem & prædominium humorum peccantium, quæ maculæ non differunt in materia à tuberculis, sed in grossitie, & subtilitate materiæ, & sunt propter aeris exterioris malitiam detersiores morbillis, quando ex infectione exterioris aeris procedunt, quoniam humores bonos inficit, sed morbilli quoniam ab intrinsecâ fiunt naturæ alteratione, eos humores depurant. Hæc omnia per universum corpus evenire consueverunt, interdum primâ die, interdum autem quartâ, vel septimâ, vel undecimâ & in alijs, & aliquando in die non criticâ, & tunc est malum, quoniam natura stimulatur vel à multitudine, vel à qualitate pessimâ, vel ab utrisq; simul. Etenim materia quæ facit has papulas, est sparsa per omnes venas usque ad exteriorem cutem. Apostemata inguinum fiunt à materiâ, quæ est in venis epatis, alarum verò cum est in venis, quæ à corde recipiunt, sed post aures si sunt à capite fluit materia, quæ apostemata diversimode & sapientes & vulgares appellant, nam quidam bubones, quidam anthraces vulgares vero nostri pestem. Fiunt & alia apostemata aliquando magna, & aliquando parva, quæ certum sibi locum non determinant, eaq; vocant carbones, & sunt diversi in colore, & substantiâ, fiunt etiam & erysipelata

pelata mala, & in ore alcola, ac squinantia, ac etiam apostema plureticum, sed in ultimâ morbi sævitie accidit extremorum corruptio. Hæc præterea febris et si ut plurimum continua sit, tamen aliquando visa est cum exiguo rigore affligere cœpisse, ac cum sudore terminasse, quemadmodum fieri assolet in febribus salubribus. Et aliquando incipit sine typo, vel frigore cum caliditate levi sine ariditate, quæ tamen est continua, ac semper cum illâ intrinsecâ conturbatione & anhelitûs frequentiâ, ac quâdam vigiliâ. Neq; in quacunque febre pestilentiali apparent pustulæ, & maculæ, vel apostemata dicta, sed sæpe cum mitioribus accidentibus tendunt ad mortem. Præterea ejusmodi accidentia post nonnullos dies, & interdum à principio febris apparent, ita ut aliquando febris verè, aliquando falso declinare videatur, & tamen post hoc superveniunt lypothymiæ, paralysis, impotentia motûs, vertigines, scotomiæ, surditas, debilitas memoriae, insipientia, & incompositæ locutiones, mutationesq; existimationum, & cogitationum, ac discursus ab eo statu, qui fuerat secundum naturam.



## C A P . V.

Ostendit causas febrium pestilentialium  
aliamq; scitu dignissima.

**D**icatur igitur sic, causarum febrium pestilentialium quædam sunt exteriores, quas primitivas vocant medici, quædam vero interiores, quas in duas dividentes causas, alteram antecedentem vocant, alteram conjunctam. Sit ergo in primis sermo de primitivis, quoniam exteriores sunt, neq; corporis nostri partes. Causæ primitivæ seu exteriores sunt causæ non corporales, vel non sunt partes corporis nostri, & sunt causæ effètrices, quæ agunt dupliciter, videlicet qualitate manifestâ, & qualitate occultâ, & ut clarius hoc intellegas, causæ extrinsecæ aliquando agunt quædam actione non perceptibili sensu, cognoscitur tamen discursu, & ratiocinatione neq; cœlestè est, seu ira dei; Sed sunt dispositiones aeris, vel alterius rei occultæ facientes effectum inopinatum multis. At sapiens cuius est omnia scire ut decet, non ignorabit cum præviderit seu sciverit causas. Quâ autem ratione causa exterior sive primitiva in corpus nostrum agat, pulchra ac scitu digna est inquisitio, & maxime in illis febribus pestilentialibus, quæ à causâ extrinsecâ hominibus accidunt. Causæ igitur exteriores agere possunt, primùm quoniam aeri, aquæ, & terræ alterationes quamplurimæ à qualitatibus manifestis

festis, quæ sunt caliditas, frigiditas, humiditas, & siccitas, accidunt, præterea à qualitate occultâ, quæ non fit sine disproportione qualitatum manifestarum. Ignis vero ob caliditatis sinceritatem putrescibilem alterationem non recipit, vel aliam, cum quâ sub formâ ignis manere possit. Notabis tamen nullum elementum purum putrescere, sed illa tantum, quæ admixta sunt præsertim cum humiditate; & eâ ratione ignis, & illa ultima pars aeris prope ignem, cùm sit exicata, ac igne plena non putrescit, cæteræ verò partes aeris, quoniam recipiunt vapores quamplurimos à sole & ab alijs elevatos, diversas putrefactiones suscipiunt; quemadmodum illam, quam pestem vocant, hominibus & reliquis animantibus perniciosam: Attamen non protinus quod homini mortale est, idem erit & cæteris. Etenim diversæ alterationes diversis animantibus & plantis sunt mortiferæ ac corruptrices: Præsupposita vero, ex sententiâ philosophi. Putrescibile alteratione, & corruptione esse in tribus elementis, videlicet in terrâ, aquâ, & aere, vel in corporibus terrestribus, aquaticis, & aereis: Dicamus quòd terra sæpe ex nimiâ humiditate in se, vel circum se detentâ, cum aliquâ debili caliditate exteriori, vel inferiori, putrescit in se, ex quâ deinde putredine, quæ in illâ terrâ nascuntur, ut sunt olera grana, & id genus fructus, retinent in se qualitatem illam malam putredinem; ita ut si comedantur non solum ab hominibus, verùm & ab alijs animantibus diversas generent ægritudines, & aliquando mortiferas,

secundum diversos gradus putredinis. Vapores præterea, qui ab ipsâ elevantur, si corpus extra-contangant, inficiunt; sæpeq. visæ sunt plantæ interijſſe ex alteratione corruptivâ terræ. Pari ratione de aquæ putredine dicendum est, etenim ex jam dictâ humiditate, & calore debili fit alteratio putrescibilis. Quare & pisces & alia quam-plurima in ipsis aquis putridis nascentia, vel morantia, si edantur, malaſ gignunt ægritudines, ac etiam si ipsa aqua ſic alterata, quis uti voluerit, vel bibendo, aut carnes & alias res coquendo, vel aliter miscendo, malos gignet morbos, ſimiliter & aer si alteretur à jam dictis qualitatibus excedentibus, cùm ex ipſo ſpiritus cordis refocil-letur per inspirationem peſlimas facit ægritudi-nes. Igitur omnibus iſtis, vel in ſe, vel per aliud ita alteratis, ut putredinalis ipsis accidat alteratio & à propriâ naturâ egrediantur, neceſſarium eſt ea minime pro operationibus vitæ neceſſarijs convenientia fieri, immo pernicioſas præparant diſpoſitiones. Sæpe & hujusmodi elementa communicant ſibi alterum alteri ſuam malam qualitatem, ut terra aquæ, & aeri, aqua terræ & aeri, aer terræ & aquæ, ita ut ſæpe inter ſe ſuas malaſ qualitates communicent & contan-gentia inter ſe corrumpant, vel per ea, quæ cum ipsis ſunt, ut putræ aerem & terram alterari à nimiâ pluviâ, vel ex rabida ſolis caliditate, aut à vaporatione paludum putridarum, & ex inun-datione, aut à re putridâ ſeu paratâ putredini, vel tranſeunte per putridum ſolum. Sed aer putrefit ab omnibus iſtis, quoniam terra & aqua, cum re-cipiunt

cipiunt putredinem communicant suos vapores aeris, sivecum eum ad ulteriorem putredinem parant, sunt & multa alia, quae aerem inficiunt, ut cloacæ \* putridæ, sterquilinia, acerui rerum putridarum, loca aquis inundata, ut sunt loca, in quibus rictum seminant & ubi linum macerant, sed inter cetera sunt corpora animalium mortuorum & non tumularum vel crematorum quando corrumpuntur, quorum meminit Galenus in libello de differentijs febrium, addens quod communitas vaporum delatorum à longissima regione, scilicet ex Æthiopiâ, † a ventis possunt aerem inficere, ex quâ infectione febres pestilentiales per regionem illam gigni possunt. Et quandoque dicta elementa à propriâ naturâ mutantur ita, ut neque animalia bruta in ipsis degentia diu vivere possint, attamen causæ hujus rei saeppe ignorantur. Quæ ita alterata pestiferas causant ægritudines, verbi gratiâ in caliditate & siccitate, sicuti quando sol est in corde Leonis in diebus canicularibus, etenim ex caloris vehementiâ calefit & exsiccatur terra, aqua etiam & aer, ex quâ in proportione & caloris excessu, saeppe coloni & qui messem curant, nimiâ & intollerabili caliditate messem dimittunt, cum non possint sustinere vehementissimum solis calorem, terraque inde exiccatur, ac sterilis fit, similiter, & aquæ alterantur (ut saeppe dixi) unde sequuntur jam dictæ ægritudines, & sunt tanquam causa primitiva extrinseca

\* Aliæ putredinis causæ cloacæ putridæ, &c. corpora animalium mortuorum. V. Mead. p. 3.      † V. Mead. p. 14.

seca ex inæquali aeris proportione à nimiâ solis caliditate, aut quoniam non sunt venti, \* vel est privatio pluviae. Similiter fit à frigiditate, sive fuerit ex ventorum septentrionalium sufflatione, sive ex distantiâ solis ab aliquo loco, sive ex non rectâ radiorum inspectione, vel quomodo cunque sit, nimiâ frigiditate alterantur elementa, cum frigiditas sit de virtutibus activis, quæ potest suâ actione destruere caliditatem conservativam aeris, quâ debilitatâ facile putreficit, cum sit humidus. Etenim una causarum putredinis, est frigiditas dominans calori intranco extinguens, cum quâ præter malignitatem pestiferam putredo agit in corpus nostrum, fit condensatio meatuum à nimiâ exteriori frigiditate, quare ipsa prohibita transpiratio putredinis causa est, & aliquando pestiferæ febris, secundùm humorum præparationem, & ista erit pestiferalis febris à causâ intrinsecâ ; quoniam mala qualitas pestifera non est exterior, tametsi causa obstruens meatūs fuerit primitiva. Etenim in præcedentibus dictum fuit hanc febrem differre ab alijs putridis febribus in modo susceptionis, quoniam aliæ febres putridæ, habent prohibitam respirationem causam facientem ad putredinem humorum. Et ista sine hujusmodi prohibitâ respiratione fieri sæpe possint, scilicet à contactu extrinsecæ putredinis aeris, vel alterius rei vaporosæ per poros susceptæ, non tamen diu putredo, sive humores putridi esse possunt, quin faciant obstructiones & prohibitam respirationem.

Quare

Quare notare oportet febrem pestilentialem s<sup>e</sup>pe posse incipere nullâ prohibitâ transpiratione præcedente ut causâ. Ab humiditate præterea aerem posse corrumpi nemo dubitat, cùm, humiditas mater putredinis sit, & causam corruptiōnis, atque omnium malorum sapientes omnes humiditatem dicant. Qua propter cum in jām diētis humiditas superflua ac inæqualis fuerit, alterat corpora alteratione ad febrem putridam suscipiendam. Neq; desunt rationes demonstrantes siccitatem in elementis causare febrem, cùm siccitas sit lima caloris, tabescunt enim nimia siccitate corpora, ac inflammantur inflammatione forti & extraneâ, quod si nimia fuerit & infrigidet, ex infrigidatione & improportione qualitatum inter se redditur corpus putredine paratum. Et ut omnia unico verbo perstringam, quacunque improportione data in elementis mutantur corpora in ipsis degentia. Hujusmodi mutationes corrumpunt elementa, sive mutant secundūm partem eorum naturales qualitates, à quâ mutatione sequuntur febres pestiferæ, ac pernicioſæ, quæ sibi varia accidentia affoliant, ut est tabes, tussis sicca, fluxus ventris mali, sudores frigidi, pustulæ seu papulæ, ac maculæ diversæ sine eminentiâ, apostemata & putrefactio membrorum, & quamplurima alia, quæ mutationes temporum non solum ab antiquis visæ sunt, sed etiam a nobis. Collige igitur quod elementa alterata tam a qualitate manifestâ, quam occultâ, communicant talēm qualitatem corporibus præparatis per vapores,

pores, ut est videre in sterquilinio putrescente, à quo sensati elevantur vapores, qui ingredientes poros vel meatus; & maxime per os & nares inspirando & alias vias, ut sunt oculi, & aures, cùm verò sint putridi aut affecti qualitate pestiferâ, dum tangunt membra humores & spiritus corporis inficiunt eādem putredine, vel qualitate veneficâ, quali ipsi infecti sunt, cùm agens quodcunq; non agat primò nisi per virtutem excedentem. Quæ qualitas prior impressa serpit per partem post partem, ita ut una pars alteram inficiat, usquequo suam imprimat similitudinem, quæ aliquando toti corpori communis est, & aliquando uni, vel pluribus membrorum, similiter & aliæ res, ut sunt cibi mali, inficiunt corpora parata, inter quæ sunt corpora habentia superfluitates fætidas, quemadmodum sunt, qui ex immunditiâ, aut a propriâ complexione fætent, fætore horribili, ut sunt Hebræi, Æthiopes, & Cucullati quidam. Nam cùm in stomacho cibi mali putrefescunt, sive ante conversionem, aut digestionem, sive post, cum talia corpora fætentia, vel malas multiplicantia superfluitates, sint paratisima inficiuntur. Et factâ malâ chili præparatione per venas, corpori toti communicatur, atque etiam odores mali per nares suscepiti, si a re putridâ elevantur, inficiunt. Sed ut omnia clara sint, ad hoc etiam aliquid addam. Nam causæ antecedentes febris pestilentialis, & conjunctæ, sunt causæ intrinsecus agentes, suntq; partes nostri corporibus infectæ tali qualitate pestiferâ, scilicet humores, spiritus, & membra,

bra, in quibus omnia genera febrium comprehenduntur. Enim vero, quoniam. Hæ partes infectæ sunt dictâ qualitate venenosâ, febris pestilentialis fit, dixit namque Galenus sexto de locis affectis, generari venenum ex humoribus in corpore, idq; agere actione mala. Hoc idem dicendum est de causis conjunctis, quæ, & si ab antecedentibus pendeant, attamen quoniam distinctæ ab ipsis esse possunt, ut appareat de obstruktione, & putredine, ideo distinctas medici causas ponunt; quæ cùm non sine subjecto sint, per quod agunt, sunt corporales, quemadmodum humores, & vapores putridi, vel calefacti petentes, cor, in eoq; existentes, cum prædictâ venenosâ qualitate extraneum accidentes calorem, qui per arterias & venas toti corpori communicatur, nisi impediatur. Nota tamen quòd cum humores, sive massa humoralis sapiat naturam aeris, quæ calida & humida est, & putredo non fiat sine caliditate & humiditate, ideo hâc de causâ ab ipso acre alterantur humores sive massa humoralis est. nam massa humoralis ex sui naturâ inflammabilis, quare ab extrinsecis facile alteratur. Collige igitur causas primitivas febrium pestilentialium esse aeris intemperiem, \* vel aliorum elementorum, tam in qualitatibus manifestis, quam in occultis, quæ alterando partes nostri corporis ad suæ naturæ corruptæ similitudinem mutant, usque ad cordis substantiam venenosam qualitatem communicando. Neque ac  
rem

---

\* Aeris intemporeis. V. Mead. p. 4.

rem infectum qualitate pestiferâ in manifestis qualitatibus multum excedere est necessarium, tametsi imprimat impressione mortiferâ, quæ interficit sine vehementiâ caloris & aliorum accidentium. Et inter primitivas causas, ut superius dixi, sunt res omnes putridæ, præsertim corpora mortuorum, etiam si in longissimâ essent regione, cum venti ex illâ regione, perflantes deferant hujusmodi aeris vapores putridos, item apertio locorum subterraneorum, ut contigit tempore terræmotûs, quoniam sæpe terra aperitur ita, ut vapores ibi diu detenti & putridi aerem inficiant, sunt etiam evaporationes malarum aquarium & paludum, præsertim ubi seminant ricum, nam vapores talium locorum aerem inficiunt ita, ut qui prope habitant facillime incident in febrem pestilentialem, & videtur lenta cum gravitate capitis quibus anhelitus fœtet, ac etiam narium exhala-tio, similiter mollitiones rerum putridarum, ut sunt coria & hujus generis putrida. Etiam comedæ res putrescibiles mali chymi, & præsertim carnes putridæ febrem pestiferam sæpe generant. Et temporum inæqualitas, est maxima causarum teste Hippocrate, cum jam dicto cœli vel syderum & stellarum influxu disponente elementa & alia corpora inferiora.

## C A P. VI.

De signis futuræ ac presentis febris pesti-  
lentialis.

**D**ividamus signa secundum duplex genus. Etenim quædam febrem pestilentialem futuram minantur, quædam vero præsentem ostendunt. Dicamus ergo cum sapientissimo Hippocrate, si quatuor temporum qualitates, & dispositiones non servaverint naturam suam, sed fuerint obscurationes solis & tonitrua extra suum tempus, fuerintque pluviae multæ, ac apparitiones quarundam stellarum, ut sunt cometæ & aliorum vaporum, qui accenduntur, & in modum stellæ cadentis videntur hæc omnia signa aeris mutationem manifestam ostendunt, cum sint exhalationes aeris mali. Præparantia vero corpora inferiora sunt tempora non proportionata, ut est aer diversus cum paucitate pluviae, nebulosus ita, ut ostendant pluviam futuram, & tamen non pluat, sed remaneat aer turbidus cum caliditate æstuosa, aut etiam si pluerit remaneat tamen hujusmodi caliditas æstuosa, quod etiam malum est si in fine veris frigus superveniens metus astrinxerit, quoniam præparabit humores ad æstatis putredinem, similiter etiam si æstas calida & humida \*fuerit, vel calida caliditate urente ad putredi-

---

\* V. Mead. p. 3.

putredinem præparabit. Nam caliditas urens fane, cutem exsiccando, meatus abstringit, & fit prohibita respiratio, ut contingit in diebus canicularibus, similiter & privatio ventorum, & solis obscuratio ob aeris crassitatem, præsertim si post veris inordinatam, constitutionem, cum frigiditate obstruentem eatus fuerint, præparant, & sunt signa futuræ febris pestilentialis. Præterea æstas si fuerit calida caliditate æstuosa, vel si fuerit frigida & inæqualis, ac in suis diebus in lumine diversa, cum diei ac noctis diversitate longinquæ à naturali suâ dispositione, cum ventorum sufflatione, futuram febrem pestilentialem ostendit. Insuper autumnus calidus & humidus, aut frigidus turbulentus & pluvius cum sufflatione malorum ventorum qui illius regionis fuerint, dixi illi regioni, quoniam sunt quidam venti cuiusdam regioni insalubres, cæteri vero salubres ut est Venetijs meridionalis ventus, qui & si multis regionibus noxius sit, attamen Venetijs cùm ex mari proficiscatur salubris, aut certe innoxius est. Quod si etiam apparuerint tonitrua, cometæ ac evaporationes accensæ, veluti stellæ cadentes, & aeris ignitiones certam febrem pestilentialem futuram enunciant. Præterea si hyems calida cum multitudine nebularum & sine pluviâ fuerit, vel etiam nimis frigida & sicca, quoniam corpora debilitat, est causa non per se, sed per accidens, vel si fuerit cum quadam exhalatione vaporum super terram, & sine ventorum sufflatione, ita ut aer caliginosus permaneat, Solque suis radijs hos vapores penetrare non possit, sintq; conditiones pluviarum & tamen

tamen non pluerit, sed aer tenebrosus maneat  
 cum aliquo calore obtuso, vel etiam si nimium  
 pluerit, & aquæ abundantes acrem corruptant;  
 hoc in quocunq; tempore fuerit, vel quomodo-  
 cunque aliter, cum jam super cœlesti influxu  
 futuram omnino pestem ostendunt. Neque ig-  
 norare oportet corpus nostrum indigere inspirati-  
 one proportionatâ tempori, quâ deficiente fiunt  
 malæ ægritudines. Sed inter cætera signa futu-  
 ram febrem pestiferam ostendentia est multiplicatio  
 animalium, quæ ex putredine generantur, ut  
 sunt locustæ, muscæ, vermes, & alia id genus  
 animalia non solita in illâ regione apparere. No-  
 tabis tamen homines qui in aere malo educati  
 sunt, minus paratos esse ut in hanc febrem incident,  
 idque est aut quòd assueverint putrido aeri, (assueti  
 enim minus læduntur quam insueti,) vel quoniam  
 aer non est paratus suscipere pestiferam qualitatem,  
 quamquam sit male affectus, vel ex utroque; &  
 istâ ratione qui in carcerebüs sunt non ita ægro-  
 tant. Etenim longè distat qualitas à qualitate  
 tam in manifestis, quam in occultis. Cum igi-  
 tur in aquis aliquod signum putredinis apparet;  
 quod cognoscitur, quoniam præter propriam na-  
 turam fiunt turbidæ, aut sapor in ipsis mutatur;  
 vel odor, vel quia caliditas quedam insuavis &  
 in substantia limositas videtur, vel quòd mutantur  
 ad aliquam aliam qualitatem ita malam, ut pis-  
 ces & alia animalia degenitia in ipsis moriantur,  
 vel ab ipsis fugiant; & etiam si animalia, ut armenta,  
 pecus, & alia ex ipsarum potu vel ægrotent, vel  
 moriantur; saepe enim ex terræ putredine aquæ;

quæ ex ipsâ terrâ scatent, vel super eam trans-  
unt, corrumpuntur, quòd si in ipsis aquis anima-  
lia nascantur, quæ ex putredine gigni solent, aut  
quæ non solita sunt in ipsis nasci, utputà ranæ,  
vel pisces quidam mali, aliaq; ejus generis, aut  
quòd in ipsis nascantur herbæ malæ putridæ, ut  
est alga, & cannæ, vel etiam si diutiùs morentur  
in locis paludosis, vel in non paludosis, aut si in  
ipsis aquis ponantur quædam ut moliantur, quem-  
admodum linum cannabis, & spartum ex quo  
funes conficiuntur; ita etiam pelles quas coriarij  
aquis molliunt, hæc omnia aquam corrumpunt.  
Quâ corruptione cognitâ futuram febrem pesti-  
lentialem prædicere potes. Terræ verò putrefa-  
ctæ signa sunt animalium ex putredine nascentium  
multiplicatio, ut sunt mures, ranæ terrestres, (quas  
bufones vocant, & etiam rubetas,) serpentes, ac  
vermes quamplurimi, & alia, præsertim si mini-  
mè in illis locis nasci consuevère. Ista enim vel im-  
primis ostendunt putredinem terræ, per quam  
futuram pestem dubitare non oportet, & est sig-  
num vulgare, ac rationabile, quod si cum istis  
quoque animalia in cavis terræ degentia dereli-  
ctis subterraneis cavernis aufugiunt, ut sunt talpæ,  
cuniculi, lepores, vulpes, & hujusmodi, vel si  
mortua per sylvas, & nemora, vel prata inveni-  
antur, tunc certam pestem futuram ex terræ cor-  
ruptionē enunciat, & eò magis si pascua animan-  
tibus mortifera, aut insalubria videris, vel alia  
terræ nascentia degenerare cognoveris, ut fructus  
omnes & grana cætera, utputà si cum tritico in-  
felicis lolij copia nascatur, vel etiam in alijs  
olerib us

pleribus mutationes appareant, à quorum esu sequuntur sæpe, si mala fuerint, angustiæ & anxietates stomachicæ. Vel etiam si sterilis terra affecta sit, ita ut non germinent plantæ suo tempore, aut non nascantur semina, seu quæ sponte nasci deberent, vel quòd orta monstrosa sint. Quòd si etiàm terræmotus præcesserint, à quibus terra aperta fuerit, & ex profundo ipsarum cavernarum vapores, qui diù retenti fuerint, egrediantur putridi & male olentes, grossi & turbulenti, timenda est pestis futura. Nam sæpè ex effossione alicuius putei diù occlusi secutæ sunt in illis locis ægritudines malæ & mortiferæ, & etiàm ex effossione paludum, quemadmodum Venetijs anno. 1535: dum fodiebant paludes prope litora versus locum, quem sanctum Eras-  
mum vocant, & etiam propè continentem in loco, quem luporum puncta dicunt: Etenim meâ quidèm sententiâ, quoniam uno tempore in ambobus locis fodiebant per autumnum & hyc-  
mem, superveniente vere, calefactis vaporibus qui continuè exhalabant, facta est aeris malitia;  
à quâ secutæ sunt febres pestiferæ cum anginâ,  
& apostemate pleuritico, hincq; multi juvenes,  
senes, viri, & foemellæ, sine discrimine perierunt;  
communis enim fuit ægritudo.

Signa præsentem febrem ostendentia sunt in dupli genere, quoniam quædam sunt com-  
munia & quædam propria seu particularia. Com-  
munia dico quando fere omnes, vel pro majore  
parte, qui ægrotant, febre pestilentiali & con-  
tagiosaæ ægrotant: & idco cùm in civitate, vel in

provinciâ videris homines cujuscunque sexûs & ætatis, divites & pauperes, malas res, sive bonas comedentes, laborantes, vel vitam otiosam ducentes, febrificare simili febre, vel in unâ domo multos, unum scilicet post alterum, vel in eodem tempore; & ægritudo sit cum accidentibus malis, ut sunt alienationes, animi defectus, & pulsus, aut pulsus mutatio, & urinæ diversitas, apparuerintq; apostemata in emunctorijs, aut carbunculi in alijs membris, vel variolæ, aut morbilli & aliæ maculæ cutaneæ diversi coloris, signum commune est febris pestilentialis à causis exterioribus factæ. Propria verò sive particularia signa, scilicet quæ in particulari homine febrem præsentem pestilentialem ostendunt, tametsi aliquando decipient, sunt ista quæ si diligenter inspecta & mature considerata fuerint, ostendunt sine hæsitatione medico veram cognitionem febris pestilentialis. Incipiam igitur ab his, quæ secundum essentiam in febre accipiuntur. Febrificanti febre pestilentiali sæpè calor exterior non vehemens sentitur, intùs verò respectu aliarum febrium ardentissimus est, ita ut sæpe visum sit ob nimiam intrinsecam caliditatem hos se se in puteos,\* & aliam aquam projecisse. denudant enim se, & linteamina, aliaq; coopertoria projiciunt; sæpenumero verò calor exterior est ita vehemens in pectore & universo corpore, ut manus

---

\* Vid. Lucr. l. 6. sub finem.

*In fluvios partim gelidos arentia morbo*

*Membra dabant----*

*Multi præcipites lymphis putalibus altè,*  
*nciderunt.----*

nus eum vix ferre possit, quæ febris ut plurimum sine intermissione, & continua est, attamen aliquando incipit cum frigore, non tamen semper, nec ob id procedunt paroxysmi sive accessiones cum intermissione, sed continuantur, quod etsi aliquando quotidiæ intermittentes visæ sint, hoc rarum est. Pulsus etiam ut plurimum debilis est, & parvus à principio, aliquando tamen fortis, sed non diu permanet, quoniam sit diversus, & malus, velox, & frequens, quam frequentiam à parvitate fieri rationi consonum est, & sic videtur in pulsu non esse magnam alterationem, sed quando comparatur elevatio pulsū ad depressionem, depression major est. Sæpe etiam primâ die cadit virtus, istis etiam sæpe lipothymia, vel animi deliquia accidunt & frequentia anhelitus, qui sæpe cum fœtore non parvo est, suntq; tristes, inquieti, ac intus, ut dicebat princeps, conturbati, & quando caliditas est intus in pectore, tunc magis conturbantur, & exteriore pectoris partes ardentissimè calent. Sunt præterea nausea, & dejectiones appetitus, & vomitus, & tensiones hypochondriorum ; facieq; mutatio à naturali suâ habitudine in colore & figurâ etiam est signum malum. Quòd si os inspicias (ut in laborantibus febribus pestilentialibus inspicere debes) invenies rubedinem ustivam, ac fissuras ex nimiâ caliditate, quæ, cùm est vehemens & linguam denigrat, & sæpe à primâ die alcola apparent, & in gutture pustulæ parvæ diversæ in colore, ac si essent ex genere formicarum, quæ, etsi febris non fuerit vehemens, maximam malitiam morbi ostendunt,

ostendunt. Sunt præterea aliquando apostemata, quæ squiniantias vocant, & tuffes siccæ, quæ sæpe hanc febrem concomitantur. Sunt & inquietudines, alienationes, stupores, lassitudo membrorum, & motûs voluntarij difficultas, sunt immemores, surdi, vertiginosi propter malam materiam in cerebro, vel propter vapores ab alijs membris ad caput ascendentibus. Urinæ præterea ut plurimum turbidæ & veterinaræ, sive subjugales sunt, sine sedimento; quod si sedimentum est, multum, lividum, globosum, & etiam sæpe divulsum, ac commixtum apparet, & ita secundùm diversitatem extranei caloris in hepate, ac dominium humorum, rubens, livida, nigra, crassa urina mingitur, quam sæpe calor naturalis minimè regit, sæpe tamen primâ die urina bona in colore, substantiâ, quantitate, & contento apparet, & est quoniam nondum nocumentum ad hepar & emulgentes venas communicatum fuit. Quandoq; etiam urina est subtilis, aquosa, lym-pida, sine sedimine, vel cum parvâ quadam nubeculâ divulsa & alba, vel diversa, frequenter; etiam plurimum aquosæ urinæ minguntur, cum jam calor naturalis deficit, quæ nec digestæ, nec coloratae sunt, & hoc fit non solum ab imbecillitate caloris, verùm etiam ex oppilationibus venarum, & vesicæ fellis meatuum, quod si in principio fit, nondum calor febrilis regionem jecinoris & venas propinquas attigit; Sed mirantur medici cum urinam in substantiâ, colore, & sedimine inspiciunt bonam, & tamen æger male habet; hoc autem est ex dictâ ratione, & etiam quod

de ratione materiei, aut qualitatis venenosæ non est mutare substantiam urinæ in subtilitate, vel crassitie, aut colore. Præterea fæces sunt lenes, spumosæ, fœtidæ, natantes, diversæ in colore propter caloris imbecillitatem à venenosâ qualitate destruente virtutem spiritûs, quæ fæces sæpe sponte excunt, vel suâ qualitate stimulante vel virtute jam imminutâ non retinente. Neq; cum tali evacuatione allevantur; immo cum hujusmodi fluxu sæpe tendunt ad mortem, sæpcq; in tali secessu, vermes non pauci apparent, & est corruptionis maximum indicium: vomitus, & frequenter malus appetet, cholericus videlicet, & sæpe niger, viridis, ac diversus, cum odore gravissimo, sudores etiam sunt frigidi, & ad summum omnes superfluitates, scilicet egestiones, urinæ, sputamina, mucositates, & anhelitus fœtentes, cùm non regulentur à calore naturali. Præterea sudores sunt frigidi, diaphoretici sive resolutivi, qui cùm apparent, propinquam mortem denunciant. Sæpe etiam apparent pustulæ, & maculæ diversæ, in substantiâ, quantitate, & colore, ut sunt variolæ, morbilli, & aliæ papulæ, & maculæ, quas vulgò petichias, ego rectius pestichias nominare volui, quæ universo corpori evenire consueverunt, sed frequentius in dorso, pectore, natibus, & hypochondrijs, quæ quando lividæ, aut nigræ sunt, perniciem minantur: apostemata etiam emunctiorum mala sæpiissime apparent, præcipue in inguinibus, sub alis, & post aures etiam, quæ sunt diversa, & quandoque magna & aliquando parva, neque ex toto sunt

diversa, ut phlegmones perniciosi, & carbones adurentes ac mutantes membrum ad rubedinem, lividitatem, viriditatem, & nigredinem, cum quibus saepe membra corruptio sequitur, cum sint a materia maligna. etenim carbunculi nullum sibi locum corporis terminatum habent, quod est, quoniam materia iam ad membra exteriorius mittitur, natura sive virtute sequestrante. signa quae futuram malignitatem in pestilentia ostendunt, sunt pluviae jam dictae diuturnae, longae, inundationes aquarum universales, caliditas aestuosa per totum annum, obscuritas solis, quae fit ab aeris crassitate, & malis vaporibus, caliditas matutina cum tenebrositate, & caligine, quae si terrae sterilitas ad hoc accesserit, & corporum superiorum influxus, ut sunt eclipses Solis & Lunae, & conjunctiones trium planetarum superiorum in signo humano, ut volunt astronomi. Proculdubio haec signa ultimam malignitatem febris pestilentialis futurae minantur. Quod si, ut saepe visum est, aliqua signa aeris, vel aliorum elementorum, & reliquorum ex dictis, in una parte temporis fuerint mala, & in aliâ parte aliæ sequuntur mutationes corrigentes, vel corrigerem potentes priorem constitutionem, sperandum est pestem non futuram, aut certe minus mortiferam. In regionibus vero, ac civitatibus aliquando aeris futuram malignitatem pestiferam facilius credere possumus, si fuerint calidae cum multa humiditate, sive hoc per se, sive per accidentem fuerit, hujusmodi vero alterationem denotant & tempora anni in ipsis diversa, & vapores paludum

dum vel aliorum locorum putridorum, & ventorum flatus, ut sunt meridionales, aut coinquatio aspectuum cœlestium ad illam regionem, vel civitatem, in quâ degentes sunt pingues, otiosi, bibuli, & multum comedentes, ut sunt spurci Mahumetani, quorum corpora cachochyma sunt, ac multitudinem superfluitatum acer-  
vantia, & sunt apta ad suscipiendum sine re-  
sistentiâ, ex Galeni doctrinâ, quare in talibus,  
regionibus, civitatibus ex hominum inordinato  
viectu, & alijs dictis expectanda est in pestilentiâ ul-  
tima malignitas. Sed ubi \* corpora sunt munda ac  
regulariter viventia, in illis regionibus minus pati-  
untur, sicq; minus malignæ erunt febres. *Signa* verò  
quæ ad præsentem malignitatem ultimam, aut non  
ultimam faciunt, tametsi sæpe & medici, & ægrotan-  
tes decipientur, quoniam sæpe ut dixi mori-  
untur ægri sine vehementiâ exteriorum acciden-  
tium, & sæpe evaserunt, qui cum multitudine  
malorum accidentium fuerunt, erunt ista: in pri-  
mis cùm patiens febrem pestilentialem anxius,  
*inquietus*, cùm diversitate pulsus, & debilitate fu-  
erit, tametsi calor exterior non validus sit, sig-  
num est materiam esse cordi vicinam, aut ipsi  
valde communicantem suam malignitatem, quod  
signum malum est; quod si cum hoc *facies mu-*  
*tata fuerit*, & *livida* vel *rubra*, ac *ad nigredinem*  
declinans, non æqualiter sed inæqualiter, & *urina*  
*turbida* sine *sedimento* in modum musti, mortem  
propinquam judicare oportet, & præcipue si *ex-*  
*crementa*

---

\* V. Mead. p. 42.

*crementa intestinorum* diversa exierint, *lutea*, scilicet *natantia*, *pinguia*, ac *fætentia fætore horribili*, atq; etiam si *vomitus diversus fœtidusq;* fuerit, quòd si istis assidentur *sudores frigidi*, *resolutivi*, quos diaphoreticos vocant, & *animi defectiones* & *extremorum frigiditates* fuerint, etiam sine sudore, ac apostemata inguinum, vel tubercula per universum corpus, & aliæ papulæ apparuerint, ut sunt carbunculi, variolæ, morbilli, *pestichiae*, in quibus *color sit malus violaceus* scilicet *lividus*, *viridis*, & *niger*, *sintq; tardus exitus*, & ex eorum apparitione æger non allevatur, signa perniciosissima sine spe sunt, & eo magis *si anhelitus fœtidus* fuerit, quoniam confirmatam putredinem in regione cordis ostendunt. Quod si ex prædictis signis malis aliqua bona fuerint cum fortitudine virtutis, prorogabitur ægritudo, sed semper exitus incertus est, & timendus, quoniam dicebat Hippocrates secundo aphorismorum, Morborum acutorum non esse pronunciations certas salutis, aut mortis: attamen si apostemata inguinum, carbones, variolæ, morbilli, & pestichiae fuerint nigræ, semper perniciem ægrotantis demonstrant. Et quoniam diximus hanc febrem in tribus generibus febrium sine controversiâ fieri posse, & non solum in generibus tantum sed in eorum speciebus, ideo eas cognoscere oportet ex proprijs signis attestantibus caliditatem accensam esse, quemadmodum in hujusmodi materiâ cognoscitur *tertiana per caliditatis vehementiam & mordacitatem*, perq; exentia cholérica, & periodos, quæ de tertio

in tertium fiunt, ac alia signa naturam cholerae consequentia, quare istis apparentibus tertianam pestiferam febrem judicabis, pari ratione de *continua*, *quotidiana*, & *quartana* judicando procedere oportet, scilicet non solum per periodorum accessiones, & decessiones, verum etiam per alia signa magis propria, quoniam dixit Avicenna primâ quarti, errare eos qui judicant naturam febris per paroxysmos, cuius etiam meminit Galenus, primo aphorismo. sed eae quidem febres per signa, quae humores putrescentes ostendunt, cognoscuntur si putridae sunt, si minus, & si vaporum ac membrorum solidorum inflammationem ostendant, aliæ febres erunt. Dico hoc, quoniam posui *hecticam pestilentiale*m, quae quoniam raro est incipiens, ut testatur Galenus, ideo erit difficile eam in principio cognoscere, sed in processu si prorogabitur, cognoscere ex caliditate magis imprimente per moram manus tangentis pulsum, & per duritiem ipsius & alia signa in febre hecicâ, quae ipsam sequuntur posita, ut est consumptio sive siccitas membrorum, & reliqua, una cum accidentibus febrium pestientialium. Quod autem *febris hecica fieri possit* incipiendo puta in aestate ex nimiâ caliditate, & siccitate aeris, vel ab aliâ quâvis causâ sive extrinsecâ sive intrinsecâ, nemo sane doctus medicus dubitat. Similiter *ephemera ex signis proprijs cognoscitur*, tametsi raro ad manus medici hæc febris veniat, cum sit unius dici febris, ac rarissimè ad tertium prorogetur, & ægri non nisi manifestâ laesione perceptâ medicos confulant

Iant. Hæc tamen dixi ut acumen ingenij legentium magis excitaretur. Sed ad rem revertamur, & est signorum notitia, quæ perniciem non omnino ostendunt, quamvis non sine timore sint, in primis sunt hæc, si febris fuerit proportionalis ætati, complexioni, sexui, temporis, consuetudini & alijs, minus semper erit metuenda, præsertim si non fuerint accidentia fortia dicta superius, nec continuata ; nam in talibus ut plurimum ægroti evadunt. Sed ex parte ægri requiritur, quod virtus fortis sit, & ipse etiam non sit repletus malis humoribus, sitq; animosus, benè sperans, ac ad ea, quæ sibi offeruntur ad comedendum benè se habens, ac libenter accipiat, neq; sit intrinseca conturbatio, sitq; obtemperans medicis, & astantibus, & inter cætera signa salutem ostendentia est, quod ex remedij factis, sive fuerint alterantia, sive evacuantia medicamina, sequatur allevatio in febre, & accidentibus, ita ut in dies apparcat remissio caliditatis febrilis, pulsusq; fortis fiat, & urinæ ac aliæ superfluitates meliores excent, operationes etiam incoluiores habeat æger, ita, ut si dormierit, ab ipso somno instauretur, sed fortitudo pulsus cæteris signis melior est, neq; decipiaris, quoniam dicebat Avicenna, secundâ quarti, quod sunt quidam pulsus mali, diversi absq; ægritudine, quare oportet in judicando hoc scire ; notabis etiam quod & si digestionis apparitio in urinis significet victoriam caloris super materiam facientem febrem & per consequens sit signum salutis, attamen in febre pestilentiali signum fallax est. Postremo quod

te adnotare oportet, est in apparentibus, sive supervenientibus apostematibus, tuberculis, & papulis, quòd si sine labore exierint, citoq; apparuerint, atq; cùm allevatione febris, & accidentium ipsius, fuerintq; boni coloris salutem promittunt, quòd si contra fuerint, scilicet quòd egrediantur cum labore, tardè, & malè colorata, accidentiaq; non remittantur, pernicioſum est signum. Satis hæc sint de signis perniciem & salutem ostendentibus.

---

## C A P. VII.

Oſtendit corpora præparata ad ſuſcipiendo  
dam febrem pestilentialem.

**P**Ræcognitiones maxime necessariæ ac utiles sunt, cùm ſæpe multi præſerventur à febre pestilentiali corpora parata contrarijs qualitatibus muniendo. Cùm ſint igitur corpora quædam ſexu & ætate, ac complexione magis apta, quæ incident in hanc febrem, attamen minimè di- cendum eſt, ut multi dixerunt, corpora ea ſcili- cet magis parata eſſe ad ſuſcipiendum omne ge- nus febrium pestilentialium, quæ calida & hu- mida ſunt, cùm tamen corpora quædam chole- rica & juvenilia aliquando ſint magis parata pu- tā tempore æſtivo, & ardentiflame caliditatis, febri pestiferæ de genere tertianarum, quām cæ- tera

tera alia, quoniam cum cholera sit subtilis, calida scilicet & sicca, est magis inflammationi parata. Verum & corpora sanguinea in praesupposito casu, cholerica consequuntur, attamen magis periclitari solent, ex improportione in humoribus, praeter pestiferam qualitatem, cum lapsus corporis sanguinei sit major quam cholerici in jam dicta febre cholericâ. Et è contra, quare oportet ea semper diligenter perpendere, quae dicta sunt, anni scilicet temperiem & regionem ac consuetudinem, tum \* regimen cibi & potûs, tum exercitationem & alia cum ex ipsis corpora magis & minus parata reddantur. Sed cæteris paribus *corpora latorum meatuum & plena malis humoribus paratoria sunt*, & illa quae *calida & humida sunt* humiditate putrescibili, ac ea, quae indulgent gulæ & otio. Sunt etiam parata corpora illa, quae balncis multis assueta sunt. At *frequentèr coeuntia paratoria existunt*, cum non multum resistant, & humida humiditate facta ex resolutione spirituum. Notabis tamen, quod si corpora strictorum meatuum corripiantur ab istâ febre, putâ, ex comedione rerum malarum saepissime pereunt, cum vaporess putridi pestiferi, ob meatuum angustiam, non possint extra mitti. Et contrà, corpora illa sunt minus parata, quae habent laudabiles humores, nec putredini paratos, sine superfluâ humiditate, sed cum caliditate adjunctâ, quae sint moderata in cibo & potu, exercitatione, somno & vigiliâ, ac se ab amplexu venereo

venereo abstincant, & maximè si habuerint expurgatorios meatus liberos, ita, ut neq; alvi excrementa, urina, aut aliæ superfluitates retineantur. Hæc verò non sunt contraria dictis superius, cùm corpora cholerica superius dicta habent coinquinationem ex humiditatibus, & alijs putredini paratis. Sunt etiam corpora pituitosa seu phlegmatica, & melancholica minus apta ad recipiendum, cùm sint frigida, magisq; resistentia caliditati putredinali. Mulieres etiam non ita paratæ sunt, tametsi humidiores naturâ sint, ac raram habeant carnem ; frigidiores enim viris sunt, quapropter cùm humiditas frigiditati associatur, major est resistentia putredinali caliditati, præsertim si febres fiant à caliditate aeris. Verum in sexu mulierum, illæ paratores sunt, quæ calidiores ac malis humoribus repletæ sunt, hæc verò conditio viris etiam communis est. Senes præterea ex cådem ratione minus parati sunt. Notabis tamen esse quædam corpora rara, tam sanguinea, quàm biliosa suscipientia qualitatem aeris pestiferi sine putredine ab initio, quanquam sint munda à superfluitatibus. Similiter etiam quædam pituitosa, sed minus & raro melançolica cùm sint sicca, sed quoniam tam pituitosa, quàm melançolica ab aere ambiente, utputa ab hypocausto, quod vulgò studbam appellant, hinc enim factâ præparatione possunt infici, cùm ex hujusmodi caliditate meatus latiores fiant, in his verò, scilicet, phlegmaticis & melançolicis febres pestilentiales pro majori parte sunt mortiferæ, cùm sint corpora debilia in omnibus

omnibus fere virtutibus, & præsertim in vitali, attamen cùm pestifera qualitas sit occulta, cā ratione aliquando contrarium videbis, quoniam sæpiissimè corpora, quæ non sunt præparata ex dictis causis a tali febre corripiuntur, quæ pereunt: & hoc, ex cuiusdam resistentiæ debilitate, & ex susceptione qualitatis pestiferæ per meatus ad membra principalia delatæ, ijq; non caliditatis acuitate pereunt, sed qualitatè ipsâ venenosâ & pestiferâ, adde etiam pauperes in sordidis casis, & comedentes ut plurimum mala & multa cibaria sunt præparati ad suscipiendam hanc febrem. Si atrabiliosi & senes, aut mulieres aliquando magis à dictâ febre corripiantur & in majori numero, cùm tamen dicta corpora minus parata sint, hoc ita esse credere oportet, quoniam qualitas pestifera (cùm diversa esse possit) talis est ut magis in unum corpus, quàm in aliud agere posset.





*Nicolai Massæ Veneti*  
Artium & Medicinæ Doctoris;  
Liber de FEBRE PESTILENTIALI.

---

Procœmium secundi tractatus, qui est de præ-  
servatione à febre pestilentiali, in quo  
regulæ plures generales prescribuntur:



U M ex signis superiùs dictis pestilen-  
tialel febrem futuram timemus, re-  
gulæ præservantes eam evitabunt;  
primum cum regimine exiccante ac  
superfluam humiditatem removente perficitur, hu-  
mida corpora exiccando, siccaq; custodiendo, su-  
perfluitates extra ducendo, ac deniq; oppilatio-  
nes aperiendo. Et ad sumnum reddere corpus  
mundum ac benespirabile est ex causis maximè præ-  
servantibus à febre pestilentiali. Quod fit cum  
regimine aeris, cibi & potus, exercitationis &  
F quietis,

quietis, in motu verò & amplexus venerei continentur, inanitionis & repletionis, somni & vigiliæ, ac animi cogitationum, quæ omnia non uno modo administrari possunt, sed secundum rationem diversitatis complexionis, ætatis, sexûs, regionis, anni temporis ac consuetudinis, cum ex Hippocratis sententiâ, hæ mutationes & diversitates reddant corpora magis ac minus humida & plena. Sed in præservatione causas cognoscere oportet quibus obviando præservatio fit. Quare ex quibusdam signis, ut cum febris in vulgaris grassari coeperit, cognosces, à malorum cibariorum comeditione fieri. Quod scimus, quoniam ij solum, qui tales cibos comedunt, ægrotant, cæteri minimè. Vera præservatio est hos cibos evitare, ac cum hujusmodi ægrotis nullo modo conversari, quoniam aerem inficiunt, qui postea homines contingendo inficit. At si febris pestifera populetur ex præsentis aeris infectione cognoscitur ex sententiâ Hippocratis, quoniam omnes tam benè, quam malè comedentes, & juvenes, & senes, & pauperes, & divites, ac ferè omnes sine discrimine ægrotant, aut si sint signa alia ex superiùs dictis ostendentia futuram febrem pestilentialem, ex aeris ambientis corruptione præsente, vel futurâ, corrigatur ipse aer cum contrarijs ipsum exiccando. Regantur etiam corpora, ne in aliquod genus febrium non pestilentialium incident, puta putridarum, aut ephemeraliarum, ex inordinato regimine, tum cibi, tum etiam laboris, ac animi cogitationum, & aliorum, quoniam si fieri potest, ut corpus sanum pestife-

tâ qualitate corripiatur, quanto magis corpus febricitantis ab ipsâ malâ qualitate pestiferâ corripi poterit, cum sit magis paratum: fiat igitur alteratio in corporibus sanis paulatim ad contrarium qualitatis pestiferæ cum exiccatione, moderando secundum diversitatem complexionis & aliorum dictorum, neque sit subitanea, quoniam natura non patitur subitaneas mutationes. Et illis major diligentia adhibenda est, qui vel natu-  
tâ, vel aliâ causâ à febre corripi magis parati sunt, aut illo tempore à febre pestiferâ corripi videntur, verbi gratiâ si invenies ex aeris malitiâ, vel alijs magis à tali febre corripiantur, illos magis regularc oportet. quod si putâ mulieres magis & plurimæ ægrotaverint, illis major diligentia debetur, ea-  
dem ratione in alijs procedere oportet. Etenim ut superius dixi qualitas pestifera magis uni, quam alteri complexioni, ætati, sexui & alijs contrariatur, sicq; corpora quædam paratiora sunt alijs, ex dispositione propriâ & ex agentis causæ virtute. Sed inter cætera præservantia lau-  
datur moderata exercitatio, quoniam exiccat corpus ab omnibus superfluitatibus. Et etiam di-  
missio frequentis multitudinis & maximè plebis est de illis, quæ maximè præservant, quoniam pauperes & idiotæ malè se in omnibus regunt,  
& ideo sunt corpora putridis humoribus plena, aut putredini parata, quorum domus sunt semper immundæ & sordidæ una cum indumentis eorum. Fugienda præterea est commissio seu conventio

F 2

cum

cum infectis, & non tantum ab hominibus infectis aufugere oportet, verum etiam à locis & domibus ipsorum, utputa à vico & civitate, procul ire tutissima res est, & ab alijs locis. Sed quoniam timor reddit corpus paratum, similiter & alij animi affectus mali, ideo præservat inter cætera intrepide agere, ac *solicitudines* omnes dimittere & reliquas animi passiones effugere, ut est tristitia, ira, & aliæ.

---

## C A P. I.

De præservatione civitatis à febre pestilentiali per præparationem aeris & aliarum rerum.

**C**onsuevere ferè omnes civitates politicæ, timentes futuram pestem ab alijs infectis locis, vel præcedentem (si jam populari febris pestilentialis coepit,) ex senioribus & prudentioribus civibus, tribus aut pluribus curam totius negotij mandare, dantes eis auctoritates amplissimas in bonis publicis, & privatis, in personis etiam, ut ex hoc universale bonum procurent. Qui in primis prudentissimi esse debent, ac misericordes, Ministros etiam habentes prudentes & misericordes, qui sint bonæ fidei & habentes semper ante oculos mentis Dcum. Hos præfidentes, Veneti dominos salutis, seu provisores sanitatis

tatis vocant. Quare cum aliqua oritur suspicio de futurâ infectione, vel etiam de præsenti vel quoniam aliqua civitas vicina, aut longinqua, cum qua negociantur homines unius & alterius civitatis infecta est, hi provisores, si non sunt creati, subrogentur, quibus ut dixi negotium totum injungatur. Et quoniam dictum est supra duplarem esse processum, scilicet præservativum & curativum, & præservativus nobilior erat curativo & etiam facilior, quoniam cum minori detimento & solicitudine opitulamur, præservando ab ægritudine, quam ægritudinem curando. Igitur domini provisores isti, si morbus pestifer in aliquâ vicinâ, aut longinquâ civitate fuerit, qui cognoscitur cognitione conjecturali ex multitudine ægrotantium ac cito morientium cum eisdem accidentibus sine ullo discrimine, ita ut & juvenes, & senes, mulieres, & viri, & pauperes, & divites etiam ægrotent, tunc per literas, aut ministros, sive nuncios inquirant modum ægritudinis, atq; sciant accidentia & omnia diligenter perscrutentur, ac loca omnia infecta sci-ant. Deinde ipsa loca & civitates infectas toti populo manifestent, jussuq; publico imperent venientibus è locis infectis in hisq; degentibus, ne in suam civitatem, & in loca ei vicina accedere audeant, poenas à legibus institutas injungentes sine exceptione personarum. Et quoniam quandoque peregrini, seu viatores nesciunt præcepta privatæ civitatis, cù de causâ ministri sint ad fores

F 3

civitatis,

\* V. Mead. p. 38, 39.

† Lev. C. 13, 14.

civitatis, ac extra civitatem ad vias publicas con-fines constituti, qui viatores jure jurando inter-rogent an à loco infecto veniant, vel sint infecti, & procul abire moneant. Non tamen in eos sœviendo, sed diligentia charitateq; & modestia imperent ut omnino procul secedant, sunt enim homines & fratres in Christo, si Christiani sint. Quare interrogentur quid velint, an egeant pane, aut potu, vel aliis pro refectione necessariis, porriganturq; ipsis necessaria. Neque timeant accipere pecunias, & nummos sive argentei fuerint, sive aurei, metalla enim non inficiuntur, quod si timent, faciant ipsas deponere in fistulam acetii, & nihil amplius erit timoris. Sic licet facere misericordiam cum fratribus alijs, quoniam & nos similiter accipere ab aliis misericordiam, si opus esset, desideramus, præsertim in re necessariâ vitæ, ut est cibus & potus, ea propter huic negotio deputentur viri boni, viatoribus, & peregrinis inservientes, & illis quibus denegatur ingredi civitatem, fideliter necessaria ementes. Empta omnino deponendo in loco procul ab viis publicis, neq; eos prope alloqui, sed dimittere ut ipsi accipient res ubi depositæ fuere. Quod si fuerit civitas sicut est nobilissima urbs Veneta, sint cymbæ ad hujusmodi negotium diversis in locis, per quas à continenti ad ipsam urbem homines proficiscuntur, sintq; ministri probi, fideles, ac diligentes, qui jurejurando interrogent, & inquirant, à quibus locis proficiscantur, et mox ipsos admoneant. Quod si à locis infectis, aut suspectis venerint, non admittant eos, sed reverti ju-

beant

beant. Qui si è mari naviis venerint, minimè  
e navi descendere concedatur, sed in sua navi  
quadraginta dies aut plus, minusve, secundum  
majorem vel minorem suspicionem infectionis  
maneant. Vel dentur illis domus aliquæ à ci-  
vitate distantes, in quibus per jam dictos quadra-  
ginta dies commoorentur. At quoniam contin-  
git sape ut non modo ad hanc urbem omnium  
nobilissimam, verum etiam ad quam plurimas  
alias, quæ mari proximæ sunt, onerariæ naves o-  
nustæ diversis mercibus, & malâ contagione ae-  
ris pestiferi infectæ, veniant, ideo in adventu  
cujuscunque navis percunctorandum erit à præfecto  
navis, & nautis, mercatoribusq; qui cum ipsâ  
navigarunt, unde veniat, & quo morbo labora-  
bant populi earum civitatum, à quibus huc pro-  
ficiuntur, & quibus etiam accidentibus dicti mor-  
bi associabantur, & an scilicet omnibus evenie-  
bat sine discrimine sexûs, aut ætatis scilicet se-  
neutis, & juventutis; similiter an divitibus, &  
pauperibus, ita scilicet ut major pars eorum pe-  
riret; & quæ accidentia concomitantur eos,  
qui ex morbo periclitabantur. Etenim si navis è  
loco veniat in quo multitudo hominum sine  
discrimine ægrotabat, peribatq; procul omni dubio  
illæ Civitates peste infectæ erant, & homines mor-  
bis pestilentialibus moriebantur. Quare omnes  
(ut dictum est) interdicantur: ne forte si cum  
sanis negocientur, vel alio quovis modo conve-  
niant, eos inficiant, maneant igitur in suâ navi,  
vel in domibus dictis & usque ad statutum  
tempus commoorentur. Præterea navis exonere-

tur, & merces ad locum aliquem amplum, liberum, & non conclusum adferantur, ac ibi aeris ventis solique per plures dies exponantur, & ea quæ lavari possunt, laventur: quæ vero non lavantur, alio genere expurgationis expurgentur, verbi gratiâ suffumigatione ex odoratis rebus in capite de aeris correctione dictis, vel frictione, aut abstersione, abrasione, unctione, & ejusmodi generibus mundationum, quæ tergere, & exiccare superficiem rerum infectarum possint. Sed cum non omnes mercaturæ malitiâ aeris prætridi inficiantur, omnes eas, quæ possunt, & quæ non possunt hanc malitiam suscipere, subscribam generali quadam enarratione, ne fastidio legentibus sim, incipiam autem ab illis, quæ facillimè inficiuntur, infectaque diu retinent, & alias res hominæsque inficere possunt, si ab eis tractentur, & sunt lanæ, sive vellera omnia, cotonum, linum, cannabis, sericum, fila, & omnia ex eis ducta, vel quæ ex eis fiunt, aut texuntur, ut panni lanei, bombacinei, linei & serici, tapetaque, & pelles, plumæ, & pennæ, & ejus generis res una cum suis tegumentis, saccis, et funibus. Quæ vero nullo modo ab aere pestilentiali inficiuntur, sunt in primis metalla omnia, & ex eis facta, ut sunt vasæ & instrumenta diversa ex ære, ferro, plumbo, stanno, argento, & auro: & ideo nummi sive denarii tam aurei, quam argentei, aut ærei, nullam pestiferam qualitatem suscipere apti nati sunt instrumenta etiam & arma ferrea minimè inficiuntur, quare tutò accipi possunt, quod si quis timuerit, in aceto ea omnia deponat, vel lavet cum

cum aceto, & amota erit omnis infectionis suspicio. Similiter & *gemmae* & *lapides* omnes preciosi, & *marmorei* minime inficiuntur: *Frumenta* etiam omnia, ut est *triticum, far, hordeum, zæa*, et similia, & eorum farinæ non inficiuntur, legumina etiam ut fabæ, ciceres, lentes, cicerculae, fasioli, pisa & similia pestilentialem infectionem non suscipiunt. *Sacci* tamen, vel eorum tegmenta, & funes inficiuntur, quare evacuare oportet frumenta, & legumina, deinde facci, & funes, & alia tegmenta laventur, & purificantur. Præterea fructus non inficiuntur, vina etiam, & aromata. Prædictæ vero cymbæ, ac ministri quotidie ad visendum nautas & mercatores accedant, sciscitenturq; & videant num quid aliquis æger fuerit, sit, vel rursum ægrotet. Et quoniam dictum est supra, aerem putrescentem acquire qualitatem pestiferam, quæ postea potest etiam ad longinquam partem deferrri & alia loca inficere, ideo cum in locis vicinis jam apparet aeris mala qualitas pestifera, quæ cognoscitur, quia ut dictum est, multitudo hominum corripitur febre perniciosa, ab eaque statim populatur, ne hujuscemodi qualitas communiuncetur suæ civitati, Provisores & Domini salutis prædicti procurent præparare aerem, ne suscipiat pestiferam qualitatem exicando civitatis locorumq; finitimorum aerem. Quod fit *cum igne* per omnes civitatis angulos, vias & partes. \* Qui sit ex lignis optimis ac odoriferis, ut est juniperus, cupressus, laurus, pinus, abies

---

\* V. Dr. Mead contra ignes et Hodges.

abies, larex, & cætera ligna habentia resinum, &  
 bene redolentia, eaque ardeant die noctuque, malæ  
 & quanto majores frequentioresque fuerint, tanto  
 magis reddent aerem depuratum & resistentem  
 malæ qualitati pestiferæ. Hoe idem in privatis  
 domibus faciendum est jussu dominorum cum  
 lignis odoriferis, ut supra dictum fuit, quæ si non  
 sunt odorifera, ponatur saltem aliquid in igne  
 bene redolens, ut est ladanum, storax, thymiana,  
 belzui, & similia. Prohibeantur comburi ligna  
 foetida non solum publicè sed privatim, ut sunt  
 ficus, buxi, nuces, & similia, ac cætera, quæ dum  
 comburuntur male olent. Etenim ignis malum  
 aerem corruptum rectificat, & bonum præser-  
 vat à corruptione. Et ut ex omni parte tol-  
 antur causæ præparantes ad suscipiendum ma-  
 lam qualitatem pestiferam in aere, Civitas ab om-  
 ni sorditie & immundicie purgetur. Sicque  
 latrinas, *cloacas, & sterquilinia* omnia mundentur  
 & non solum in civitate, sed etiam in locis vi-  
 cinis extra civitatem, prohibeantur etiam molliti-  
 ones lini, sive cannabis, & aliarum rerum aquæ cor-  
 rumpentium, & a quibus elevantur vapores aerem  
 inficientes, neque permittant aquas inundantes  
 claudi ita, ut non possint currere, & ibi quiescen-  
 tes remaneant, quia putrescunt, et aerem inficiunt.  
 Prohibeant etiam dicti provisores venundari res  
 comestibiles, malas, foetidas, ut sunt carnes ani-  
 malium habentium ægritudinem aliquam, quem-  
 admodum ovium, & pisces degentes in paludi-  
 bus. Prohibeant etiam vendi triticum malum  
 antiquum, & foetidum, aliaque hujus generis multa,  
 præcipue id quod permistum habet infelix lolium

Similiter

Similiter & olera mala & foetida prohibeantur, quoniam cibi mali & putredini parati preparant corpora ad suscipiendam pestiferam qualitatem. Quae vero dicta sunt de rebus comedibilibus intelligentur etiam de illis quae bibuntur. Cavere etiam oportet eam de causa ne malas aquas aut bibamus, aut in eis res comedibiles coquamus, & a quavis alia commixtione. Vina etiam mala & corrupta vendi prohibeantur. Quae ominia per ministros observari current. Et quia dictum est saepe ex aeratione alicujus putei diu occlusi, vel alterius fovearum, excitari pestilentiam, ideo si forte a tali febris pestilentialis initium habuerit, procurent quam citissime dictos puteos vel foveas iterum recludi. Similiter si febris haec ex corruptione insepultorum corporum, vel quomodo cumque putrescentium fuerit, jubeant corpora illa sepeliri aut comburi, eodem modo faciendum de rebus putridis est, eas comburando. Aquae vero si malae sunt foetidae, & quietae, omni ingenio aliò in locum longinquum deducantur. Quod si hoc minime fieri potest, quoniam ibi sunt fossae aut quedam palus, impletantur terrâ. Et ad summum omnes causae, quae possunt excitare pestiferam qualitatem, corrigendae sunt, vel ex toto amovendae, si fieri potest: prohibendo ne quid putridum in civitatem projiciatur per cloacas. Mundentur latrinæ. Et unaquaque interdicatur ex putridis artibus, ut est ars coriaria, & quae zinaprium sive minium conficit, vel sublimatum, & quae ex sulfure vel arsenico & aliis foetidis aliquid parat. Abjiciantur etiam a civitate porci, vaccæ, anseres & alia animalia putridum aerem reddentia, neque solum

a civitate sed a locis convicinis, sive aer custodiri potest a futurâ contagione. Quod si febris in civitate populari jam cœperit, his superius præmissis & observatis, Provisores dicti procurent habere duo hospitalia sive loca distincta ita ut contagium unius hospitalis minimè ad aliud traduci possit, quæ hospitalia si non sunt, procurent ut ex bonis publicis fabricentur ad commune omnium beneficium & præsertim pauperum. Loca vero in quibus dicta hospitalia fabricari debent, sint loca si fieri potest, boni aeris, non paludosa, neque aquis malis aut mortuis propinqua, neque exposita vaporibus malis, ab aliis vicinis locis excitatis, sintque munda ab omni genere immundiarum, æstate saepè in die *aceto permixto aquæ dulci aspersa*, hyeme accendantur ignes hinc inde, & frequentes ex lignis bonis, ut sunt juniperi, cupressus, laurus, & alia ligna superius dicta. Sint munita necessariis tam pro victu quam pro ægritudinibus curandis, & habeant ministros probos, animosos, misericordesque ac in omnibus necessariis libenter ægris servientes. In quibus etiam hospitalibus, sint medici rationales physici dicti, & chirurgici, ut dicunt moderni, distinguentes medicos & chirurgicos sine necessitate, & male, quoniam medici munus est conservare sanitatem, & removere ægritudinem, sive hoc perficiat instrumento, sive potionibus, sive regimine rerum necessiarum, & aliorum. Neque medicus dici potest qui omnia ista ignorat aut partem, Sed decipiuntur sic dividentes, non medicina divisa est

sed

sed instrumenta medicinæ, ut doctè dixit Avicenna, fen quartâ primi dicens, res medicationis compleri aliquo trium rerum, scilicet regimine aut medicaminibus, vel manus artificio. Sed si tibi hoc clarius dici velis habeant ministros, qui nostro tempore sunt barbitonsores et aromatarii, vel alios, qui manibus operentur, si medici ipsi ita inexperti sint, ut etiam manuum ignorent operationem, ut contingit tempore nostro, in quo paucissimi sunt, qui noverint operari manibus, & ægritudinibus exterioribus opitulari. Sed de hoc satis. Medici igitur ad hæc docti & experti sint & habeant ministros, qui summā cum diligentia & haritate omnia exequantur. Et quoniam hæc febris ut plurimum interficit, sunt etiam in dictis hospitalibus clerici presbyteri probi & misericordes, qui animæ necessaria perficiant, in eaque hospitalia pauperes alii infecti mittantur. Quod si ex una domo plures sint mittendi, quorum aliqui sint ægri, aliqui vero minimè, cum superius dixerim duo hospitalia vel loca separata oportere præparata esse, ideo ad unum hospitalium mittantur ægri, & ad alterum qui fani sunt, & tamen cum infectis congressi, quoniam suspicio est ne sint infecti, sicque alterum hospitalium sit pro ægris paratum, alterum pro sanis, quos esse infectos suspicantur, mutuas præterea habeant mutationes, ita ut ægri postquam convaluerint ad sanorum hospitale mittantur, similiter si aliquis ex sanorum hospitali ægrotaverit ad infirmorum mittatur hospitale, ijq; omnes tam ægri, quam fani regimine

regimine à medico rationali ( ut in sequentibus dicam) imposito regantur, & hoc donec ægri sanitati restituantur, & sanis contagionis suspicio tollatur. Quod fit ut plurimum quadraginta diērum spacio, & est tempus, ad quod ægritudines diuturnæ veniunt, quamvis antea acutæ. Et ut tota tollatur suspicio de nova infectione per pannorum contactum, Domini provisores procurant per ministros, ut res omnes dictorum infectorum, ut sunt panni linei & alia supellestilia domuum infectarum & domus ipsæ mundentur diligenter, ita ut lectuli, & coopertoria linteamina & alia omnia tam vestimenta, \* quam domus ornamenta lavatione, aliisq; purgationibus munda ac nitida reddantur. Sed præter ea, quæ dicta sunt, aerem rectificare operæ precium est, secundum diversa accidentia cognita, tum ratione anni, temporis, tum febrium majoris & minoris acuitatis, verbi gratiâ, si æstas erit, si febres continuæ, cauſonides dictæ, hominum multitudinem corripiant, vel sint continuæ proportionales ex cholerâ, vel cum admistione sanguinis. Aspergatur locus aquâ aceto mistâ, in quâ ebullierint rosæ, violæ, nenufari, Latini nymphæam vocant, & aliæ herbæ frigidæ bene redolentes. Quod si febres ex crassioris materiae putredine esse patebit, ut ex admistione multæ pituitæ, vel alterius humoris frigidi, cum jam dictis rosis bulliant etiam mentam, ocytum, rosmarinum, aliasq; hujusmodi herbas bene redolentes, & calidas, ut ex istis

istis in hominem inspiratus aer recreet spiritus,  
 & resistat qualitati venenosæ ac caliditati. Ego  
 vero plures decoctiones scribam, ubi de regimine  
 particularis domūs loquar, quæ etiam hospitali-  
 bus accommodari poterunt. Et ut summatim  
 dicam, ex omni parte omnia sint nitida, tam  
 linteamina, quam reliqua, ut pauperibus quoad  
 fieri potest in tam sœva ægritudine diligenter in-  
 serviatur. Prohibeantur in dictis hospitalibus  
 comediones malarum rerum, ut sunt olera &  
 fructus mali, ac aliæ res generantes & multipli-  
 cantes putridos humores, ut est lac. Itidem  
 potus mali prohiberi debent, quod si aquæ, non  
 sint sine suspicione, vel ratione loci, in quo mo-  
 rantur, vel quomodo cuncti, coquantur cum re-  
 bus exiccantibus & alijs corrigentibus eorum ma-  
 litiam, ut de omnibus dicam abunde, ubi de re-  
 gimine ægrotantium scribam. Sintque illi qui in-  
 terdicti sunt, parci, & abstinentes, neque re-  
 pleantur, quoniam (ut dixit Galenus) *abstinentia*  
*cibi totum corpus æqualiter purgat & exiccat.*  
 Et cum exiccatio ex omnium sententiâ a febre  
 pestiferâ primo præservet, ideo si quis præservari  
 a peste desiderat, caveat à multitudine ciborum  
 & præsertim humidorum.



## C A P. II.

Docet præservare Domus per aeris regulationem & alia quædam pulcherrima.

**D**omus vero regatur, si suspicio sit ne inficiatur. Primum alterando aerem prout expedire videbitur per ea, quæ ex signis populantis ægritudinis apparent, quod fit primo ipsam domum mundificando a quocunq; genere forditiei, ita, ut nullus malus odor, aut mala evaporatio, in ipsâ, vel circum ipsam sit, ut sunt latrinarum, aut cloacarum evaporationes, & non solum à totâ domo removendæ sunt foetidæ exhalationes, verum etiam a quocunque particulari loco & cubili, quare qui consueverunt habere in cubiculo vasa, in quibus excrementsa ventris deponuntur, ea minimè continuè in thalamo teneant, quoniam thalamum implet malo odore, qui in aere receptus causa efficitur præparans ad deteriorem alterationem, similiter & omnes aliæ res putridæ, expedit, ut abjiciantur, & suavibus ac redolentibus statim camera repleatur. Et quoniam etiam aer clarus & diu in aliquo loco detentus malus est, ideo ad ejus expirationem aliquando aperiantur fenestræ. Et tamen animadvertisendum est, ne forte, si suspicemur malum aerem deferri a ventis, vel aliter, ex aliquo loco infecto, fenestras respicientes hujusmodi locum ullo modo aperiamus, sin autem nihil  
erit

erit hujusmodi quod timeamus æqualiter aerem temperare conveniet. Sed cum venti septentrionales & boreales sicciores sint, salubriores quoque esse credimus, nisi per loca paludosa & humida ad nos transeant; sic enim aliquando noxij sunt, sed hâc in re non potest dari certa regula, nisi rationalis intellectus sit præsens, & de admistis vaporibus à ventis delatis judicet secundum rectum judicium. Enim verò aer mutatur à multis, ità ut recipiat diversas alterationes: quare pro ut exiget diversitas alterationis, corrigi debet. Alterationes præterea sæpè occultæ sunt per ea, quæ exteriùs de causis haberi possunt; attamen quia effectus causam demonstrat, eâ ratione posteris causam investigare. Et ideo si accidentia febrem consequentia fuerint ex illis quæ nimiam caliditatem ostendunt, aerem procul dubio infrigerantibus alterare convenit. Quod si frigiditatem demonstrent, quod raro fit, necesse erit illum calefacere, similitè si humiditatem monstrent, ipsum omni ingenio exicare necessarium est, moderatè tamen, eodem modo si aer nimiâ siccitate noctius efficiatur, moderatè humectari debet, atque non ita modum excedat, ut cum putredini paratum reddat, sed acumen corrigit à nimiâ siccitate proveniens, quoniā semper nimia humiditas mala est cùm sit putredinis mater. Et eâ de re in omnibus medio quodammodo procedatur, sed humiditatem exicare optimum semper est, quoniam in ejus intensione fit etiam malitatis pestiferæ augmentum. Locus vero sive mansio salubris est, quæ alta, ac ventis patula est,

præsertim si infectio aeris cum vaporibus à terræ visceribus fuerit. Sed quoniam non semper ex hujusmodi exteriori alteratione aer domi rectificari potest, cùm jām totus ambiens aer exteriùs sit corruptus, ideo domus atq; cubicula præparentur ut dixi ex sententiâ tum Hippocratis, tum etiam Galeni, cum igne, qui semper aerem pestiferum à quâcunque causâ alteratum corrigit; sed non eodem modo, quoniām corrigit acquifitam putredinem, quæ non sine humiditate fit, & ideo etiam in æstate mane exiguus \* ignis ex lignis odoriferis dictis domi & in cubiculo accendatur, quod vero dictum est de æstate, idem & de ultimâ parte veris & principio autumni etiām, si calidus aer fuerit, intelligendum est; in hyeme verò majores & frequentiores ignes accendantur, non solum mane sed etiam per totam diem atq; noctem: ligna tamèn, quæ comburuntur sint odorifera, sì minùs, projiciatur quidpiam benè redolens in ignem, ut si sint divites, portionem ligni aloes, sandali, & hujusmodi, si sint vero pauperes urant rosmarinum, laurum, cedrum. Prætercà domus ac cubilia aspergantur

---

\* V. Mead. p. 47. contra differentem.

Ignes, ex lignis odoriferis, Hippocrate docente, antiqui & Moderni in Uſu habuēre Medici. Non fanè miror à vi Carbonum suffocatoria effusâ, descendente pluvia, quatuor hominum millia vel ultrà, unâ cecidisse nocte. Si enim Aëstus humiditati conjunctus pestem afferat, cur non ex ignibus intempestivè factis, excandescat malum: pro unâ Calamitate solum, in ignes accensos exclamare nolo.

Hoc ipsum in leprâ curandâ, jubente Deo, faciendum præcepit, Moses, ut enim contagioni omnis præcluderetur nocendi facultas ligna cedrina & Hylosum comburi jussit. V. Levit. cap. 14. v. 4.

tur in æstate aquâ aceto admistâ sæpè in die, etenim corrigit malum aerem, & bonum à putredine præservat, quibus si pars aquæ rosaceæ accesserit, optimum erit. Et hoc fiat secundum temporis qualitates, nam in hyeme posset quis præter acetum & aquam, malvatici vini ac odoriferi portionem addere, ac domum aspergere, atque ità juxta temporum & aeris mutationem, mutare alterantia. Scilicet addendo ac bulliendo diversa, ut sunt cortices fructûs citri & arboris frondes, vel medici pomi cortices, quod arantiam vocant, aut limonis, ut sunt etiam herbæ & flores bene redolentes, ut rosæ, violæ, myrtus, ocymum & similia, pro ut exiget tempus, ac pro uniuscujusque facultate. Et ut omnia præstò tibi sint, ità ut nihil amplius desideres, describam diversa aerem rectificantia. Primumque sit descriptio decoctionis temperatae rectificantis aereum, & exiccantis exiccatione temperata, juvantis ferè in quâcunque dispositione aeris ac anni tempore, & est odorifera, divitibus, & pauperibus accommodata, quoniam ea quæ ad hanc missionem pertinent, unicuiq; sunt obvia, quæ etiam in hortulis reperiuntur, & est ista: Recipe florum rosarum manipulos. iiiij. violarum, nenufaris (nymphaeam vocant) foliorum myrti, lauri, ocyymi, rosmarini, baccarum lauri, juniperi, corticum citrij, limonum, arantiarum ana manipulum. i. pomorum apianorum, odoriferorum frustatim incisorum numero. x. bulliant omnia in aquâ fontis, sive putei cum aceti portiunculâ, atq; decoctione domus aspergatur, quoniam ae-

rem malum rectificat, & præservat bonum à malâ infectione, estq; odoris gratissimi, idquæ sœpè in die fiat, nam dominus optimo odore replebitur. Esto tamèn memor, quòd aspertio facta cum aceto aquâ commisto, ac etiam rosaceâ, mirum in modum aerem corrigit quocunque tempore; attamèn si in hyeme portionem vini odoriferi addes, cum aliquâ de causâ id faciendum cognoveris melius erit; sed quoniam diversa auxilia sœpè prosunt, ideo poteris & istâ decoctione, quæ facilis est, uti. Recipe rosarum rubrarum libram i. foliorum myrti & seminum ipsius ana libram, scilicet sandalorum omnium ana ȝi. bulliant in sufficienti quantitate aquæ, in quâ sit acetum in sextæ partis portione, ijsq; domum & cubile asperge. Alia odorifera decoctionis magis exiccativa cum quâdam caliditate temperata tamèn. Recipe rosarum violarum, nenufaris, ana manipulos. ii. seminum coriandri, anisi, ana manipulum i. cinamomi, macis ana ȝij. grana paradisi ȝij. bulliant omnia in aquâ fontanâ, cum quâ ut dictum est, domus aspergatur, quoniam aerem rectificat. Potes etiam paucioribus simplicibus decoctionem hanc facere hoc modo. Recipe rosarum, granorum myrti, juniperi, ana. partes æquales, bulliant in aquâ rosaceâ, & utere ipsâ decoctione. Sunt & aliae decoctiones quibus divites in suis luxurijs utuntur, quas, ut omnia rectificantia aerem habeas etiàm si principibus his opus fuerit scribam. Recipe rosarum rubrarum ȝij. sandalorum rub. ȝj. macis, gariofilorum cinamomi ana ȝv. corticum citri ȝis. poma apiana

na in frustra incisa & odorifera numero. v. bulliant omnia in sufficienti quantitate aquæ rosaceæ, & florum citri, aut arantiarum, cum quâ decoctione cubile aspergatur, lavet etiâ faciem & manus, vel ponatur in olla ad ignem parvum, & permitte ut leviter evaporet, ita ut vapores elevati repleant cubile odore optimo & fraganti, coq; membra principalia scilicet cor & cerebrum recreabit. Nota tamèn hujusmodi suffumigationem per levem evaporationem posse fieri ad ignem etiâ cum alijs superiùs dictis decoctionibus. Quòd si aer calidissimus fuerit, ita ut præter intentionem malignitatis pestiferæ velis extinguere aeris caliditatem, hoc modo facies, si sæpe domum & thalamum insperges, ex admistione aquæ rosaceæ & violaceæ unâ cum portiunculâ acetati optimi, poteris etiam hâc supradictâ mixturâ manus & faciem irrorare ac odorari. Et pro pauperibus; Accipe rosarum manipulos. iiii j. violarum manipulos. ij. nenufaris manipulum. i. pomæ apiana, limones vel citria, & arantias in frustra incisas ana. numero. iiii. seminum coriandri. 3 iij. bulliant in aquâ fontanâ & pauco aceto, eâq; decoctione aspergatur domus, vel positâ ad ignem lentum fiat evaporatio ut supradictum est. Cave tamèn nç nimium calefacias aerem, cum aer calidus magis præparet corpora ad febres, nam febris calor est. Nam ratione febris resistit infridatio, sed malignitati pestiferæ contrarium & exiccatio, & cordis recreatio, & aliorum membrorum principalium, cum rebus temperatis benè redolentibus acrem alterando, præsertim cum

Contrarijs accommodatis qualitati pestiferæ. Ad-dam & alia aerem rectificantia diversa à supradictis in formâ sed eadem in qualitatibus, quæ laudavere antiqui medici. Et primum, Accipe trociscos galliæ a divo Mesue descriptos distinctione octavâ in suo antidotario, quos pone super prunæ ignitas & maxime tempore hyemis, sunt enim pretiosi, ac pro divitibus, reficiunt cor, & cerebrum, sunt etiam optimi & ejusdem intentionis trocisci muscati Mesuæ in suo antidotario loco allegato. Quod si tamen illorum, quam istorum, caliditatem timueris, dissolve ipsos in aquis odoriferis frigidis, ut est aqua rosacea, aut violarum, & nenufaris, quod nymphæam vocant, poneq; in ollâ ad ignem lentum, non ut bulliat, sed ut à caliditate vapores excitentur, sicq; aerem domi odoriferum, ac temperatum reddat, quam evaporationem potes etiam cum supradictis trociscis facere, eos in jâm dictis aquis, aut alijs dissolvendo, & supra ignem permittere ut evaporent, regulando pro ut tempus & aliarum rerum expetet ratio, ut putâ quando majorem refrigerationem fieri velis minus ex trociscis et copiosiorem aquarum quantitatem pones. Potest etiam aer rectificari cum trociscis galliæ fabellinæ ab eodem Mesuâ descriptis, & sunt minus calidi, ad idem faciunt trocisci de ciperis Mesuæ qui sua siccitate ac odore gratissimo aerem pestilentiale mirifice corrigunt. Sunt etiam trocisci de ligno aloes ab eodem Mesuâ descripti qui

qui mirum in modum cordi suo odore opitulantur, isti omnes super ardentes carbones ponere poteris vel in ollâ cùm aquis jam dictis ut evaporando aerem corrigant. Quod si suffitum minùs calidum desideras, utere trociscis diarodon in antidotario Nicolai descriptis, etenim multa quæ compositionem ingrediuntur frigida & sicca sunt.

---

### C A P. III.

De regimine cibi, & potûs, præservante a febre pestilentiali.

**S**Obrieta s, ac c & potus abstinentia, præ omnibus prodest, & à febre pestiferâ præservat. Cibi qui comeduntur, sint facilis digestio-  
nis, bonumque succum generantes, & minimè putrescibiles, ità ut sanguinem bonum generent, serveturque consuetudinis modus, quantitatis, & temporis, ut si fieri possit non omnino muten-  
tur, scilicet in modo coctionis & aliarum præpa-  
rationum. Ii vero cibi nullo modo abundant hu-  
miditate, aut superfluâ, aut putrescibili, sed sub-  
stantiâ declinante ad aliquam temperatam sic-  
citatem, quoniā nutrimur humido, quæ cibi  
qualitates, si ex propriâ naturâ tales non ex toto  
fuerint, rebus cibi alterantibus commisceantur,  
ut putâ cum aceto & alijs ut postmodum dicâm.

Prætcreâ

Præterea conveniunt cibi temperatae caliditatis, frigidi vero minus, quarè omnes sint temperati, magis ad siccum, quam ad frigidum declinantes. Et hoc dictum sit in præservatione, quoniam secus in febre dicendum esset, cum frigiditas ex adverso repugnet caliditati febrili, & siccitas malignitati putredinis aeris pestiferi, qui non sine humiditate alteratur & in corpus nostrum agit. Sit itaque panis in primis ex optimo tritico, nec vetustate, aut aliâ causâ corrupto, aut corruptioni præparato, mundato à quâ cunque re malâ, ut est lolium, aliaque id genus frumento adnascentia, sitque à furfure mediocriter purgatus, & hoc quoniam, si cum ipsâ farinâ minuti furfures remanent, reddunt panem sicciorum, ac descensui faciliorem etenim, furfur virtutem stimulat expulsivam sua absterfione: farina præterea omni malo carcat odore, & sapore, qui possunt contrahi, aut ex loco, ubi locata fuerit, aut ex tempore & vetustate. Sit panis etiam bene fermentatus, ac in clibano optimè coctus, & post coctionem per diem & noctem quiescat, etenim panis noviter coctus calcifacit, inflat, ac ad caput vaporat, neq; sit nimis exiccatus: quoniam minus nutrit ac difficulter digeritur, sic etiam mediocriter salitus, & in hoc diligentè studendum est, Carnes etiam sunt bona, quæ etsi omnes calidæ & humidæ sint, attamen quia inter se comparatiæ quædam sunt sicciores ideò ex juvenilibus quæ sunt temperatae siccitatis elegantur, ut sunt inter quadrupedes hœdineæ quæ ad siccitatem declinant. Sunt etiam bona carnes vituli, & castrati bovis non pinguis.

Neq;

Neq; iistarum carnium humi ditas quandò mode  
 ratè comeduntur, nocet, quod si times, potes  
 corrigere ipsam aliquâ ratione, putà assatione vel  
 falsamento facto, verbi gratiâ ex herbâ acerosâ,  
 quam lapathium etiàm dicunt, adde tamèn &  
 parum aceti, sive succi citri, vell limonis, aut aran-  
 tiarum, cum portione aquæ rosaceæ, & cinamo-  
 mi. Et illæ meliores sunt carnes, quæ pascuis  
 melioribus vescuntur. Cæteræ carnes ut sunt  
 bubulæ, agninæ, suillæ; ac sylvestrium anima-  
 lium, ut sunt cervi, lepores, & hujus generis,  
 præsertim si sunt annosæ, non sunt laudatæ, quo-  
 niam sunt pauci nutrimenti, difficilisque digesti-  
 onis, si tamen ex ipsis in cibum sumantur, minor  
 sit quanitas earum. Meliores vero carnes, ac  
 laudabiliores omnium, quæ hoc tempore come-  
 duntur, sunt carnes volatilium, ut sunt pro divi-  
 tibus phasiani juvenes, perdices, coturnices, tur-  
 tures, turdi, merulæ, & aliæ aves nemorales, quæ  
 venatione, aut aliquo alio capiuntur inge-  
 nio, quoniam optimum generant nutrimentum,  
 & sunt concoctionis facilis, præsertim aves, quæ  
 volant ut viatum acquirant. Et istâ ratione lau-  
 dantur carnes palumbium sylvestrium. Prætereà  
 optimi sunt pulli gallinacei, capi juvenes, galli-  
 næ etiam juvenes, & quæ currunt hoc cursu sci-  
 licet illæ, quæ sunt facilis concoctionis, bonum  
 generantes sanguinem, ac ad quampiam siccita-  
 tem declinantes, sintq; coctæ cum aliquibus alte-  
 rantibus, secundum temporis & aliorum neceſſi-  
 tatem, ut putà tempore Æstatis, si elixentur, bul-  
 liant simul grana uvæ acerbæ, vel folia vel semina  
 herbae

herbæ acetosæ, & similia. Quod si assentur, aspergantur aquâ rosaceâ, & succo uvæ acerbæ, aut limonum, aut medici pomi (quod arantiam vocant) aut citri, aut granatorum & similiū, cum modico faccari, & cinamomi. Non tamèn tempore æstatis aromata calidiora ponenda sunt, ut est zinziber, piper, & similia, quoniā suâ caliditate humores accendunt, quarè temperatis benè redolentibus uti debemus. Notabis tamèn carnes elixatione coctas faciliores esse ad stomachi digestionem, quām aslatæ sint, hæc tamèn siccus generant nutrimentum, gustuique delactabili- ores sunt, quarè, secundum stomachi fortitudinem & tempus anni, & alia diversimodæ præpa- rentur. Cæteræ verò aves ut sunt anseres, ana- tes, grues, cygni, mergi, & aliæ in paludibus ac aquis degentes, isto tempore neq; recentes, neque salitæ sunt comedendæ quoniam malum ge- nerant sanguinem, similiter & omnes aliæ carnes salitæ ma'æ sunt, & quæ per fricationem coctæ, quoniam humores adurunt, & corpus calefaci- unt calefactione malâ. Dimittantur prætereà extremitates omnes animalium, ut sunt pedes, & capita, similiter & intestina, ac splen, hepar, renes cor, pulmo, & alia, sunt enim mala, duræ dige- stionis, & pauci nutrimenti, & inter cætera dixit mirabilis Avenzoar secundo theisir, capite, xviii. capita columbarum & colla earum facere dolorem capitis, attamen laudantur jecinora gallinarum & caponum. Prætereà omnia quæ ex lacte confecta sunt, in tali regimine dimittantur, nam lac recens citò à quâcunq; levi alteratione corruptur, & gene-

generat febrem, similitè lac coagulatum nocet & est difficilis concoctionis, similitè caseus duræ est digestionis, causatq; intrinsecas obstruktiones, butyrum quoq; suâ pinguedine & humiditate malum est. Posset tamè manè aliquandò bibi cyathus unus seri lactis, caprini scilicet, vel alterius animalis bonum lac generantis a quo omnino butyrum extractum esset, in quo ponatur portinacula saccari, aut succi uvæ acerbæ, vel citri, aut limonum. Præterea farcimina omnia, tam suilla, quam alterius generis pinguia & salita quæ vulgares falsicia, ac lucanicas vocant, mala sunt. Esto tamè memor dictorum in primo tractatu, ex sententia mirabilis Avenzoar, scilicet, quod ex corruptione ciborum sèpè fiunt febres pestilentiales, præsertim ex corruptione ciborum sèpè fiunt febres pestilentiales, præsertim ex corruptione carnium, quoniàm, ut ibi dixi, si carnes comestæ corrumpantur fiunt febres pestiferæ, sine aeris exterioris contagione, & hic per pestiferam, febrem malignam & contagiosam intelligere oportet. Idem & ali res mala faciunt, quarè cautè agendum in cibarij tempore quo malî aeris suspicio est. Sunt præterea bona, ova sorbilia, recentia, & gallinacea, vel in jure agitata cum pauco aceto, vel succo uvæ acerbæ, aut succo arantiarum, citri, vel limonis, vel cocta in jure cum carne, aut in aquâ, ità ut non sint dura sed tremula, aspersa aquâ rosaceâ, succo uvæ acerbæ, & aliis dictis, addito modico cinnamomi, & saccari, sicq; optimum generant sanguinem, frixa verò vel aliter cocta, & indurata mala

mala sunt. Pisces vero aliqui, qui meliores sunt comedi possunt, præserim marini, squammosi, in aquis claris degentes, ac comedentes alios pisces vel quasdam herbas maris super petras nascentes, hos pisces petrosos vocant, ut sunt scorpenæ (sive scorpiones dixeris) non refert, sed ego idem esse dixerim. Auratæ etiàm optimæ sunt, & Dentices (quos dentales vulgares nominant) barbi, & triglæ, si diversi specie sunt, lupi sive spigolæ (quos vulgares variolos vocant) menæ sive menulæ, pagri sive fragri, (quos albores appellant,) Sardæ & cæteri pisces, qui optimi sunt laudantur. Præterea inter pisces in lacubus, & fluminibus nascentes quidam comedi possunt, ut sunt lucii, cum sint noti & ferè ubique in fluminibus reperiantur, sunt etiam laudatissimi pisces troctæ, & ipsi nostro tempore notissimi pisces, si non sunt idem cum carpionibus, qui recentes comedi possunt, sed saliti & frixi nocent, quoniam sanguinem inflammant, præterea alii consimiles degentes in aquis claris, ac alios pisces comedentes, comedи possunt, tamen cum sint humidi, salubriores erunt, si assentur cum modico salis & aceti conditi, elixentur etiam (si ita coquere libuerit) cum vino & modico aceti, cinnamo, & similibus, ut ejus tollatur humiditas putrescibilis, nam inter cætera cibaria, quæ facile putrescunt, sunt pisces, & ideo in eorum præparatione semper ea quæ à putredine servant, adhibenda sunt, ut est acetum, sed consilium meum est, eis, quam fieri potest, rarißimè uti, & maximè si times eorum putredinem, ex quibus sic præparatis, vaporis

pores mali s<sup>e</sup>npè excitari solent, quapropter post eorum coctionem minime cooperiendi sunt, sed permitte omnes vapores exhalare, nam si cooperati vapores circum ipsos remaneant, reddunt eorum substantiam ad putredinem paratiorem. Suntq; alii quamplurimi, t<sup>a</sup>m marini qu<sup>a</sup>m fluviales pisces. Sed ut dixi utilius est eis non ves-ci, præsertim quibusdam malis, ut sunt anguillæ, cephalii, sepiæ, tinchæ, & cæteri omnes in paludibus & malis aquis degentes. Similiter & crustacei sunt dimittendi ut conchylia, & gamari, & similia, potest tamen aliquando stomachi gratiâ modicum quid saliti comedи, ut put<sup>a</sup> ovatarica, (quam vulgares botargam vocant) vel caviarum, sed non sit multæ quantitatis, sitque succo aranciæ madefactum præsertim tempore aestivo. Pos-sunt etiam t<sup>a</sup>m cum piscibus, qu<sup>a</sup>m cum carni-bus & ovis comedи falsamenta aliqua propter sa-pores vtiles, ac resistentes malignitati pestiferæ secundum diversitatem temporum, quarè in hyeme optimi sunt sapores, ex petroselino, mentâ, sal-viâ, & amygdalis dissolutis cum aceto, addito cinnamomo & mace, cum quo carnes comedan-tur, sed cum piscibus addendum erit zinziber, & caryophylli. Sunt præterea optimi sapores inæsta-te ex petroselino, acetosa, amygdalis & pane bis-cocto cum aceto aut succo uvæ immaturæ, vel citri, & ex allis, in quo etiàm tempore sunt op-timi sapores ex cydonijs sive cotonijs dixeris non refert, vel ex cerasis acetosis, quas vulgo amara-scas & amarenas vocant, fiunt etiàm alij sa-pores, qui optimi sunt ex hepatis gallinarum &

amygdalis, saccaro, aquà rosaceâ, cinnamomo  
 cum aliquo succo acetoso putà citriorum. Ex hu-  
 jusmodi hepatibus fiunt alia edulia grata, quæ  
 comedi possunt. Reliqui verò ut sunt facti ex  
 sinape aut ex sapa, sive vino decocto, vel cum  
 multis aromatibus calidis, quoniàm calefaciunt  
 & sanguinem acuunt, non placent, sed in pri-  
 mâ mensâ possimus commedere salatucium,  
 gratiâ appetitus, compositum ex herbis bonis,  
 verbi gratiâ, ex acetosâ, quam lapathium dicunt,  
 ex cicoreo, endiviâ, lactucâ, portulacâ, buglos-  
 sâ, borage, mentâ, lupulo, calendulâ, aspara-  
 go & ex reliquis hujus generis, & inter cætera  
 capares laudatissimi sunt in hyeme, hæc omnia  
 præparentur aceto, vel succo uvæ immaturæ, aut  
 aranciarum, cum saccaro, & si opus fuerit cum  
 parte etiàm cinnamomi. Dammittantnr herbæ  
 malæ ut est crux, nasturtium, & hujus generis  
 malos & putridos humores generantes. Et quo-  
 niàm olera hujusmodi excitandi appetitus gratiâ  
 comeduntur, ideo & in primâ mensâ modicè eis  
 vescendum erit, cum herbæ omnes facillime  
 corrumpantur & parùm etiam nutriant. Dim-  
 mittanturq; aromata nimis calida ut est piper &  
 zinziber, quiâ sua caliditate sanguinem inflam-  
 mant, utantur aliquandò cinnamomo mace &  
 similibus, quoniàm resistunt putrefactioni, di-  
 gestionemque adjuvant, neque nimis calida  
 sunt itidem & alijs consimilibus uti possunt, sed  
 meliora sunt, quæ cum rebus acetosis commista  
 sunt, ut putà limonibus, aut citro, vel grana-  
 tis, sed laudavit Avicenna præter alia ace-  
 tum,

tum, quoniām exiccat & a putredine præservat gustuiq; gratissimum est. Ejus vero usus sit moderatus, secundum stomachi fortitudinem, complexionem, & anni tempus, ac alia. Fercula præterea laudata in præservatione a febre pestilentiali sunt, quæ fiunt ex ovis contusis in jure carnium, cum aliqua portione acetū, vel succi sæpè dicti, uvæ acerbæ, vel limonum, & aliarum hujus generis, fiat etiam cum pane in jure infuso, vel sit panatella, bulliantque in iis diversæ res secundum temporis opportunitatem, in æstate grana uvæ immaturæ, aut grana crespinae, fiat etiam ferculum ex farre, vel ex amygdalis, ex panico, & lenticulis, cum aceto, cætera vero legumina non sunt bona, tūm quoniām viscosum & ventosum generant nutrimentum, tūm etiām quoniām parūm nutriunt, & calefaciunt pro majori parte, sicuti cicer, & tametsi dictum sit de lenticulis cum aceto præparatis, quæ prius dupli decoctione & in aceto bullierint, attamen non ex omni parte laudantur succi, etenim generant humores melancholicos, sed quoniam & acuunt sanguinem, penetrare faciunt, istâ ratione ante apparitionem variolarum morbillorum, & pesticularum, eorum decoctio cum ficubus conceditur. Preterea ciceres non placent ex causâ jam dictâ, quod si tamèn concedantur bulliant simùl cum eis acetosa, endivia, & similia. Sunt præterea in æstate & alia fercula bona, ut putâ ex cucurbitis cum paululo croci vel cinnamomi, vel fiant ex buglossâ, boragine, & alijs herbis superiùs dictis. Caules vero, & cætera ferè olera quoniam generant

nerant malos humores & putrescibiles, sunt mala, dicant autem antiqui de usu suæ brassicæ quicquid velint, similiter fercula ex cucumeribus, & citrulis dimittenda sunt, cum sint humida nimis; Pastilli vero, qui ex diversis fiunt rebus, ut sunt, qui ex radicibus petroselini, bleta, ovis, caseo, & carnibus fiunt non laudantur. Similiter & pulmentorum compositiones, quas tortas vocant, in quibus & caseum & butyrum cum ovis ingrediuntur, non laudantur, sunt enim mali chymi, attamen aliquando aliquæ comedи possunt, ut sunt factæ ex amygdalis & zucaro sive saccharo, cum aquâ rosatâ in furnulo decoctæ, vocant marzapanum. Sunt boni etiâm canifiones, qui fiunt ex amygdalis zucaro & aqua rosacea subactis in mortario ac involuti in pasta ex farinâ, zucaro, & aquâ rosacea factâ, ac subtiliter extensa, quæ in modum pastillorum oblongorum redigantur, in furnuloq; coquantur, vel aliquando fiant, ut vocantur, tortæ ex pirus, & cotoneis, vel similibus tempore hyemali. Sed fructus omnes quoniâm humidi ac putrescibiles sunt, laudantur, præter quosdam, qui ante cibum sumuntur, ut sunt cerasa acetosa, quæ vulgo amarascas, & amarenas vocant, & ut pruna etiam Damascena, ac quædam genera pirorum dulcium, ut sunt pira moschata, & similia, neque ex ipsis multa quantitas comedatur: his accedunt cotonea, sive cytonia dixeris, quæ cocta post cibum comedî solent, similiter & amygdalæ recentes, avellanæ recentes non induratæ, fistici ac pinearum fructus comedî possunt. Sed de nucibus non  
parva

parva est apud me hæsitatio, cum videam ferè omnes antiquos eas laudasse, quæ quoniam nocent stomacho, pectori, & capiti, ac difficilis sunt concoctionis in stomacho, meâ quidem sententiâ omittantur, nisi forte aliquis ipsis uti voluerit, non ut cibo, sed ut medicinâ veneno contrariâ. Uva quoniam laudabilem generat sanguinem comedi potest, ea tamen non omnino matura sit : illa vero quæ montosis nascitur locis melior dicitur esse, quâ tamen nemo statim post collectionem vescatur, sed duos aut tres dies post, quæ si ante cibum cum pane comedatur, melius est. Cæteræ uvæ exiccatæ, ut sunt quæ ex Damasco aportantur, quoniam pingues inflantes sunt, non laudantur & si gratæ sint gustui, sed passulæ illæ parvæ nigræ, optimæ sunt ; etenim bonum generant nutrimentum, stomachumq; roborant, tam solæ, quâm cum alijs cibarijs & saporibus comedstæ. Sunt præterea quam plurimi fructus, qui quoniam mali sunt, dimittantur, ex quibus sunt cerasa dulcia, mora, chrysomela, perfica poma, sorba, mespila, & quæ azarolia poma dicuntur ; sunt autem ejusdem generis, tametsi aliter quidam credunt, nam quæ in agris Romæ propinquis nascuntur meliores & sapidiores sunt nostris. Sed castaneæ dimittendæ sunt. Possunt tamen aliquando quædam poma odorifera comedi, assata tamen in prunis, ut eorum humiditas putrescibilis consumatur. Citria vero secundum omnes eorum partes laudatissima sunt, similiter limones,

H

ac

ac poma medica, quæ arancias vocant, ex ipsis omnibus, tam ex corticibus, quam seminibus & eorum partibus acetosis, siquid comedatur, præservamur à contagione pestiferâ, etenim cor recreant, atque veneno pestifero adversantur; similiter & poma granata, quæ & punica dicuntur, præsertim accepta & mitia sive medii saporis dixeris, optima sunt. Præterea legumina viridia omnia mala sunt, ut fabæ, pisæ, ciceræ, & reliqua, quoniam inflantia sunt, ac malum succum generant. Melones, quos pepones vocant, tempore æstatis omnes comedunt, attamen quoniā nimis humidi sunt, nocent stomacho, ac sanguinem aquosum generant, sæpeque levitatem intestinorum faciunt, si ex eis plus quam par sit comedatur, quare licet suā humiditate & domesticâ frigiditate, quæ potius temperies dici potest, caliditatem ex aere æstivo contractam extinguant, parcè comedantur in regimine præservanti à peste, ii tamen ante cibum comedî debent, ut cæteri fructus molles. Neque audiendæ sunt fatuitates quorundam dicentium nullo modo usui viëtūs humani esse melones convenientes, cum sibi ipsis & antiquis sapientibus sint contrarii. Præterea ante & post cibum scilicet in primâ & ultimâ mensâ solent divites quođam fructus, & alias res faccaro, sive zuccaro dixeris non refert, conditas comedere, ut sunt limones parvi, qui optimi sunt, citri, aranciæ, & cortices eorum, & flores etiam, qui omnes sunt utiles cordi & malignitati venenosæ resistunt: Huc accedunt poma cotonea, & pira condita, quæ si post cibum comedantur, prohibent ascensum vaporum ad

caput. Sunt præterea alia, quæ in usu sunt, ut amygdalæ, pineæ, anisi, coriandri, quos saccaro sive zuccaro coopertos confectos vocant, ii post cibum comeduntur, præsertim anisi, & coriandri, nam præparant coriandros aceto vel vino granatorum, postea saccaro condunt, sicque conferunt cerebro, dicant non nulli quicquid velint perperam Diſcoridem intelligentes de coriandro, cum non quocunque modo ac quantitate sumptâ mentem percutiat, quoniam quælibet medicina secundum diversam sui præparationem, & prodeſſe, & obesse potest. testimonio Galeni inquam pluribus locis, & experientiâ ipsâ: pudeatque ipsos verba & auctoritates antiquorum male intellectas pertinacitèr sine ratione & experimento affirmare, cum totam vim medicinæ consistere in ratione & experimento ſæpe dixerit Galenus. Sed eo unde discessimus, redeamus. Sunt præterea fructus saccaro confecti jam dieti optimi, qui post cibum comedipossunt, pro ſtomachi, ut aiunt, ſigillo, & non ſolum dieti confecti, ſed alia etiam ſunt, ut marzapani, canifiones, & alii paſtilli, ut qui ex pineis etiam & fifticis, ac ſeminibus melonum & aliorum fructuum conficiuntur, cum saccaro. ſ. & aquâ rosaceâ, attamen ex eis parcè comedantur: quoniam dulcia ſunt & ea ratione facillime in choleram convertuntur. Sunt & alia condita diversa optima & potius medicinalia quam cibus, ut ſunt myrobalani, emblici & chebulii, qui ſunt refocillatione ſtomachî mirabiles & grati gustui, veneno resistentes, & comeduntur mane quatuor horis ante cibum, & ſunt mi poſſunt in quocunque anni tempore. Sed in

hyeme optimum est pro stomachi refectione mane sumere radicem zinziberis conditi, confert enim stomacho, præsertim si in ipso multæ fuerint materiae frigidæ viscosæ. Et quoniam multa edulia superius nominata sunt, notabis ex sententia Avicennæ, capite de eo, quod comeditur & bibitur, si unâ mensâ diversa cibaria comedantur, plurima mala inde proficiunt, quorum primum est, quoniam varios cibos comedentes plusquam pars fit comedimus, secundum autem quia ex diversitate cibi, fit diversa, ac varia secundum partes & tempus digestio, unde fit admixtio digesti, et non digesti, quæ mala admixtio neque ab hepate, neq; à venis corrigitur, unde sequuntur febres: tertium est quia stomachus magis in digerendo laborat, tam ratione qualitatis quam quantitatis, quare dicebat Galenus tertio Regiminis acutorum, diversitatem cibi causare stomachi inquietudinem & eâ ratione laudavit Avicenna antiquos, qui unico genere cibi saturabantur. Quare quoad fieri potest in præservatione à febre pestilentiali à diversitate cibariorum abstinentiam erit, quos cibos optime mandere convenit, quoniam melius digeruntur, ut dixit Galenus tertio de Virtutibus naturalibus. Et hæc de cibis satis. Potus vero sit vinum mediocre in omnibus, & primo in substantiâ, quæ non sit crassa, crassam autem habent omnia vina turbida, spissa, sit clarum subtile medii coloris, non dulce nec acre, sed medium habens saporem, non sit præterea vinosum, aut nimis aquosum, sed mediocre, boni odoris, & saporis. Neque audiendi sunt vulgares bibuli dicentes vina  
vinoſa

vinosa & magna esse bibenda in præservatione à febre pestiferâ ut sunt vina Cretensia, & similia quæ ipsi sæpiissimè bibunt, & quod pejus est febricitantibus, & apostemata pestilentialia patientibus exhibent, ii sic bibentes præparant corpus ad febrem, quæ si hominem corripiat facile postea pestiferam aeris qualitatem suscipiet, & cum hujusmodi error communis sit nostro tempore, causas cur perperam agant tacere nolui. Nocet abstinere se à potu, si sitis adest, igitur bibenda sunt ea, quæ palatum refrigerent, & malum aerem attractum corrigant, ut est aqua herbæ acetosæ, aut buglossæ, vel etiam aqua communis cum vino granatorum aut succo uvæ immaturæ, vel succo limonum, aut citri, quoniam non solum in præservatione convenient, sed in præsenti febre profundunt: cave tamen bibere aquas malas, quæ in putreis immundis, aut locis cœniosis & paludosis morantur, nam generant cæteris paribus deteriores & maligniores febres quam aliæ. Quod si aliquâ de causâ vina vinosa bibere oportuit, puta ex stomachi imbecillitate, bibantur mane ante prandium, in paucâ tamen quantitate, nam hujusmodi vina plerumque bibere oportet, præsertim in illis regionibus, quæ mollia, ac levia vina non producunt, quare diluantur aquâ bonâ, quæ creat omni malâ qualitate.

## De inanitione &amp; repletione

**T**Empore quo malus aer pestilentialis timeatur, studendum est præcipue superfluitatum \*evacuationi, quoniam ex retentione excrementorum generantur ægritudines in omnibus partibus corporis. Laudatissimum evacuatium superfluitatum communium intestinorum, & etiam urinæ, est usus pilularum Ruffi, quæ ab omnibus laudantur, & expertæ sunt in tali præservatione à febre pestilentiali, ac ob earum excellentiam in tali præservatione eas nominant pilulas contra pestem. Neque inventus est aliquis, qui usus sit hâc medicinâ & à pestilentiâ non fuerit præservatus, quare hujusmodi pilulæ sunt habendæ pro maximo thesauro, ac febris pestilentialis amuletto, moyent enim ventrem sine molestiâ seu agitatione, ideo semper eas paratas domi esse præcipio. Præterea convenit manè cum e lectulo surrixerit, sputum promovere, et mucositates ex naribus extrahere, & si est assuetus vomere, vomitum provocare, quod si non est assuetus, nocebit, quoniam trahit materiam ad partes superiores & nobiliores; crurâ etiam & brachia & reliquæ corporis partes à fôrdibus linteo fricando abstergere optimum crit, caputq; & barbam scmel & bis etiam in hebdomade

domade lixiviâ lavare, in quæ decoctæ sint rosæ & laurus, sapo etiam sit ex bene redolentibus compo-  
itus, ut faciunt unguentarii componentes odorifera  
pro delicatis hominibus. Et convenit omnes  
superfluitates & immundicias corporis amovere,  
fricando, lavando, & abstergendo usque ad su-  
doris levem provocationem; sed quoniam non  
solum dictis superfluitatibus retentis & non eva-  
cuatis fiunt ægritudines, ex sententiâ Hippocratis  
loco allegato, verum etiam ex malo sanguine &  
aliis malis humoribus cum ipso admistis, ideo si  
apparet aliqua sanguinis repletio, aut malitia à  
quâcunque causâ, bonum ac optimum consilium  
erit venam incidere, & tantum sanguinis, quan-  
tum erit opus, mittere, secundum hominis robur,  
& malitiam, vel sanguinis multitudinem; quo-  
niam repletio, quæ in venis est, ac malitia faciliùs  
per venæ sectionem corrigitur, quam alijs auxiliis.  
Quare audacter poteris ad sanguinis missionem ac-  
cedere, testantibus antiquis, & modernis. Qui  
non potest corpus exicare medicinis, abstineat  
se saltem à nimiâ cibi et potûs repletione, & mi-  
nus comedat quam alijs consueverat, ut si qua  
superfluitas in corpore reliqua sit, à calore natura-  
li, cibariorum abstinentiâ minus impedito, consu-  
mi possit, & esto memor eorum, quæ dicta sunt supe-  
riùs, quòd tolerare famem non solum stomachum  
implet malis humoribus, verum etiam, si quis diu  
jejunaverit, ut faciunt quidam nihil comedentes  
per aliquos dies, isti exterminant virtutem, quâ  
exterminatâ corpus efficitur debile, quod postea  
est paratum ad omnem malam putredinalem

dispositionem. \* Te memorem tamen esse oportet quod tota intentio in præservatione, ut superiorius dictum fuit, est exicare corpora humida à naturali, vel accidentalí humiditate, & quæ siccata sana sunt in eâ siccitate conservare. Videlicet corpora, quæ superfluitates non habent, inanire minimè oportet, quoniam dicebat Hippocrates errare qui sana habent corpora si purgationibus utantur, & ratio est, quoniam evacuant humores & humiditates radicales, in quibus calor naturalis pascitur.

---

## C A P. V.

De modo quo debemus exercitare corpus.

**Q**uoniam, ut dicebat princeps Avicenna tertiarâ primi, doctrinâ secundâ, capit. primo, in exercitatione corporis, anhelitus, & intensior & remissior necessariò fit, inde in præservatione à febre pestilentiali ob aeris corruptionem vehemens exercitium non convenit, immò neque mediocre, cum etiam corpore mediocriter calefacto necessarium sit ad cordis refrigerationem aërem extrinsecum frequentius inspirare, unde sequitur spiritûs cordis infectio, ab aëris exterioris malitiâ. Nocet etiam nimia quies quoniam ex hoc

---

\* V. Mead. p. 40.

hoc superfluitates & humidi humores generantur, ut testatus est idem Avicenna, nam nimia quies corporis virtutes hebetat, sequunturq; ad ipsam oppilationes & corporis infrigidatio, quare neque sine aliquo levi exercitio potest tueri à malâ aeris contagione, cum debilitatum corpus facile sit vinci à quâcunque causâ, etenim diminutâ resistentiâ agens & citius, & fortius agit. Et ideo in præservatione debemus eligere exercitia levia. Antequam vero ad prandium se conferat, exerceat corpus aliquâ levi deambulatione, in aliquo loco in quo hominum multitudo non sit, quoniam frequentia hominum ex inspiratione & exspiratiōne alterant aerem alteratione malâ, & ideo tali tempore loca, in quæ \* multitudo hominum convenit, adire non laudo, ut sunt Ecclesiæ magnæ, & forum vel prætorium & hujusmodi loca, ad quæ hominum multitudo se conferat. Deambulent igitur in loco amœno, ut sunt viridaria, in quibus sint herbæ & flores & fructus benè redolentes. Quod si aer esset talis, qualis sæpe tempore pestis visus est, videlicet turbulentus, crastus, fœtidus, nullo modo exire oportet, sed domi manere, & factis aspersionibus & suffumi-gijs dictis in capite de rectificatione aeris, leviter deambulare & sic se exercere ; vel utatur, si est impotens ad ambulandum, alijs levibus exercitationibus, ut est manum manu confricare, brachia extendere, vel ludere lusorijs tabellis, sunt & quamplurima alia genera exercitationum levium

vium non calefacentia, neque ducentia ad necessitatem frequentis anhelitus, ut sunt Venetijs vehi cymbâ, & in alijs locis continentis vehi curriculo leviter currente & in loco plano, levis equitatio super mulam placide incidentem, & cætera talia, quæ omnia possunt & plus & minus alterare corpus secundum diversos respectus, puta ætatis, temporis, & consuetudinis.

---

## C A P. VI.

### De regimine somni, & vigiliæ.

**D**icebat Hippocrates secundo Aphorismorum, somnum & vigiliam si modum excedant mala esse, quare reguletur sic somnus, in primis dormiendo secundum debitum tempus, & horis congruis. Dormiendi igitur hora sit post coenam duabus horis, & somnus non sit longior, quam octo horarum, nec brevior quam sex, etenim somnus longus infrigidat, & humectat corpus. Vigiliæ vero cum superfluunt virtutem habetant. Somnus diurnus & post cibum factus nocet, & ideo abstinendum est ab ipso, nisi fuerit antiqua consuetudo dormire in die, & post cibum, hoc in casu somnus diurnus concedi potest & etiam paulo post cibum, & in illis, qui virtutem stomachi digestivam debilem habent, attamen talis somnus semper deterior alijs est, cum generet

generet plurimas humiditates, & virtutibus alijs parùm profit, ideo sit brevior quam pro consuetudine cste tolebat, ut mala consuetudo paulatim aboleatur. \* Præterea nimia vigilia, ut dictum est, nocet, corpus inflamat, præparat ad febres, & dissolvit virtutem, ita ut formam corrumpat, & ad extremam maciem inducat Quare si vigiliæ tempore æstatis ex nimiâ caliditate & siccitate aeris accidunt, provocandus est somnus cibis domesticis, ut puta, lactucis. Quod si timemus lactucæ frigiditatem, possimus permiscere melissam, quoniam ut dixit Serapio, præter alias virtutes, quas habet in refocillatione cordis & contra humores venenosos, inducit somnum. possimus etiam inducere somnum, refrigerando aeris caliditatem cum sparsione foliorum, ac flororum frigidorum, ut sunt violæ, nenufaris, sive nymphæ, rosæ, foliorum lactucæ, salicis, & similia, vel aspergendo domum & cubiculum cum aliquâ decoctione, in qua decoctæ sint herbæ & flores prædicti, vel cum aliquâ decoctione frigidâ scriptâ in capite de aeris rectificatione.

---

## C A P. VII.

### De regulis animi passionum.

**I**n ter causas efficientes, quæ complexionem sive temperaturam corporis nostri corrumpunt, animi affectus Averrois sexto Colliget capite

---

pite primo enumeravit. Et ideo quantum fieri potest \* studendum ut iij omnes procul sint, ut est pusillanimitas, solicitude, timor, cura, tristitia, ira, cogitationes, imaginationes, ac opiniones tristes, studia laboriosa, verecundia & similia. fugiendæ etiam sunt causæ tristitiam inferentes, ut est mora in locis obscuris, & foetidis, ac inspectiones corporum languentium, & mortuorum, & rerum monstrosarum, & picturæ horrendæ, fugiendæ sunt etiam lectiones illæ, quæ mœrorem inducunt; neque bonum est interesse narrationibus miseris & lamentationibus, & similibus, quoniam mirum in modum tristem reddunt audientem, & omnes virtutes exterminant, unde redditur corpus paratum ad malas ægritudines, immo, ut in primo tractatu dictum est, multi ex solo timore, & imaginatione, incidentur in febrem pestilentialem, igitur gaudere oportet: etenim gaudium animam corroborat, & ejus virtutes excitat & corroborat, quæ postea corroboratæ resistunt causis alterantibus nostrum corpus.

## C A P. VIII.

### De præservatione à febre pestilentiali per ea quæ intus & extra exhibentur.

**R**Elíquum est ut addamus qua ratione possit quis se tueri à febre Pestilentiali per quædam quæ evacuant, vel dum tangunt corpus nostrum

\* V. Mead. p. 49.

nostrum, sive gestentur sive in ore ferantur, vel dum masticantur deglutiuntur, defendunt ipsum à contagione pestiferâ. Capiantur pilulæ Ruffi, & venæ aperiantur, si quis venæ apertionem timet, loco apertionis venæ appositio ventosarum, sive cucurbitularum cum scarificatione sive scalpellatione laudatur. Sed quando humor superfluus est alias a sanguine, ut superius dictum est, purgetur medicinis levibus secundum natu-ram humoris exuberantis. esto tamen me-mor in evacuando miscere ipsis medicinis ea quæ sunt accommodata humori venenoſo, verbi gratiâ addendo triferam perficam. Quod si corpus mundum est, neque eget evacuatione, maneat in regimine aliarum rerum superius di-ctarum. Et hæc est prima præcautio in præser-vatione, post hanc vero odoramenta superius di-cta laudantur. Cavendum tamen semper est à nimis calidis odoribus, ut est moschi & ambræ odor, præsertim tempore aestatis, quoniam cale-facit & capitis dolorem ciet, sint ergo isti odores calidi suis contrarijs contemperati, utputa cum aquâ rosaceâ, vel camphorâ & alijs remittenti-bus eorum caliditatem, & ista est præcautio se-cunda jam dicta corpus nostrum defendens. Sed quoniam antiqui sapientes dixerunt quædam esse, quæ suâ proprietate resistunt venenis, sive ea sint acris pestiferi, sive quovis alio modo contracta, ac ea multa esse fatentur, ideo putavi non ingratum fore illa addere, inter quæ lapides pretiosi & gemmæ enumerantur, quæ cum sint diversa & ob id aliqua sint quæ non solum divites habere possunt,

verum

verum etiam & mediocres homines, qui si eis experiri voluerint secundum regiones & hominum facultates, rem non omnino imprudentis hominis facient, tametsi quidam hoc tanquam fabulosum rejecerunt, attamen quoniam ipsæ gemmæ minime obesse possunt, mēā quidem sententiā, non suntexplodendæ, præsertim cum omnes fateri possint se multa vidisse, quæ a formâ specificâ operantur, ut appareat de attractione ferri a lapide magnetæ, sive herachio, & de retentione sanguinis a lapide jaspide, & etiam de lapide carbunculo, qui illuminat aerem, ideo ne alicui parti id, quod fieri potest in tam sæva ægritudine, deficiat, ista etiam minime dimittenda sunt: possibilitas enim est res ampla, & etiam aliquando confidentia in aliquâ re reddit animam fortem, quæ postea suis instrumentis resistit causis exterioribus & interioribus corpus alterantibus. Quapropter semper laudatissimum est aliquid agere, quod, ut dixi, obesse non valeat, tametsi quod proderit non certa scientia sit, & ideo divites & viri magni, ac principes, ferant lapides pretiosos appensos collo, quod fit si perforati sint, aut auro circundati, & maneant sub mamillâ sinistrâ, vel gestentur in ornamentis manuum, ut in annulo. Sed inter primarios lapides, qui venenum fugant, & aeri pestilentiali resistunt, est lapis carbunculus, etenim ut dicit Albertus in libello de Lapidibus preciosis, ejus præstantior virtus inter cæteras multas, quas ei attribuit, est venenum destruere ita, ut si in mensa, ubi venenum sit, præsens ponatur, debilitet venenum & in ore detentum sit, non permittat malam

malam aeris qualitatem in spiritibus cordis impri-  
 mi. Secundo loco est lapis smaragdus, gemma  
 seu lapis pretiocissimus, resistens veneno & aeri pe-  
 stifero similiter gestatus, vel in pulverem redactus  
 bibitus per se, aut una cum æquali portione boli  
 armeni, & terræ sigillatæ ana. ȝ. s. qui potest,  
 sumi cum aquâ acetosæ vel vino aromatico  
 mane, Et ad eas medicinas, quæ & ratione  
 & usu, ac testimonio doctissimorum virorum,  
 ut fuit Galenus, comprobatae sunt, redeamus,  
 inter quas principatum tenet theriaca, quam ipse  
 laudat in fine libelli de theriaca ad Pisonem  
 istis verbis: In pestiferâ lue sola hæc antidotus  
 malo correptis prodeesse adeo visa est, ut nullum  
 aliud præsidium tanto malo resistere fuerit ido-  
 neum ; pestis namque tanquam & ipsa existat be-  
 lua haud paucos interimit, verum civitates quoq;  
 totas depascens male conficit. Quippe prava quæ-  
 dam aeris ad corruptionem prompta mutatio effici-  
 tur, & homines, quím respirationis necessitate pe-  
 riculum evitare nequeant, ipsum aerem veluti ve-  
 nenum quoddam ad se per os attrahunt. Quamob-  
 rem etiam Hippocratem illum multis modis  
 admirandum laudo, qui luem illam ex Æthiopiâ  
 Græcos invadentem non aliter curaverit, quam  
 aeris mutatione, alterationeq; ne talis amplius  
 inspiraretur, igne in primis aerem corrigendo,  
 in quo odorifera comburebantur, ut sunt flores  
 & unguenta suavissima, paulo etiam post dicit:  
 Simili ratione theriacen, ceu ipsa quoque ignis  
 quidam purgatorius existat, præsumentes in pesti-  
 fero

fero aeris statu neutiquam malo corripi sinere  
 novimus; & jam correptis posse mederi aeris in-  
 spirati malitiam inalterantem immutantemque,  
 ut quæ corporis temperaturam magis infici pro-  
 hibeat. Quapropter consilium est ob has tam  
 repentinas aeris constitutiones, aliasque noxarum  
 causas oborientes, in prosperâ quoque valetudine  
 antidotum assumere, quo externis accidentibus  
 corpus resistat, ac ubi jam fuerit affectum, illam  
 invenies propitiam, quæ veluti bonam quandam  
 temperiem, salubremq; statum corporibus in-  
 ductit, dum humorum superfluitates absunt, &  
 reliqua. Hæc Galenus, quæ cum ita sint, assum-  
 ptio quotidiana unius scrupuli theriacæ, aut plus  
 aut minus secundum temporis & aliorum emer-  
 gentem necessitatem mirum in modum laudatur,  
 quæ & sola & cum aliis quibusdam sumi potest,  
 ut, si times ejus caliditatem, cum aquâ acetosæ, &  
 interpolatis diebus, non autem quotidie sumas, sic-  
 que corrigitur inspiratus aer, & membrorum  
 principalium virtus roboratur, ut aeri malo re-  
 sistere valeat: theriaca enim est medicina præstan-  
 tior cæteris, si moderatè ipsâ utaris, quoniam præ-  
 terquam quod præservata lue pestifentali, omnia  
 membra principalia roborat, ita ut & multas ali-  
 as ægritudines evitare possis. Nocet tamen the-  
 riaca pueris, & febricitantibus. Quod si theriaca  
 non adsit, quoniam hæc compositio vel raro fit,  
 vel si facta reperiatur, non optima est, poteris  
 loco ipsius dare mithridatum in eâdem quanti-  
 tate & ordine; sunt & alia, quæ per os sumta re-  
 sistunt aeri pestifero, ut est radix zedoariae, ipsa  
 ejus

namque in ore teneatur, vel deglutiatur, stomachi  
roborat digestivam, ventositatem dissolvit, ac hu-  
miditates ipsius exiccat, aeriq; pestilentiali &  
veneno resistit. Attamen tempore aestatis &  
maximi caloris abstinendum est à frequenti usu  
ipsius, & cum cā utendum est herbā acetosā, vel  
ejus radice, quoniam est ex eis quæ multum  
prosunt si comedantur, vel ore teneantur. Va-  
lent enim semina citri, limonum & similia, si  
masticentur, & etiam cortices eorum. Sunt  
præterea ad hanc intentionem radices dictamni,  
cardui, & chameleontis, & cardui benedicti.  
Quidam vero ad præservandum, præter ea quæ  
dicta sunt, exulcerant aliquam partem corporis  
cauterio actuali, seu potentiali, & ulcus tenent ada-  
pertum, ut ex ipso virus corporis emanet, quod  
non sine ratione & auctoritate factum est. In-  
quit enim Avicenna, qui habet unum membrum  
ægrum, supple exterius, cætera interiora sunt in-  
columia, etenim membra intrinseca fortia ex-  
pellunt superfluitates ad exteriora debilia. Hoc  
vero ulcus vidi factum in crure sub genu in parte  
sylvestri in quodam, qui præstabat medelam in-  
fectis pestilentiali febre cum apostematibus, &  
eos animosè tractabat: sunt qui faciunt hujus-  
modi cauterium in brachio supra cubitum ut præ-  
serventur à peste, quod etiam laudo, quoniam  
in quacunque parte corporis fuerit, semper pro-  
dest, attamen melius est ipsum facere in partibus  
ignobilioribus & extremis, quò humores faciliùs  
cursum habere possint, ut sunt crura. Sunt etiam  
qui & vesicatoria vnguenta ad præservandum su-

per crura apponunt, ac superficiale ulus, butyro & folio caulis humefaciendo consolidaro prohibent, ut inde virus corporis evacuetur ; sunt etiam, qui tempore suspicionis quærunt incidere in scabiem per contactum scabiosi, credentes scabie ipsâ corpus a malis humoribus mundari. Et etiam sunt quidam scabiosi, qui tempore suspecto nolunt sanari , dicentes scabiem mundare corpus à putridis humoribus; ij omnes graviter errant, quoniam corpora scabiosa sunt magis parata ad suscipiendam qualitatem febris pestilentialis quam sint corpora munda, cum scabies sit ægritudo quæ non sine humorum putredine fit, ac contagiosa, tametsi cutanea sit ægritudo, quæ tamen non est aliquando sine jecinoris & massæ humoralis noxâ. Nam si corpus mundum potest alterari ab aëre pestilentiali, quanto magis corpus in quo jam humores aliquam putredinis partem contraxerunt ? Frivolæ sunt etenim rationes dicentes ægritudines cutaneas fieri à natura fortí, quæ mundificare sanguinem intendens mandat humores corruptos ad partes exteriores, cum hoc non tollat malam qualitatem jam contractam in massâ humorali, per quam facilius imprimitur, ac cum minori resistentiâ ultima malignitas quæ est pestifera qualitas. Quare sibi caveant scabiosi, quoniam sunt maxime parati, ac omni ingenio curent sanare scabiem, evacuationibus, & per venæ apertione, ac ventosarum sive cucurbitularum applicationem. Et etiam per alterantia mundificantia intus massam humorum, ut sunt syrapi, & cibi, & etiam per

per exteiiores illinitiones, corroborantes membrā, resolventesq; materias putridas in ipsis, quoniam sic erit vera præservatio. Sunt etiam qui tempore pestis, cum habent ulcera in cruribus, nolunt sanari, sed ea adaperta tenent, quam rem summopere laudo, cum per ipsa ulcera quædam corporis superfluitates expurgentur. Animadvertant consanguinei id, quod in primo tractatu dixi, scilicet se ex consanguinitate facilius posse infici, ideo, cum ijs majus immineat periculum, quantum fieri potest, si domi sit aliquis infectus, omni præparatione tam exterius, quam interius uti debent, & de illis quæ præservant, ut dictum est, terrā sigillatā; quam si Lemniam dixeris ab insulā, à qua asportatur, non refert, & etiam bolus, sive lutum, sive terra Armenia sumpta cum aquā rosaceā in æstate, cui tamen in hyeme addendum est parum vini malvatici, vel falerni, vel alterius generis duabus aut quatuor horis ante prandium, & sunt res expertæ non solum ab antiquis, sed à modernis, & ego quidem sæpiissime expertus sum tam terram sigillatam, quam bolum armenium, & vidi mirabilia, ut dicam ubi de curâ hujus febris & morbillorum & pesti-chiarum, ac aliarum cutanearum macularum, quæ in tali febre apparere consueverunt, tractabo: datur etiam terra sigillata cum aquā rosaceā & portione acetū, sed cave ne des nimiam acetū quantitatē patientibus difficultatem anhelitū, & tussim, præsertim mulieribus; notabis etiam quod quando est tussis, melior medicina est bolus armenius, cum leniat pectus: dissolves autem ip-

sum aquis pectoralibus, ut est aquâ farfaræ, quam  
 tussilaginem Dioscorides vocat, vel buglossæ, vel  
 capillorum Veneris. Accipe bolum armenium  
 dictum, in pulverem redactum, ad quantitatem  
 quam præparare desideras, pone super ipsum  
 aquam rosarum, vel acetosæ, vel buglossæ, & cum  
 sextâ parte vini aromatici albi lava ipsum, po-  
 stea permitte descendere & subsidere, deinde pro-  
 jice aquam, quâ projectâ assume unam superfici-  
 em boli armenij post aliam cum cochleari vel  
 alio instrumento idoneo, donec totam illam par-  
 tem, quæ boni est coloris, habeas: cum vero vi-  
 deris mutare colorem ad fuscedinem manifestam,  
 dimitte & projice partem illam, quoniam sordes  
 & terra cœnosa est. Priorem tamen serva exic-  
 catam in umbrâ, quod si pluries hoc pacto bo-  
 lum armenium lavabis, optimè facies, quantitas  
 vero quæ ex ipso datur, sit drachmæ unius usque  
 ad duas cum aqua rosaceâ, vel acetosâ, & vino  
 aromatico, habendo rationem ad malignitatem ac-  
 ris, utputa quando erit aeris corruptio maxima, ma-  
 jorem quantitatem & frequentius dabis. Præte-  
 rea omnes medicinæ, quæ vermes interficiunt,  
 sunt præservantes a peste. Ego enim plurimos  
 vidi patientes febrem pestilentialem evomere ver-  
 mes, & etiam per secessum cum egestionibus eos  
 emittere; vermium autem generatio arguit max-  
 imam humorum corruptionem, quare si dan-  
 tur ea, quæ vermes occidunt, est mirabile  
 præsidium, quoniam illis evacuatis, evacu-  
 atur putrida materia, quæ parata est suscipere  
 ultimam malignitatem; occidentia vero, &  
 eduentia

educentia vermes sunt multa, scilicet aloes, agaricus, rhabarbarum, & similia; sunt etiam frigida quædam quæ vermes interficiunt non solventia ventrem, ut est semen acetosæ, portulacæ; sunt etiam quædam alia calida ut semina citri, & alia, quare eis uti quispiam potest solis, vel commissis secundum opportunitatem. Nota tamen quòd occidere vermes, & eos extra corpus non educere maximum malum est, cum mortui corrumpantur, & putridi vapores ab ipsis excitati sævissima accidentia causent; quare non solum eos occidere studendum est, verum etiam extra ventrem per secessum educere oportet. Possem multa alia quæ à gravissimis doctoribus laudantur scribere, quæ cum sunt in eorum libris semper parata, & datâ occasione unusquisque possit ea feligere, veluti ex maximo medicorum thesauri acervo, ne longior essem prætermisi. Attamen in pauperum gratiam & commoditatem, qui non possunt theriacam & alias preciosas medicinas emere, quædam simplicia, præsentanea, & inventu facilima hic in calce addere volui, quæ sunt hæc. In primis comedant herbam acetosam jam dictam, scabiosam etiam & calendulam, quæ maxime mulieribus confert, cum præter veneni rectificationem provocet menstrua & sudorem etiam, pimpinellam etiam comedant vel bibant succum ejus aut aliarum mane, quoniam præservat & curat. Sunt & herbæ calidores quæ si comedantur præservant, ut est prafium, hyssopus, hypericon, enula utraque, verbena, dictamnum præsestim Cretense, eæq; omnes herbæ singulæ possunt sumi

sami virides & exiccatæ ac in pulverem redactæ, vel alio quovis modo mane, cum vi-  
no aut aquâ buglossæ, & portione acetii. Unum  
tamen præterire nolo, videlicet comedionem li-  
monum & citrorum, tam illorum succi quam cor-  
ticis & seminum, per se, vel in cibarijs, non solum  
præservare à febre pestilentiali, verum etiam sanare.  
Cum videris multitudinem hominum cujus-  
cunq; ætatis, complexionis, & sexus repente peri-  
re, præstantissimum remedium est procul ab hu-  
jusmodi loco abire, & optimum aerem quærere,  
cum difficillimum sit ultimam malitiam aeris  
corrigere. Medicus vero, qui ægrotantes videt,  
& tangit, caveat, atque cautus sit, neque sine  
præcautione eos videat, quare primum habeat  
odoromenta & lavacra, in quibus sint bene redo-  
lentia & acetum, neque multum cum infectis  
maneat, sitq; nitidus, parcè comedat ex jam di-  
ctis cibarijs, parceq; bibat, procuret etiam ut  
venter quotidie fluat, accipiatq; ex pillulis Ruffi,  
aut ex alijs præservantibus; dormiat horis con-  
gruis, & postremo sit lætus animo. Quod si  
multos videre sibi necessarium sit, ac inter in-  
fectos versari, ut contingit illis, qui publico sti-  
pendio infectis medelam præstant, optimum præ-  
sidium ad præcavendum erit facere jam dicta cau-  
teria cruribus, quæ fontanellas vocant, habeant-  
que semper aliquid in ore resistens pestiferæ ma-  
lignantati.

## C A P. IX.

De præservatione à febre pestilentiali se-  
parando homines infectos à sanis. deq;  
cognitione corporum infectorum tam  
viventium quam mortuorum.

**P**RÆSERVATUR PRÆTEREA CIVITAS, PLEBS, AC CIVES  
& NOBILES À CONTAGIONE PESTIFERÀ, SI ÆGRO-  
TANTES & INFECTI AB IPSÂ SEPARANTUR, & AD SUPERI-  
US DICTA HOSPITALIA MITTANTUR, NE CUM SANIS NEGO-  
FIANTES, AUT ALITER SE COMMISCENTES, EOS INFICIANT.  
IGITUR CUM SUSPICIO DE PESTILENTIALI CONTAGIONE EST  
ITA, UT, SICUT SUPERIUS DIXI, ÆGRI MORIANTUR, VISI-  
TATIONES DENEGANDÆ SUNT, NE HUJUSMODI CONTAGIO  
ULTERIUS PROCEDAT. DOMINI ETIAM PROVISORES SAL-  
LUTIS PROCURENT DILIGENTER PER MINISTROS CORPORA  
MORTUORUM INSPICI, & EX SIGNIS, NUMQUID MOR-  
TUA SINT FEBRE PESTILENTIALI NEC NE, COGNOSCI, PRÆ-  
FERTIMILLA, QUÆ BREVI TEMPORE, AUT SUBITANEA  
MORTE MORIUNTUR, QUONIAM CUM ACERIS INCLINATI-  
ONE CITA VEL SUBITANEA MORS EST CERTUM PESTIFERÆ  
FEBRIS SIGNUM. PRIMUM Igitur cum medicus vel  
minister aliquis hæc corpora mortua viderit, IN-  
TERROGET EOS, QUI ANTE MORTEM CUM ÆGRO FUE-  
RUNT, QUOT DIES ÆGROTAVERIT, & QUÆ NAM FUERINT  
ACCIDENTIA IN TALI ÆGRITUDINE, SCILICET AN INQUIE-  
TUDO FUERIT, VEL NIGREDO LINGUÆ, AUT VOMITUS, & DIFFI-  
CULTAS DEGLUTIENDI, VEL SUDORES FRIGIDI, & DELIRIA,  
NUMQUID ETIAM ALIQUOD TUBERCULUM EXTITERIT, VEL

in inguine, aut sub alis, vel post aures, vel in alijs partibus corporis, nunquid etiam viderint maculas, pestichias vocant, aut morbillos, aut variolas, quod si plura ex istis, aut aliqua, vel omnia apparuerint, corpus illud mortuum esse febri pestilentiali proculdubio dicere oportet; Si autem æger eos, qui ipsum ægrotantem juverint, non habuerit, ita ut præterita accidentia minime sciri possint, & quis an febre pestilentiali mortuus sit scire voluerit, primum jubeat à ministris inspici post aures, & sub alis ac in inguinibus, nunquid sit aliquis tumor, videant etiam reliquas partes corporis numquid sint tubercula quædam parva & aliquando magna, quæ carbones vocant, videant etiam in dorso & alijs partibus corporis nunquid sint maculæ vel rubræ vel nigræ aut alterius coloris, ut supradictum est, sintne etiam parvissimæ in modum morsûs culicum, præsertim in regione cordis, & an cutis maculata sit & diversa appareat in colore, scilicet plumbeo, & livido hinc inde, & nunquid maculæ, ac si velatae sive coopertæ essent, apparent, aut sit in dorso nigredo, & hypochondria tumida in modum tympani sint, quæ omnia & singula corpus illud pestiferâ febre mortuum fuisse arguunt, attamen non omnia semper, aut ut plurimum apparent, sed aliqua. Et quoniam saepè homines quidam sunt nigri, ut sunt Æthiopes, & alij servi morientes ex tali febre, in quibus advertere oportet, nunquid, præter humores, & alia quæ ad calorem spectant, videant pestichias sive maculas lenticulis similes saepè rubras & aliquando albicantes.

albantes. Præterea in cadaveribus mortuis vidēn-  
dæ sunt extremitates, puta unguis tam manuum  
quam pedum, & etiam aures & nasi extremitatem,  
ac bursam testiculorum, sive scrotum dixeris, quo-  
niam hæc omnia in mortuis ut plutimum live-  
cunt, præsertim si febre pestilentiali mortua sint,  
in his enim horrenda aliquando est lividitas.  
Quare sic diligenter inquirendo deveniunt in cog-  
nitionem corporum mortuorum a febre pestilen-  
tiali, & iis quæ dicta sunt malam aeris coinqui-  
nationem conjungendo sine hæsitatione talia cor-  
pora contagione pestiferâ mortua esse judicare  
oportebit. Hæc tamen corpora non debent me-  
dici & ministri prope inspicere, sed procul ac  
per infectos aut suspectos ministros hæc omnia  
sciant. Et quoniam, cum populatur pestis præ-  
sertim plebeos, optima est præservatio, ne hujus-  
modi febris sanos arripiat, ideo ægrotantes sep-  
rare, ut dictum est, à sanis oportet, ne cum illis  
negotiantes inficiantur, igitur fiat inquisitio ægro-  
tantium per ministros, et si cum eis loqui possunt,  
ab eis sciscitentur quæ sequuntur, sin minus per  
domesticos inquirant. Primum nunquid æger  
passus sit die primâ aliquid frigoris, quoniam sa-  
piissimè in motu materiæ veneficæ, tametsi intra  
venas putrefaciat, calor contrahitur & appareret frigus  
quoddam. Nunquid etiam calor patientis vhe-  
mens sit, & inquietudines multæ, ita ut consistere  
nequeat, sintq; alienationes, insomnietates, vel  
somni profundi, syncopis, sudores frigidæ, & alia  
sæpe dicta accidentia; Nunquid præterea tumor  
aliquis parvus, magnisve apparuerit a principio,

tametsi non prosequutus sit, vel in inguine vel sub alis, aut in collo post aures; Denique jubeant linguam exerere, quæ si fuerit diversis coloribus insperia, scilicet rubra, nigra, & hinc inde alba, sintq; quædam pustulæ præsertim in palato, signa sunt febris pestilentialis; præsertim si facies patientis mutata fuerit, horrida, vel contracta, & oculi rubri, vel concavi, vel nimium igniti, & torvi. Similiter jubeant inspicere universum corpus, & videant nunquid sint maculæ, sive pestichiæ aut carbunculi. Urinam etiam inspiciant, tametsi sit signum fallax, quæ si fuerit turbida, livida, vel alba, ita ut neque ad ignem calefacta mutetur, ut in nephreticis fit: Vel si fuerit lym-pida, clara, diaphana, & propemodum sine colore: Ista omnia sunt signa, quæ ægrum pestiferam febrem pati ostendunt. Attamen hæc omnia signa diversificantur secundum diversa anni tempora, quoniam in æstate maculæ & apostemata citius apparent, quam in hyeme & aliis temporibus, cæteris paribus, magis in constitutione calidâ quam frigidâ. Hâc vero inquisitione diligent factâ, qui ægri sunt, mittantur ad hospitale infirmorum; qui autem sani sunt, sed cum ægris fu-crunt, quoniam suspecti sunt, ad aliud hospitale mittantur; mortui etiam febre pestilentiali, sepeliantur procul a civitate, si fieri potest. ministri dum ista tractant habeant odoramenta sæpe dicta præsertim acetum, quo cum lavent manus & faciem, & hæc de regimine, quo præcaverti potest à febre pestilentiali satis esse puto.

## *E R R A T A.*

**P**AGE. 9. l. 3. l. olentem. l. 10. l. plerosq; l. 12. l. sedabatur  
l. 13. l. non. p. 12. l. 12. l. præsentem. p. 23. l. 22. l. lig-  
nis. p. 6. l. 18. l. fit. p. 22. l. 11. l. ex ijs. p. 23. l. 1. l.  
obnoxia. l. 25. l. Avicenna. l. 27. l. substantia inflammabilis. p. 25.  
l. 23. l. paucitate. p. 27. l. 2. l. pleuriticum. p. 28. l. 16. l. cœle-  
stis. p. 29. l. 13. l. elevatos. l. 21. l. sibili. p. 31. l. 4. l. acervi. l.  
12. l. scilicet. l. 24. l. intolerabili. p. 33. l. 16. l. putredini. p. 35.  
l. 22. dele, est, & inserere post inflammabilis. l. ult. l. intemperies. p.  
48. l. 27. l. earum. p. 64. l. 2. dele, mala. l. 5. l. hoc. p. 65. l. 2. l.  
quoniam. p. 67. l. 14. l. charitate. p. 74. l. 4. l. aspersio. p. 76. l.  
5. Gallia, & lin. 25. p. 77. l. 11. l. Sobrietas ac cibi. p. 78. l. 25.  
l. fit. l. comparata. p. 80. l. 12. l. delectabili. p. 81. l. 9. 9. l. por-  
tiuncula. l. 16. dele præsertim &c. ad præsertim. p. 84. l. 8. l. co-  
medere. l. 17. l. dimittantur. l. 23. l. dimittantur. p. 85. l. 25. l.  
præterea.

